


Hethadenee  
waunauyaunee vadan  
Luke Vanenāna



The Gospel According to Luke in the Arapaho Language of the  
United States of America

# Hethadenee waunauyaunee vadan Luke Vanenāna

The Gospel According to Luke in the Arapaho Language of the United States of America  
Public Domain

Language: Arapaho

Translation by: Michael White Hawk and John Roberts

2015-05-06

---

PDF generated using Haiola and XeLaTeX on 5 Feb 2018 from source files dated 20 Jan 2018

49903679-7190-57d9-b73a-1c2da4854577

Contents

Luke . . . . . 1

## Hethadenee waunauyaunee vadan Luke Vanenāna

<sup>1</sup> Hanau waunauthathee hadnedanuu hejadenenau hadjenanuu hauthase vavese hauthedau hena hayauhuhau nanāe hājavaānethauwuthajauthaunin, <sup>2</sup> Hasevenānauau nanaa hehethee jasese vasesā hānenuu nau nejaanuu hanadedaunau; <sup>3</sup> Hasethajau nau hethadee heee nananenau jea, vavesethaugudenau vahee hayauhuhau hehetheejasese hadnewauthaunauwunathane nedānee, javaānethadee Theauthenus, <sup>4</sup> Hadaenaauw hethauwuu hena hayauhuhau nesechauhauthehane. <sup>5</sup> Hena hese Herod, naja Judea, jasaa vevethahehe Zacharias haseede, hadauchunanede Abia: nau henene hedaunāhene Arauneau, nau heneseedaunin Elisabeth. <sup>6</sup> Nau haenesauuthāhenauau hathaāhenith Hejavaneauthu, thaunaugudethee vahee nanavaavedaunau nau hauchuwudaunau Vahadāde dejauthauwuvade. <sup>7</sup> Nau hehauwunesaunenauau, hanau henee hehauwunesaune Elisabeth; nau wauwu haenesauu vaeahenenauau. <sup>8</sup> Nau hethauwuu, henee daunauvadanedaude hathaāhenith Hejavaneauthu hāenauauchaude, <sup>9</sup> Nesedaunethe vevethahehehau, nesedaude hadnejaāde yehauthe hevadannauwunene Vahadāhenith. <sup>10</sup> Nau haunauude henanedanede haevethahedaune jathee nauaichuu jaa. <sup>11</sup> Nau haenauhauva hautheaune Vahadāde haetheaugune hejavese jaanaa. <sup>12</sup> Nau hāenauhauwaude Zacharias, haejanethajau, nau nāthajau haeedasaa. <sup>13</sup> Hau nuu hautheaune, jevanāthajau hathāhuk, Zacharias: havevethahede nanaudauwuu; nau hadasea Elisabeth hadjaneseawaude hāau, nau Jaun hadeseau. <sup>14</sup> Nau nananin hadaunauwuthajau nau hadeneethajau; nau hadnewauthathee neethajauthee hāejanese. <sup>15</sup> Hanau haudvasāthaa hathaāhenith Vahadāhenith, nau haudnehauwuvane daudause dadajevenenaje, wauāthe neauthunaje; nau haudnechauchaunadede Hevadanauwauthauwunene Hejavaneauthu, haa hehethee hāejanese. <sup>16</sup> Nau haudnewauthaa dāeyaunenede Israel hadjaechuwayūānau hese Vahadāhenith Henesaunau. <sup>17</sup> Nau haudnedauwaunau nau nau Vadanauwauthau nau neesenau dāhenith Elias hadjaechuwayūānau vadauhau henesaunau hese dāeyaunau nau nejenedauvathē gaugauuthajaudenau hadauehadee; hadnesaanudedede henanedanede hesanaa hese Vahadāhenith. <sup>18</sup> Nau Zacharias naudedusaene nuu? wauwu vanaehahenenau nau nadasea wauwu vadavehahenede, hathauhuk hautheaune. <sup>19</sup> Nau hautheaune hanaāauchuhananadethāde, Nananenau Gabriel henee theaugudaunau hathaāhede Hejavaneauthau; nau janeauthevānau haudnēdauwunathana, nau hadnauhauthehathana nuu neethajau waunauyau. <sup>20</sup> Nau, naune, nananin haudnejanadene nau haudnehauwunee, haunau hese nuu hayauhuhau nauauchaugu hethauwuu, hanau nananin daujethauwaudauw nadanadede, nuu hadnethauwunauaichuu nauauchaugaune. <sup>21</sup> Nau henanedanede haedauyauhauvanauau Zacharias, nau haegaugauanadauw henee dauguthetheaugude vadannauwuu. <sup>22</sup> Nau hāejenauāhede, haejēnanaadetha: nau haeaenauw daunauhauthāde vadannauwuu: haevathasauwuna nau haejanade. <sup>23</sup> Nau hethauwuu, henee, chauchaunu hese hāesevadanedaude haeyehau hese nehayau hedauwuu. <sup>24</sup> Nau hee hena hese henene Elisabeth hanaāenesaunenith, nau haegauduse nehayau hayauthaunenethe hese hee, hanaāenehede, <sup>25</sup> Hesau Vahadāde naasehānau hese hāedaugauhauvānau hadgudanauwunānau nāedayāhede henanedaa. <sup>26</sup> Nau nanaudauwauwaude hese hautheaun Gabriel haejeauthewau hehethee Hejavaneauthu hese hedan Gananee haseaugu Nazareth, <sup>27</sup> Hesāhedāeyaun haenenehauwaune henanin Joseph haeneneesenith, hehethee hedauwuu David; nau hesāhedāeyaun Mare haenaeseede. <sup>28</sup> Nau hauthaun haedasaa, nau hanaāenehethāde, Haunauwuthajau, nananin vechauthane, Vahadāde hanedaunāne: hauwunaunane hesāna. <sup>29</sup> Nau hāenauhauwaude, haejanethajau hedanadedauunin, nau haegaugauanade dau hadnesaunenechuhude nuu hadnesau. <sup>30</sup> Nau hautheaun, Jevanāthajau, hathāhuk, Mare: hanau nananin vechauthāne Hejavaneauthau. <sup>31</sup> Nau, naune, nananin hadnesaunin, nau hadneahene, nau JESUS hadeseau. <sup>32</sup> Hadvasāthaa, nau Vā Hejavaa hadethauva: nau Vahadāde Hejavaneauthau hadvenaude naja theaugudau henesaunau David: <sup>33</sup> Nau hadnauwaudau hedanin Jacob jethaujēnee; nau henajanede hadnehauwuthauvadauna. <sup>34</sup> Hanaāenehethaude Mare nuu hautheaune, Haddusenau nuu hanau nāhauwēnaunau henane? <sup>35</sup> Nau hautheaun hanaāauchuhananadethāde, Hejavaneauthau Hevadanauwauthauw hadnedasāne: nau naunauthau Hejavaa haddugauyāunāne; henaheee jea henee Nau nāudāde hadnesaunewaude Heau Hejavaneauthau hadnethade. <sup>36</sup> Nau, naune, have Elisabeth, jea wauwu henesaunede hadneahede wauw dauvavehahenede: nau nuu nanaudauwunethe hese wauw hehauwunesaune neethade. <sup>37</sup> Hanau Hejavaneauthau vahee nenedede hayauhuhau. <sup>38</sup> Nau naune, Vahadāde dauunānau hahagu Mare, hadnaasau nuu hasenehene, nau hautheaun

hanaäenauthäde. <sup>39</sup> Nau Mare hanaäethauwauthede hena hese, nau hanaäehaude jauaudane-nauauwu nauhauhaunee hese hedan Juda; <sup>40</sup> Nau hanaejedäde hedauauwunene Zacharias, nau haenaunenetchautha Elisabeth. <sup>41</sup> Nau hethauwu, henee, Elisabeth häenedauwauthaude dau-naunenechuhunith Mare, dāeyaunaa haenauauwuja hethauwaudauu; nau Elisabeth haechauchau-naude Vadanauwauthauwu: <sup>42</sup> Nau haevasanade, nau hanaäenehede, Hauwunaunane hesānaa, nau hauwunaunade dāeyaunaa hethauwaudauu. <sup>43</sup> Nau naudauhuthedasaa nuu, henee henaune Nava-hadāhewaunāde hadnedasānu? <sup>44</sup> Hanau, naune, chauchaunu hanadedauu haunaunenetchauhude häenedauwaudauwau naunaudaunu, dāeyaunaa naunauauwujahede naunaudauu hee hau-nauwuthajaude. <sup>45</sup> Nau hauwunaunade hesā henee hethauwuthajaude: hanau hena hayauhuhau had-nethauwunaasauu neethäedauwunade hehethēe Vahadāhenith. <sup>46</sup> Nau Mare hanaäenehede, Nava-dathuwu hauwaunehāde Vahadāhenith, <sup>47</sup> Nau navadathuwu neethajaudaunaude Hejavaneauthu Nā-nayauhāde. <sup>48</sup> Hanau nedaugauhauwaude hadavenuhuhau hedaununaunu: hanau, naune, hewaunehaa heejasesee vahee henaededaunu hauwunaunade hadnethanu. <sup>49</sup> Hanau hena Naunaudāde vanasaunee hayauhuhau hasehānu; nau vadanaunee heneeseede. <sup>50</sup> Nau nauwunaunade henee headaunādaunu henajāthee henaedede nau nausunee henaedede. <sup>51</sup> Nenauhauthethede hedāhede hejadena; neneāsauaunade hesāethajauhuhau hedāhene. <sup>52</sup> Nejananaude naunaudāhenethe hehethēe hetheaugudaunene, nau nejejenanaude hadavenuhuhau. <sup>53</sup> Negaudauhaude hasenahehau nauuu hethadene; nau nethauyādahehehau negudanaude jessaa. <sup>54</sup> Nenedahewaude heau Israel, nedauyewuwude hedauwuyau; <sup>55</sup> Neesenehethaude havasevāene, Abraham nau hedāeyaunewau jethaujenee. <sup>56</sup> Nau Mare haenedauguva hanāenethe hese hēe, nau hanaäejaehaude nehayau hedauuwuu. <sup>57</sup> Wauhā Elisabeth hanaäevadaudaude hadneejanēsāde; nau hanaäeahede. <sup>58</sup> Nau henedaudevādaunu nau henethesauu haenedauwuthaa hasauwunaunāde Vahadāhenith haenauhauthehaa vanasaunee hauwunaunadede, nau haenetheneethajauvaa. <sup>59</sup> Nau hethauwu, henee hāenasaudaunese haejenauusanauu hadgauguusenith dāeyaunauu; nau haedethanauu Zacharias, thauguu heneeseadaunin henesaunaune. <sup>60</sup> Nau henaune hegau, hāheyaugau, Jaun hadnethade, <sup>61</sup> Nau hathauhaugaunee hehauwuseanauu hādaunauu nuu neseede, <sup>62</sup> Nau haevathasauwunaunauu henesaunauin, haenesenehethēe. <sup>63</sup> Nau haenaude dasewauthaunauha, nau haewauthaunauhā, Jaun haseede, hahagu. Nau haunauude haegaugauthajaudene, <sup>64</sup> Nau haegau-nadenanauu, nau henethaune haegauchaunauaune, nau hanaāanadede, nau haevaveenethedauna Hejavaneauthu. <sup>65</sup> Nau nāthajaude haedasā haunauude henee hathāeauchaunauthēe: nau vahee nuu nehedaunu haegaugauudedaune jedauwu hathāuuu jauaudanenauauwu Judea. <sup>66</sup> Nau vahee hathāenedauvade haejenanauu hedahenaau, hauduthā naa dāeyaunaa, hahagaunee? Nau hejadenene Vahadānith haenedaunaa. <sup>67</sup> Nau henesaunaune Zacharias haechauchau-naudene Vadanauwauthauwu, nau haeaeyānautheda, <sup>68</sup> Vaveenethedaunaa Vahadāde Hejavaneauthu Israel; hanau haenauujāda nau daujauaudaunaudauu hedenanedanede, <sup>69</sup> Nau thauwau-danaude henenese hadnenayauhānauu jedauwu hedauauwunene hedaununaune David; <sup>70</sup> Dau nausunanadede hedenaa Hevadanaeyāhewau neenaedenethe hājeenaedenauu: <sup>71</sup> Henee hadne-nanedanenuu hehethēe haujauthavene, nau hehethēe hejadena vahee hāthāasānavādaunene; <sup>72</sup> Hethauwu hauwunaunade nesayānedaunauude havasevāene, nau hadnedauyewuwude Hevadanenesedaunau; <sup>73</sup> Deneauwuhude yeseē havasevāene Abraham, <sup>74</sup> Henee hadvenānauu, jenāthajaude hehethēe hejadenene haujauthavene hadnenayauhānauu hadnevevethedaunauu. <sup>75</sup> Nauuu vadanaunee nau chuwu hathāhede, vahee hese hadenaededaunene. <sup>76</sup> Nau nananin, dāeyaunaa, haeyāhe Hejavaa hadnethane: hanau nananin hadnedauwaudauu Vahadāde hadne-saanudene hevaunaa; <sup>77</sup> Hadvāde haeyaude hadnenanedanedaunee hededane hadjaegudanaunau-nde hewauchaudenenenuu, <sup>78</sup> Hehethēe havathēe hauwunaunade Hāsaunaunee; nanaa Naugusaje hehethēe hejavaa hadnenauujādaunānauu, <sup>79</sup> Hadvenaude heseē hathāethauginethe hadaueveyaunee nau hadaudugauyāsaa gaujauaudahede, hadnedauwaudauu hauauthene heseē hadaudādaunee. <sup>80</sup> Nau dāeyaunaa haeseau, nau hevadathuwu haedēaune, nau haenaadaude hadaunechaudanee haunau heseē hadneenauhauthethāde Israel.

## 2

<sup>1</sup> Nau hethauwu hena hese hauchuwude haeneāsana hehethēe Caesar Augustus henee vahee henenanedanede hadnayāadee. <sup>2</sup> (Nau nuu nayāade henedauwunesede deaichuwunanenede Cyrenius Syria.) <sup>3</sup> Nau vahee haeuāchudene hadnayāadee haunau hanesāde hese nehayau hededan. <sup>4</sup> Nau Joseph jea haeyehau hehethēe Gananee, hehethēe hedan Nazareth, jedauwu Judea, jedauwu hededan David Bethlehem neseē, (hanau naadahagu hedauauwunene nau nedāne David.) <sup>5</sup> Hadnethenayāde nagu Mareheau heauthehewauthādaune hadnēwaune wau hae-hāthane hee henesaune. <sup>6</sup> Nau hethauwu, henee hajesenaunanedauthēe, hese haevadaunau

hadneejanēsāde. <sup>7</sup> Nau hanaējanēsāde henedauwusaune heau, nau haeajetha, nau haesevana hewauchuhauchave nedau vethehenethe; hanau haeneau vethehedaunauauwu. <sup>8</sup> Nau hena vavade vedauauwu haudānajuāhehauau haeaudenauau, haeaunaunenauau haeanauyauhauvanauau hedajauanenau vegau. <sup>9</sup> Nau, wauhā, Vahadāde hedaughteune haedasā, nau havathee haeseenausaanauau Vahadānith; nau haevasenāthajauanauau. <sup>10</sup> Nau hautheau jevanāthajauau hathāhaugaunee: hanau, naune, nauuchaudaunathana hethadee waunauyauau havathee neethajau, nanaa heee vahee henanedanede. <sup>11</sup> Heee nananena janese nū desenee hededan David Henayauthāhe, nananede Chris Vahadāde. <sup>12</sup> Nau nū hadneanenauwu; Nananena hadveehauna dāeyaunaa hanajehede, saese hewauchuhauchave nedauvethehethē. <sup>13</sup> Nau nauhauhaunee hena haewauthanauau hejavaa hautheanauau nauguu nā hautheau haevaveenethedaunanauau Hejavaneauthu, nau hasenehehaugaunee, <sup>14</sup> Havathee hauwaunede hese Hejavaneauthu hejavaa, nau dasee vedauauwu nanethauaunee, hethadee hathanavana henanedanede. <sup>15</sup> Nau hethauwu, hautheanauau haejaenauthā hese hejavaa, Wauhā hadehauanau Bethlehem, hanathadagaunee nū haudānajuāhehauau, nau nauhaudauwu nū hayewhu javeauau, nanaa Vahadāde hāedauwunādaunene. <sup>16</sup> Nau haenauchuhanausanauau, nau haevēhanauau Mare nau Joseph, nau dāeyanauau haesaeseene hewauchuhauchauwauwu hene nedauvethehenethe hewauchuhauchāve. <sup>17</sup> Nau hāenauhauwauthee, haenēnauthedanauau nū hathauthedanāhethē heee dāeyanauau. <sup>18</sup> Nau vahee hathāenedauvade haegaugauanadauwu henee hayauhuhau nū hathauthedaunāthē haudānajuāhehau. <sup>19</sup> Nau Mare haeanaunede vahee nū hayauhuhau, nau haegaugauanade hedahaa. <sup>20</sup> Nau haudānajuāhehauau haejaesanauau, haevaveenethedaunanauau nau haevaveenethedaunanauau Hejavaneauthu heee vahee hanathadavuthee nau hathauhauthāthee, neethāedauwunāhethē. <sup>21</sup> Nau hāenasaudaichunese hadneegaugunese dāeyanua heneeseede Jesus, haseadagu nū haseede haenaneeseāde hautheanau haunauau deejethāsee. <sup>22</sup> Nau hese hāewaudeauchaude hasaunee hedauchuwude Moses hāevadaunee, haeyehauthanauau hese Dadaunedan hadjenanauwunauthē Vahadāhenith; <sup>23</sup> (Hathauthaunauhunee hauchuwudaunaa Vahadāde, Dajee haunauahee henee nedauwusau vadade hadnethade hese Vahadāhenith:); <sup>24</sup> Nau hadnāsāyadenee neesenedaunee hauchuwudaunaa Vahadāde, Hanesethe vedāenauau, wauāthe hanesethe neauthvedāesunauau. <sup>25</sup> Nau, naune, hena henane haenedau Dāaunedan, Simeon haenaneeseede; nau nā henane haechuvā nau haethauwuthajau, haejauwuwude hadneneethajauthee Israel: nau Vadanauwauthauwau haethāsade. <sup>26</sup> Nau haeeauthedaunaa Vadanauwauthauwau, henee hadjenauhauau gaujauaudahede, haunaude hadnauhauwaude Vahadāhenith Chris. <sup>27</sup> Nau haejeheenanuusa Vadanauwauthauwau jedauwu Vadannauauwu: nau hāene henehā Hejavaneauthusau jedanē hadnesehāde thauguu hasauau hauchuwude, <sup>28</sup> Hanaējavethenauande hejedanaa, nau haevaveenethedauna Hejavaneauthu nau hanaāenehede, <sup>29</sup> Vahadāhene, hewaunehaa nanehājenanaude hauwauwaunave hadnauauau nanethauaunee, hasauau hadanadede: <sup>30</sup> Heee nasesā naunauhauwauau havāde Henayauthāhe, <sup>31</sup> Nā nananin hadnesaanudene hathāhedaunee vahee henanedanede; <sup>32</sup> Hese hadneesenee Hathāauau henanedanede, nau havathee hadnenedanede Israel. <sup>33</sup> Nau Joseph nau henaune haegaugauanadauwu hena hayauhuhau hanasenehethavathe. <sup>34</sup> Nau Simeon haevethasa, nau haeāedauwuna Mareheu henaune, Naune, Nā dāeyanua hanejenanade hadneanenauaudenenee nau hadneejaegauhadenenee hauwauhuu Israel; nau hanau nauhauthethau hadnevathēvade; <sup>35</sup> (Haa, gaugauhu hadneegauchuguhune nehayau havadathuvaa jea); henee gaugauuthajaudenau hauwauhuu vadauhu hadneauthasuu. <sup>36</sup> Nau hena haenesā Anna, haeyāhe, hedaunau Phanuel, hanaadāde Aser: haewauthanenau hejajenewau, nau haenethenaedeva hechu nesaudauchu jajene hehethē neeseede; <sup>37</sup> Nau haenevesāne heee nasaudausauau yānēnee jajene, nananede haeejethaunauade vadannauauwu, nau haenesedauna Hejavaneauthu nauguu nau-gauyaude nau vevethahede dajāe nau hese. <sup>38</sup> Nau haejedā heee haevaveene jea Vahadāhenith, nau haehauthedauna vahee nethāejauwuwudethee jauauauthadede jedauwu Dāaunedan. <sup>39</sup> Nau hāesedauthē vahee hayauhuhau hasauau hauchuwude Vahadāde, haejaesanauau hese Gananee, hadāhethē hedan Nazareth. <sup>40</sup> Nau dāeyanua haesēau, nau haedāeune hevadathuwu, haechauchaunade haeyaude: nau Hejavaneauthu vadaude haethāsade. <sup>41</sup> Nau wauhā henehā haehaunenau hese Dāaunedan hadauchuvenanene vasevadanesee Hadavechauthadede. <sup>42</sup> Nau denesenee hejajenewau, haehaunauau hese Dāaunedan hanau nesedaunee vasevadanese. <sup>43</sup> Nau hese hāevadaunee, hāejāesathe, dāeyanua Hejavaneauthusau haenasedaunaa Dāaunedan; nau Joseph nau henaune haejanauwu. <sup>44</sup> Nau henanedaa haenehuvā hathanauwauhaugaunee, nau haejanaugudaunee; hanaāenaudehauthee henedaunānene nau henedaehāhene. <sup>45</sup> Nau hāejeveehauthee, haejaesanauau hese Dāaunedan, daunaudehauthee. <sup>46</sup> Nau hethauwu hāenasē hanaāeveehauthee jedauwu vadannauauwu, haethaegune nahethāe hauthedahehau, haejaathea, nau

haenaunaudedauna. <sup>47</sup> Nau vahee hathäenedauwauthäthee haegaugauanadauwu hedaeyaunene nau hedauchuhanehedaunene. <sup>48</sup> Nau häenauhauwauthee, haegaugauanavanauau: nau henaune, Nā, nau du hanesehäane? hathähuk, naune häsaunau nau nananenau nenaudehane nejeneethajauene. <sup>49</sup> Nau hathauhuk, nau du haenaudehena? gauhajaene nachäe wauwu hanedaudauwu Nāsaunau henesethäthee? <sup>50</sup> Nau haējaenauwu hasenehethäthee. <sup>51</sup> Nau hanaäenethaunaude, nau haenausanauau Nazareth, nau haeethauwaudaunā: hau henaune haeaunaunedene vahee nuu nehedaunau hedahaa. <sup>52</sup> Nau Hejavaneathusau haeenaneane hedaeyau nau hajedāde nau vechauthaude Hejavaneauthu nau henanedanede.

## 3

<sup>1</sup> Wauhā yauthaunenee jajene wauwu neenanajane Tiberius Caesar, Pontius Pinade nausunajawaudau Judea, nau Herod nanajawaudau Gananee, nau henauhauwauau Theneb nanajawaudau Iturea nau vedauwuu Trachonitis, nau Lysanias naja Abilene, <sup>2</sup> Annas nau Caiaphas vevethahenajanaau, Hejavaneauthu nanade haedasa Jaun heu Zacharias nauaunee. <sup>3</sup> Nau haedade vahee vedauwuu hanathaudane Jordan, haeauthaude dusahe haidneaugauthu gaugauuthajaudenau hadneegudanee wauchudaunau; <sup>4</sup> Naathauthaunauhuu wauthaunauhanaa hedanadede Esaias haeyāhe, Jasaye haevasenehe nauaunee, Hesaunuu hathaāhede Vahadāhede, nesedee hevau chwuuu. <sup>5</sup> Hadauchugauaudayauau hadnechauchanaa, nau hadauchāe hauane nau jauaudane hadjananee, nau jajāvāe hadchuvanee, nau hadauhauyauau bau\* hadneyauthauau; <sup>6</sup> Nau vahee henanedanede hadnauhauwau Hejavaneauthu hedenayauthaunene. <sup>7</sup> Haenaēenehethaude waunauthanee henanedanede henee hedaūdaunau haddusaanaude, Hau hedenaededaunenu seseyānauau, hanaa häedaunauādaunenau haddaugauhudaunau nauthee hasenaunau hadnausanauau? <sup>8</sup> Hethadee nesedee hadeheanaunee hadnaugauthu haugaugauuthajaudenenau jevauthenehee hadahenauau, häsaunaunene Abraham: hanau nāedaunauathana, Hejavaneauthu neene nesehaude nuu hauunaugānau Abraham hedāeyaunewau. <sup>9</sup> Nau wauhā jea hauunauchu jananee hethājēe hauhaudee: vahee hauhaudee jeneeadehuk vevenaunau haddauwauhude, nau hadneewaudeaunee. <sup>10</sup> Nau henanedanau haenaudedaunaa, hauddusedaune? hathähuk. <sup>11</sup> Hanaāedaunau, Daun nanesevehudaunade, jvena daun janevehudaunenith; nau daun hevethenede jenaesadaude, hahagu. <sup>12</sup> Wauhā haenaēenuusathee hauyāhehauau haddusaahethee, Hechauhauthethāhe hauddusedaune, hathähuk, <sup>13</sup> Nau hathāhaugaunee, javaauthaunauāthe henee nethauthevane. <sup>14</sup> Nau vanenanenu hanaasedaunethe, hanaasenehethāde, Nau haddusedaune, hathähuk? Nau javaauthasenehaa henaneda, hathāhaugaunee, javaauthenanedaneva henaneda, nau hadnanehauaunahedava haunauādaunenenu. <sup>15</sup> Nau henanedanau hathanavähuk, nau vahee henanedanede haegaugauanavaa hedāhenenu Jaun wauau Chris haenane, nau wauāthe hajee; <sup>16</sup> Jaun hanaāauchuhanehethaude, hathauhuk vahee, Hadneedusaanathana hee naje; hau hanesāde javaānauāde javaāhenau jaunau hewauhugu hewauaunaa nāhauwuneaugunavane, hadneedusaanāna hee Hejavaneauthu Vadanauwauthauwu hee heseda. <sup>17</sup> Henaunasāhau nanewauunauau, nau hadgaunauhauu heyauthee nedauthauyāde, nau hadnauānauau wauchunethauahanau nedauthānauau jenayanaui; hau jenethauyanaunau hadvadauchauauu hesedaa nedaujesaudaunee. <sup>18</sup> Nau waunauthanee hanasejāesaunee hayauhuhau hanathauthedaunau henanedanau. <sup>19</sup> Hau Herod naja haeaunaunewau hee Herodias henauhauwauau Thenebeau henenene, nau vahee hathāewaunee hanasedaude Herod, <sup>20</sup> Haewauhaunene nuu vahee henee dauaugauhude Jauneau duguhunauwuu. <sup>21</sup> Wauhā häevahesedusaahedaunee henanedanede, hethauwu henee Hejavaneauthusau haenethedusaā, nau haeevetha, hejavaa hanaāegaunaneene, <sup>22</sup> Nau Hejavaneauthuvadanauwauthauwu haejjanauhane hedanaunaa hedanaui haenaasaunee waude vedāene nau hanadede haejenaunaa hehethēe hejavaa, hasenehehuk, Nananene vechauthauau Nāa, nananene vaveenethedaunathane. <sup>23</sup> Nau Hejavaneauthusau nehayau wauwu wauau hanasauau jajeneva, hanane (hathanavade) heu Joseph, nananenith heu Heli, <sup>24</sup> Nananenith heu Matthat, nananenith heu Levi, nananenith heu Melchi, nananenith heu Janna, nananenith heu Joseph, <sup>25</sup> Nananenith heu Mattathias, nananenith heu Amos, nananenith heu Naum, nananenith heu Esli, nananenith heu Nagge, <sup>26</sup> Nananenith heu Maath, nananenith heu Mattathias, nananenith heu Semei, nananenith heu Joseph, nananenith heu Juda, <sup>27</sup> Nananenith heu Jonanna, nananenith heu Rhesa, nananenith heu Zorobabel, nananenith heu Salathiel, nananenith heu Neri, <sup>28</sup> Nananenith heu Melchi, nananenith heu Addi, nananenith heu Cosam, nananenith heu Elmodam, nananenith heu Er, <sup>29</sup> Nananenith heu Jose, nananenith heu Eliezer, nananenith heu Jorim, nananenith heu Matthat, nananenith heu Levi, <sup>30</sup> Nananenith heu Simeon,

\* 3:5 "Bau" probably should be "vau" (meaning "way" or "road"), in line with the rest of the text, since the letter "b" appears nowhere else except in foreign names.

nananenith heau Juda, nananenith heau Joseph, nananenith heau Jonan, nananenith heau Eliakim,<sup>31</sup> Nananenith heau Melea, nananenith heau Menan, nananenith heau Matthatha, nananenith heau Nathan, nananenith heau David,<sup>32</sup> Nananenith heau Jesse, nananenith heau Obed, nananenith heau Booz, nananenith heau Salmon, nananenith heau Naason,<sup>33</sup> Nananenith heau Aminadab, nananenith heau Aram, nananenith heau Esrom, nananenith heau Phares, nananenith heau Juda,<sup>34</sup> Nananenith heau Jacob, nananenith heau Isaac, nananenith heau Abraham, nananenith heau Thara, nananenith heau Nachor,<sup>35</sup> Nananenith heau Saruch, nananenith heau Ragau, nananenith heau Phalec, nananenith heau Heber, nananenith heau Sala,<sup>36</sup> Nananenith heau Cainan, nananenith heau Arphaxad, nananenith heau Sem, nananenith heau Noe, nananenith heau Lamech,<sup>37</sup> Nananenith heau Mathusala, nananenith heau Enoch, nananenith heau Jared, nananenith heau Maleleel, nananenith heau Cainan,<sup>38</sup> Nananenith heau Enos, nananenith heau Seth, nananenith heau Adam, nananenith heau Hejavaneauthau.

## 4

<sup>1</sup> Nau Hejavaneauthusau wauwu haechauchaunaude Vadanauwauthauwu haejeehedesa hehethee Jordan, nau haeyehauthaa Vadanauwauthauwu nauaunee, <sup>2</sup> Yāyauau hese hananeadauchunese hae-nayātheha Haujaune, nau hena hesee haehejevethē: nau häevathenese, haenaāsenade waunee. <sup>3</sup> Nau Haujaune hathāhuk, hith nananene Haāthauwūāvaa Hejavaneauthau häedauwunene naa hau-nauga hadejauaujaunenede. <sup>4</sup> Nau Hejavaneauthusau haeauchuhanehe hathauhuk, Wauthaunauhuu henane hehauwuunaede jauaujaunau jasaa, hau heee haunauude hedanadedauunene Hejavaneauthu. <sup>5</sup> Nau Haujaune haenauauhchauhaa hauanee hadaujauudanenee, nau haenauhauthehaa vahee najanede hathāauauvaa henanedane chachaunu. <sup>6</sup> Nau vahee nuu najawaude hadvenathane, nau hauwaunede, hathāhuk Haujaun: hanau henee nananenau devenanau; nau daun navadaunau hade-venauau. <sup>7</sup> Hith nananene henaheee hevethedaunenagu, vahee hadnehanāhene. <sup>8</sup> Nau Hejavaneauthusau hanaāauchuhananadethāde nau hathāhuk, Hede-hau naugauvaa, Haujau haugau hathauthau-nauhuu, Nananene hadevethedaunaude Vahadāde Hāsaunau, nau hanesāde haudvevethedaunaude. <sup>9</sup> Nau hanaāehauthāde Dādaunedan, nau haejenanaa nauaunauwu vadannauauwu, nau hith Haāthauwūāvaa Hejavaneauthau hauwujanauau hede hehethee, hathāhuk: <sup>10</sup> Haugau hathauthau-nauhuu, Hadāedauwunaude hedaunau haddunānaune: <sup>11</sup> Nau hejadenenau hadejedunānaune, havaugugausene headaa dasee hauunaugāe. <sup>12</sup> Nau Hejavaneauthusau hanaāauchuhananadethāde nau hathāhuk, Hasenehee, Nananene jevanayāthehene Vahadāde Hāsaunau. <sup>13</sup> Nau häevathenayāthedaude vahee, hanaāejathāde haujau najee, <sup>14</sup> Nau Hejavaneauthusau hanaāejae-naudāde Vadanauwauthauwu haduu Gananee: nau hanaāauthedaunenede hanaāeneāsanaunee vahee hathāauau Gananee nauanee. <sup>15</sup> Nau haechauhautheha vevethahenauauwu, nau vahee haevaveeneha. <sup>16</sup> Nau haenauasa Nazareth, needaunauchauhade: nau dajauaunee nesedaude haeyehau vevethahenauauwu vadanesee, nau haetheaugu dasauhauauwu wauthaunauha. <sup>17</sup> Nau haevenau hewauthaunauhanene haeyāhew Esaias. Nau häegaunanauwu wauthaunauha, haeveede hadauwauthaunauhunee, <sup>18</sup> Vahadāde Hedauwauthauwu nanadeaunānu, hanau dehedusaanānu javeda hadnauthedaunu hethadenee waunauaunee hadavenuhunethee: hanejevāde haudnenayauhu nau-dauwuthajuthee, hadnauthedanau haudjaejenanathee wauwanauau, nau hadnejanauhauthāthee nanenaugethee, haud-jaejenanathee\* hasenethaunauau, <sup>19</sup> Haudnauthedaunauwu hethadee jaunauauau jaje Vahadāde. <sup>20</sup> Nau haeauauvane wauthaunauha nau haejaevana vevethahehew, nau hanaāejanaugude. Nau vasesā vahee hathāanedauthē vevethahenauauwu haenāuhauvanauau. <sup>21</sup> Nau hanaāejasesenehethaude, nuu desenee nuu hathauthaunauhuu hethauvaa haunaudaunenenau. <sup>22</sup> Nau vahee haesegaugauwunenede, nau haegaugauanadauwu hethadenee hedanadedauunene hethāenehethaunene. Nau gaunuu jee heau Joseph? hahagaunee, <sup>23</sup> Nau hanaāenehethaude, Nananene hadethauwunehesena nuu heeejegausode, Naudaunehāhe, nehānenayauhade: henee nanāthadaunee nanāsedauunee Capernaum nanehasedaunee nechau hede nehayau havedauauwuvaa. <sup>24</sup> Nau hathauhuk hethauwu nehethathana, Hegau haeyāhe hehauwuechauthau nehayau hevedauauwuvaa. <sup>25</sup> Nau hadauthedaunathava hethauwu, waunauthathee henevesānuau neanedauthē Israel, hesee deanedaude Elias, hejavaa denausunaugauhuu nasau jajene nau nedaudauchu hesese, devasauau hasenaude denanadesanauau vedauauwu; <sup>26</sup> Nau hehauwunesāhene hejevādaunene Elias, vavade Sarepta, hedan Sidon, hesā nananede henevesā. <sup>27</sup> Nau newauthathee naugaugauwuhauau neanedauthē Israel deanedaude Eliseus haeyāhe; nau hehauwunesā henayauhade vavade Naaman Syrian. <sup>28</sup> Nau vahee hathāetheauguthee vevethahenauauwu, häenedauwudu nuu hayauhuhau, haechauchaunaudenenau hasenaunaude, <sup>29</sup> Nau

\* 4:18 There is a midline hyphen in “haud-jaejenanathee” which doesn’t appear in same word earlier in the verse. There are no other midline hyphens in this text at all, and this hyphen is probably without significance.



haegauhānauau, nau haenunanatheguthanauau hedan, nau haeehauthanauau hauchauguu jauaudanee haduunee hededanenu needaunesehenee neaudnedauuwuguthauthee hauthedaunaānee. <sup>30</sup> Hau haejavechautha hehethēe nahethāe, haejathāau, <sup>31</sup> Nau haenauusa Capernaum, hedan Gananee, nau haeauthedana vadanesenenee, <sup>32</sup> Nau haegaugauanadauwunenu hasechauhauthēhade hedanadedauau, hanau hedanadedauau haenauthaunenau. <sup>33</sup> Nau vevethahenauauwuu henane haenedau hevadathuwu haewauchāhene haujaun, nau haevasanade, <sup>34</sup> Jenehāaa; hathāhuk, haudduseha nananene Jesus Nazareth? gauhāejau haudnauauhāane? Haenaunathane hadāhene; Vadanauau Hejavaneauthau. <sup>35</sup> Nau Hejavaneauthausau haeneuva, dādaunauguu, hathauhuk, nau jenauchune. Nau haujau hāegauusewaude nahethāe hanaāejenauthaude nau haejaseneha. <sup>36</sup> Nau vahee haegaugauanavaa, nau haeanadethadenenu jae, nuu hayew hanadēde; hathāhuk, hethauwuu nauuu haenauthenehetha haenesedaawauna wauchāhenethe haujaunau, nau hanaāejenauhēthēe. <sup>37</sup> Hanaāauthedaunenēde nanadēe jaseese gauānee vedauauwuu, <sup>38</sup> Nau haegauhā haenauā vevethahenauauwuu, nau haejedā Simon hedauauwuu. Nau Simon henene henaunene haenauauwauvāhene; nau haeauthēawaunauthasanauau. <sup>39</sup> Nau haetheaugudauna, nau haeneude hasauwauvāhede; nau haenauthaa: nau nauhauhaunee haegauhā nau haedauyauhauvanauau. <sup>40</sup> Wauhā hesese hāenaesade vahee hathāenethenauthēe hasauwauvāhehēhau hanasejaechauwauvāhenethe haenauuchaudaunau; nau haedajevasana nau haeenayauha. <sup>41</sup> Nau haujaunauau nauuu haevanausanauu haewauthanauau, haeneānadenauau, nau haenehenauau, Nananene Chris Heau Hejavaneauthau. Nau haeneneuva haejechuwauanadēha: dauhaenauwunethe dau Chris denede. <sup>42</sup> Nau hāesenenee, hanaāejathāude hesēe hadaunēchadaneē, nau henanedanau haenaudehaa, nau haedasaa, nau haedauduvaa, haudjenauthaude. <sup>43</sup> Nau hanaāēdauwunaude, haudnauthedaudauwau najanede Hejavaneauthau gauchuhunee hedanau nauuu: haugaunaasejejenanau. <sup>44</sup> Nau haeautheda vevethahenauauwuu Gananee.

## 5

<sup>1</sup> Nau hethauwuu, henanedanede haeneenavadaunedauidauwuu hedanadedauunene Hejavaneauthu, haetheaugu sasethauwu neajee Gennesaret, <sup>2</sup> Nau haenauhaude hanesanenee thewaunau haetheaugunenau sasethauwu neajee: hau naunauyāhehauau haeyauhaudesanauau, nau haeanahesadenauau hēnauyaudenenau. <sup>3</sup> Nau haejedā jāsaa hethēwaunene, Simon, nau haenehetha hadwauauwuhudede vanēhaa hehethēe vachuwauauwuu vedauauwuu. Nau haejanaugu, nau haeechauhauthēha henanedanau hehethēe thewaunaa. <sup>4</sup> Wauhā hāevadauthedade, hanaāenehethaude Simon, wauauwuhude hadaudevee, nau haenauwunau haunauyade hadjathāne. <sup>5</sup> Nau Simon hanaāeuchuhananadethaude, Hechauhauthethāhe, naunagaunenēsethānauau, nau nāhauwuthauujathāva: hau hegaugaunauau hadnaenauwuaudenau nauyaude haugau hasenehene. <sup>6</sup> Nau hāesēdauthee nuu haewauthanenau hejathāunenau, nau haethauwunauaune hēnauyaudenēnau. <sup>7</sup> Nau haeadethanauau henedaehahēnau danachaugunethe jāsaa thewaunaa, haudjaunethe, nau haudnedāhevāthēe. Nau haenauusanenau, nau haeechauchauanadenauau hanesanenee thewaunau hanaāenauwuu. <sup>8</sup> Hāenauhaudauau Simon Peda, haechauāgujanagu hejadedāyānēe Hejavaneauthausau, nauuu, hathāhuk; haugauhauhaugenau, Hau Vahadāhene. <sup>9</sup> Haejenaunethajau, nau vahee hethāenethaunādaunau daunauanuthēe nauuu hejathāunenau. <sup>10</sup> Nau nauuu James, nau Jaun, heauhau Zebēde, henedaehauhau Simon. Nau Hejavaneauthausau hanaāēdauwunaude Simon, Jevanāthajau, hēwaunēhaa hēēē nananene haudnesedanaude hēnanēnauau. <sup>11</sup> Nau hāenauuchaude-thēe hethēwaunenau vedauauwuu, hanaāēnauuu vahee, nau hanaāenethauguhauthee. <sup>12</sup> Nau hethauwuu, hāenedade jāsaa hedan, naune hēnēe haeechauchāunede naunauyaneē haugauwude; hāenauhauwade Hejavaneauthausau haēuānēseve, nau haeauthēava, Vahadāhene, vathehānenagu hadeneeyaudanēne hathauhuk. <sup>13</sup> Nau haeyethauha, nau haevasana, vanatthēhānau: heyaudāhe, hathaukuk. Nau nauhauhaunee naunauyaneē haugauwude haenauthaa. <sup>14</sup> Nau haenesedauwunā haudjēdauwunaunith hēnanedane: hau najesa hadnauhauthēhau hadanayau vevethāhevāhe, nau hadvā dauhenayauhane, Mosase neesēdauvade, haudnēāenuu. <sup>15</sup> Hau haeneenanauthedaunene nēānee: nau havathee haewautha hēnanedanēde haēuānauuchaudēne daujēwaunejathēdēdaneē, nau haudnenayauhāthēe hēdasauwuvahēdānenau. <sup>16</sup> Nau haejathāau hēse nauaunee, nau haēvevetha. <sup>17</sup> Nau hethauwuu jāsaa hēse, hājesechauhauthethāde, Nesethajauhuhauau nau hechauhauwauwuhuhauau nanavaavede haetheaugunauau hejava, haējeehēdesanauau hadauchāe hauwauhauwudan Gananee, nau Judea, nau Dādaunedan: nau naunaudāde Vahadāde haetheaugu hadnenayauhau. <sup>18</sup> Nau, naune, hēnanēnauau haenauchauhānauau hēnanēne hēēē hedauwunē haēesevāhene nau haenayāthējedananauau, nau hadjenanauwunauthēe hathāājenith, <sup>19</sup> Nau hāējevedethēe haudnethējedanauthēe hanau dauwauthā hēnanedanēde, hanaāenauauhusathee dasee hauauwuu, nau haejanauhaujānānauau, hehethēe dasee hejava hāuauwuu nauuu hedauwunē

nahethāe hathāājenith Hejavaneauthusaun. <sup>20</sup> Nau hāenauhau dauwunith hedethauwuthajaude-nenau, hanaāēdauwunaude, Henane, hauwauchudaude gaunudanauwunane. <sup>21</sup> Nau wauthau-nauhāhehauau Nau Nesethajauhuhauau hanaāejasesegaugauuthajauthee, Hanaa naa hananade nehedaduhude Hejavaneauthu? hathāhuk. Hanaa haudgudanauau wauchudaude, vavade Hejavaneauthu, naanesāde? <sup>22</sup> Hau hāenauwunith Hejavaneauthusaun hegaugauuthajaudenenau, Haudusethajauva hadahenauau? hathāhaugaunee, <sup>23</sup> Hayew gauchauaa, nehehāgu, Hauwauchudaude gaunudanauwunana; nau wauāthe gauhā nau javesa heheagu? <sup>24</sup> Hau hadaenauwu henee Heau henane naunaudāde dasee hathāauavadee negudanauau wauchudaude, (naasenehethauhaugu neasauwauvahedauwunith hesevahede) Hāedauwunathane, Gauhā, nau hedana u haudduu nau najesa nananene haudauauwu. <sup>25</sup> Nau nauhauhaunee haethauwauthe hathāājenithe nau haedane haegusenadenau nau hanaāejathāaude hedauauwu haevaveenethedauna Hejavaneauthu. <sup>26</sup> Nau vahee haegaugauuthajaudene nau haevaveenethedaunanauau Hejavaneauthu, nau haeechauchau-naudenauau nāthajaude, Naunaudauhauthānauau nuu desene, hāheagu. <sup>27</sup> Nau hāevathedaude haejathāau nau haenauhauva hauāyāhe Levi hanaaseenith, haetheaugune nedauudanauau hauāyau-nau, nau jethauguhu hathauhuk. <sup>28</sup> Nau haevanauthā, haegauhā, nau haethauguha. <sup>29</sup> Nau Levi haevasevethheha nehayau hedauauwu, nau haewauthanauau hauāyāhehauau nau hauthauau haenedauguvā. <sup>30</sup> Nau wauthauhauhāhehau nau Nesethajauhuhauau haeaunevā hethauguhādaunau, nau du haenethevethewaua nau haenedaveyāwauna hauāyāhehauau nau wauchudauhuhauau, hathāhaugaunee? <sup>31</sup> Nau Hejavaneauthusaun hanaāauchuhananadethāthee, hathāedāenaedethee hehauwuvathehā naudaunehāhew; hau hathāasauwauvathethee. <sup>32</sup> Nāhauwujenauusa haudnade-thu hethahethee hau wauchudauhuhauau hadnaugaudanenee hegaugauuthajaudenenau. <sup>33</sup> Nau hathāhuk nau du hethauguhādaunau Jaun denauaunenau gauyānethe, nau devevethahethee, nau naasedauthee hethauguhādaunenau Nesethajauhuhauau; hau hanethenaunauau havethethee nau havaveyāthee? <sup>34</sup> Nau hathāhaugaunee, Gauhājeneenesehauva dāyaunauau nedauenenedaunee hauauwu nau gauyaude hajesanedaunāthee waunenenehew? <sup>35</sup> Hau hese haudnauauchuu, haudneedanauwunana waunenenehe, nau heee hadnaāenaugauyāthee hena hese. <sup>36</sup> Nau hanaāanade-thaude jea jegausauhānee; Henane hehauwu jenane waunauyaunee neauthayew hadaugauthāyaunee, hith hesedauhuk, nau hadauwayaunee needaudenauuu, nau jasaa needanee hadau wayaunee hehauwunauauchauna gauthāyaunee. <sup>37</sup> Nau hegau henane hehauwujenane waunauyaunee vasevenenaje gauthānenevajauanaa; nau wauāthe wayaugu vasevenenaje haddaudeauu nevajauau, nau hadgusenauauau, nau nevajauau haddenanaunauuu. <sup>38</sup> Hau waunauyaunee vasevenenaje hadedaunee hadauwayauau nevajau, nau nanesauuthadee. <sup>39</sup> Nau hegau henane hesevanaagu gauthānevasevenenaje nauhauhaunee haevathethaa waunauyaunee; hanau gauthāyauau hethadee, hathauhuk.

## 6

<sup>1</sup> Nau hethauwu naneseauwauau vadanesee, haehedesa jenayaunaa; nau hethauguhādaunau haegaugauunauwu wauchuunethauuhanau, nau haevethenauau, haegaunee gudenauau hejadene-nau. <sup>2</sup> Nau hauthauauau Nesethajauhuhau, Naudu hanesedauna waujaa nanavanau nesedaude vadanesee hathauhaugaunee? <sup>3</sup> Nau Hejavaneauthusaun hanaāauchuhananadethaude, Gauhājethaunauhaude nuu hasauau David neesedaude, nehayau deasenade, nau neethāenethaunāde. <sup>4</sup> Neesejedāde Hejavaneauthu hedauauwunene, nau needanauau nau nevethee nauhauthethājauau-jau, nau haevana heethāenethaunauau; waujaa nanavanau veyāgu hau jasaa vevethahevahēhauau? <sup>5</sup> Nau hanaāēdauwunāthee, Heau henane nanethadāde vadanesee. <sup>6</sup> Nau hethauwu jea jasaa vadanesee haejedā vevethahenauauwu nau haeautheda: nau henane haenedau hejavese he-jadenaa haesevane, <sup>7</sup> Nau wauthauhauhāhehau nau Nesethajauhuhau haeaunauyauhauvaa, wauau haadenenayauthā vadanesee; hadnejauaudaunauthee dauhanājauwauaunauthee. <sup>8</sup> Hau haee-nauwu hegaugauuthajaudenenau nau hanaāanadethaude henanene hesevenasanith, Gauhā nau yethaagu nahethāe. Nau haegauhā nau haeyethaagu. <sup>9</sup> Hejavaneauthusaun hanaāēdauwunaude, haudnau dedaunathana nananena hanesadee; Gaujenanavanau vadanesee hethadāgu hasedaunee, nau wauāthe wauchudauneeagu? henayauhāgu henaedede, nau wauāthe nanaunehāgu? <sup>10</sup> Nau hanaāenaunauānede vahee, hanaāēdauwunaude henanene, Segauha hajade. Nau hanaasedaude: nau hejade haenayauhune jasaa hasaunee. <sup>11</sup> Nau haeechauchaunaudenauau hasenaunade: nau hanaāaunauwuhadethee dau haudnesehauthee Hejavaneauthusaun. <sup>12</sup> Hethauwu hena hese, haehau hanaue haudnevevethaude, nau haunau nau gaunee haevethethauna Hejavaneauthu. <sup>13</sup> Nau hāesene, hanaāadethaude hethauguhādaunau; nau haeedana vadadauchenesene,

hanaāeneseaude vaduhanauau. <sup>14</sup> Simoneau (jea haeaugauthea Peda haseauhuk), nau Andwheau henauhauwauau, James nau Jaun, Thenib, nau Bathaunaumew, <sup>15</sup> Matthew, nau Taumis, James heau Atheas, nau Simon Zenautes haseadagu, <sup>16</sup> Nau Judas James henauhauwauau, nau Judas Iskariot, <sup>17</sup> hanane jea neheaudaunade Hejavaneauthsau. <sup>17</sup> Nau haejenauunethauna nau haetheauganauau hethauauwu, nau hadaachunanenethe hethauguhādaunau, nau haevasenautnenanedau henanedanede hehethē vahee Judea nau Dādaunedan, nau hehethē sasethauwu hadajee Tyre nau Sidon hethāejenauuajathēhādaunau, nau haudnenayauhāthee hedaauwauvadedauenau; <sup>18</sup> Nau hathāenaunauthauwauvathēthe wauchāhenethe haujaunau: nau haeenayauhauwauau, <sup>19</sup> Nau haunauude hadaucha haevadauvasanau hanau daunudesanaunee hevadaude nau haevahenayauha. <sup>20</sup> Nau hanaāenāuhauwaude hethauguhādaunau, Hauwunaunana nananena hadavenuhunena; hanau nananena najanede Hejavaneauthau, hathauhuk. <sup>21</sup> Hauwunaunana nananena hathāasenana hewaunehaa: hanau nananena hadnegaudana. Hauwunaunana nananena hathāevewauhuna hewaunehaa, hanau nananena hadnauchaunena. <sup>22</sup> Hauwunaunana nananena, henaneda hasānavānā, nau jaasauunānā, nau naunaunauthēvānā, nau hausāgudenauthe hane-seedaunenau hadauwasaunee, haugau Henane Heāhene hee. <sup>23</sup> Haunauwuthajauau henee hese hee, nau jajanaauau hee haunauwuthajau: hanau, naune, hanavanasauau hadaugatheavadenenau hejavaa: hanau naneesedaulyaugaune henesaunaunenau naneesehauhaugaunee haeyāhehau. <sup>24</sup> Hau naunauthauau hadnauchaudaune hathāeveaunauaune; haugau hanesedanauwuna hauwuthenaedede. <sup>25</sup> Naunauthauau hadnauchaudauna hathāegaudana; haudnasenana. Naunauthauau hadnauchaudauna hathāauchaunena hewaunehaa, hadnaudauwuthajauana nau hadvewauhuna. <sup>26</sup> Naunauthauau hadnauchaudauna, daunhāene vahee henaneda hāethadenee hasenehethānā, hanau henesaunaunenau naneesehauyugaune jayaudauwaeyāhehau. <sup>27</sup> Hau hadāedauwunathava nananena hathāenedauvana, Vechauthaa nananena haujauthavenau, heneehaa hasānavādaunenau, <sup>28</sup> Hauwunaunana hāwauwauchuvādaunenau, nau hevevethasaa hāwauwauchuhādaunenau nananena. <sup>29</sup> Nau henee haudauvāde hājeaunaa nau nauautha venene; nau hedanaugaunau nananene hauddu jevaedanau jea naudauguvechude jevaethaa. <sup>30</sup> Hevenaa daun henaneda hānedauwunādaunenau nananene; nau jeva jaenedauwunaa hedanauwunānagu daun hanetheyaunenau. <sup>31</sup> Daun hasevathehānaune henaneda hesehānenagu, nechau jenaesehaude. <sup>32</sup> Hith nananena vechauthaunagu daun havechauthādaunenau nananena, haddusevaveeneva nananena? haugau wauwauchudauhuhauau nechau nevechauthauthee hethāevechauthādaunenau. <sup>33</sup> Nau hith nananena hethadāgu hasehauānā daun hāneneehādaunenau, haddusevaveeneva nananena? hanau naneesedaulyaugaunee wauwauchudauhuhauau. <sup>34</sup> Nau hith nananena hehaunagu daun hāneejauaunaudaunādaunenau, haddusevaveeneva? hanau wauwauchudauhuhauau nechau neehauhaugaunee wauwauchudauhuhau, hadnejanaasesedanuu. <sup>35</sup> Hau vechauthaa nananena haujauthavenau, nau hethadeha hasedauna, nau hehānagu, jevajavathēhāe; nau nananena haudaugatheavadenenau hadvasauau, nau nananena hadnaāedāeyaunenena Javaājauuthee: nau nenenehaude nethāejevaveenenethe nau hauhauganau. <sup>36</sup> Hedauwuyaunee nananena, nananena Hāsaunaunenau jea hasedauwuyaunede. <sup>37</sup> Jevaachuwuu, nau nananene hadnaajachuwuhane: nau jevaduguthāe nau nananena hadnehauwuduguhuva: hejaegudanauwuyāe nau hadnejaegudanauwunane nananene: <sup>38</sup> Vāe, nau hadnevenana nananene, vavesethajauauthāe, dāyāe, nau dāesathāe, nau haunauwauauthāe, hauchauva, henane hadvenāna. Nechau hadnaasethajauaudaunāna hasethajauauthānā hadnanesethajauaudaunana. <sup>39</sup> Nau hanaāanadethaude haejejegausuhu, Gaunanenauguhu jenenauājetha nanenauguhu? Gauhaudjenesauujanesenauau gauuhanaa? <sup>40</sup> Thauguthāhe hehauwujavaāhe hechauhauthēhādaune: hau haunauude hanesāde daun haunauudaunāde hathāhenith hechauhauthēhādaune. <sup>41</sup> Nau nauu haunauhaudauwu nananene hahavaa hejaheede hesesāe, hau haājevesehau havadauhaude hathāsewau hasesāe? <sup>42</sup> Wauāthe haudusenehethau nananene hahavaa, Jāedaā, hadaugauhauwunathe hajaheede hasesāe, hau daujenauhauwaude havadauhaude hathāsewau nehayau hasesāe? Nananene jayaudauwunaedehe, nedauau haugauhune havadauhaude hathāsewau nehayau hasesāe, nau hadenaāeneauvane hadenaāeneaugauhauwu jaheede hethāsathau hahavaa hesesāe. <sup>43</sup> Hanau hauhaude hethahagu hehauwuseaude wausaunee vevenaunenau; nau wauāthe wauchahagu hauhaude hehauwuseaude hethadenee vevenaunenau. <sup>44</sup> Hanau hadaachude hauhaude neaenaunede hanasaunee hevevenaunenau. Hanau hauchahevesee henanenauau hehauwunaadauhauānuu hauuyauchuwunau nau dauchuwusee hehauwunaadauguunee dadajevenau. <sup>45</sup> Henane hethāde hehethēe hethadenee heda nenauchaude hethadenee; hau wauchāhede henane wausaunee heda nenauchaude wausaunee: hanau waunauthaa hehethēe hedahaa hede nanadenaunee. <sup>46</sup> Nau nauu, Vahadāhene, Vahadāhene, haesena, hau nejesedauna hayauhuhau hasenehethathana?

\* 6:16 "Iskariot" is spelt with a "k" here but in 22:3 with a "c". Biblical names in this text generally but not always follow the spelling of the King James Version (KJV).

<sup>47</sup> Daun nādasāde nau nedaunānaugu hasenehenaunauau, nau hesedauhuk, haudnauhauthehathana haudnethāde: <sup>48</sup> Henanene henee nenesedenethe hauauwu naathāde, nau henee nejyauchauhuu, nau naneenanaunau hauauwu dasee hauunaugāe: nau nauunauuu naje neje naunauthuu jaathāsāe henee hauauwu, nau hehauwunauauvathāau: hanau daunāaudaa haunaugāe. <sup>49</sup> Hau jaathedehe, nau janenasedauthe, naathāde henanenau henee nedasauavānethe vedauauwu; nau neje jaathāsāe naunauthuu, nau nauhauhaunee naunenauauau; nau thauwusāe henee hauauwu nevasauu.

## 7

<sup>1</sup> Wauhā hāevathanadede vahee hanasenehede daujajaathehade henanedanede, haejedā Capernaum. <sup>2</sup> Nau jasaa vanenenaja hewauwaune haevechautha haeaugauwune, nau haeyānane. <sup>3</sup> Nau hāenedauwauthaude Hejavaneauthusaun, haeautheava vachaugananenau Jews, haeadetha hadjaunith nau hadnenayauhaunith hewauwaune. <sup>4</sup> Nau hāedauchauthee Hejavaneauthusaun, haeautheauwauthasanaunau haugaunee, hanau hethāde naa henane naa haudneenesedaude, hathauhaugaunee: <sup>5</sup> Hanau vechaudauu nadedanenau, nau nenesedaunāunau vevetha-henauauwu. <sup>6</sup> Heee Hejavaneauthusaun hanaējasesenethaunāde. Nau hāeuchauu hauauwu, vanenenaja haejjedauaunanenau henedaehauhau, Vahadāhene, jevawauchuthajau Nananene: haugau wauchāhenau hadjedāne naudauauwu, hathauhuk: <sup>7</sup> Nanaa nāejewauchanavadede dau-dasathane: hau vavade nehedaunadede, nau naudautheau hadeenanedanede. <sup>8</sup> Hanau nananenau nanethenenenau naunaudāhenau, nanethenu vanenenenau, nau naāēdauwunau hanesāde yehau nau naējathāade; nau jasaa, Nahāje, hathauu nau jaunade; nau naudautheau, Nesede, hathauu, nau nanesedaude. <sup>9</sup> Hejavaneauthusaun hāenedauwaudauu nuu hayauhuhau, haegaugauanava, nau haenauthegauthaagu, nau hanaāēdauwunaude henanedanau hethāethauguhādaunau, Hadāedauwunathava, Haunauu nāhauwuveehau vasee hethauwuthajuhu (naa hathāde henane), hegau, hehauwu haduu Israel. <sup>10</sup> Nau henee hathāautheavathee, hāe-jaenuusathee hauauwu, haevehanauu wauwaune haenanedanene henee neasauwauvāhenith. <sup>11</sup> Nau hethauwu jasaa hese, hanaēhaude hedan Nain haseenaugā; nau haewauthanenau hethauguhādaunau henethaunādaunau, nau hauwauhuu henanedanede. <sup>12</sup> Wauhā hāayānau-usade hejavaaa dajanaunaa hedan, naune, naa najaa henane naunudanade, jasāsau henaune, nau haenevesānene: nau haewauthane henanedanede hehethēe hedan haenethaunaa. <sup>13</sup> Nau hāenauhauwade Vahadāde haeauwunauna, Najenaudāve, hathauhuk. <sup>14</sup> Nau haedasa nau haevasane nauaunechauthau: nau hethāenauaunechauhādaunau haedādaugaunenau. Haunau, hāedauwunathane, Thauwauthē, hathauhuk. <sup>15</sup> Nau henee nenajaa haethauwaudaugu, nau hanaējasesanadede, nau hanaēevenaude henaunene. <sup>16</sup> Nau nāthajaude haedāsā vahee: nau haevaveenethedaunanaunau Hejavaneauthu, Havathee haeyāhe hanejauaude hadedanene; nau, Hejavaneauthu haenaujādauna henesaunau, hahagaunee. <sup>17</sup> Nau nuu dauauthedaunenede haenanadesanaune vahee Judea, nau nanadee gauānee vedauauwu. <sup>18</sup> Nau hethauguhādaunau Jaun haeauthedaunaa vahee nuu hayauhuhau. <sup>19</sup> Nau Jaun haeadetha hanesenethe hethauguhādaunau haeyethaheava Hejavaneauthusaun, Gauhanane henee waudaudjaude? nau wauāthe gauhad-naudenauhauwau jasaa? <sup>20</sup> Hāedauchauthee henanenauu, Jaun Dusaayāhe janādauthēavānauu Nananene, hathauhaugaunee, hanaēnaudedauthēe, Gauhanane henee waudaudjaude? nau wauāthe gauhadnaudenauhauwau jasaa. <sup>21</sup> Nau vavade hāauchauu haenayauha haewauthanenau vavāvāuhuhau nau havathee haugauwude, nau wauchāhenith haujaun; nau haewauthanenau nanenauguhuhau haevana nauhauthau. <sup>22</sup> Hejavaneauthusaun hanaāēdauwunāthee, Najajathāauu, nau hadāedauwunauva Jaun hathāhaugaunee, hayewhu hanathauhauthāna nau hathadaunaa; hase-jaenauhauthāde nanenauguhu, jeneejavesāhe daujavesade, naunaujaunee hedaugaunedaunenau dauyauadahethee, hayājadhāe daunedauvade, gaujauaudahehe daujaethauwauthede, hadavenuhu hethadenee waunauyaunee dauauthedaunade. <sup>23</sup> Nau hauwunaunade daun najewauchuthajau-daunāde. <sup>24</sup> Nau hāejathāaunethe Jaun hedauthēaunau, hanaējasesanadedauu henanedanede hasenaedenethe Jauneau, Hayew nananena haewaunenauhauthaunenau nauaunee? gaugauguyāse daunauvasee? <sup>25</sup> Hau hayew nananena hāewaunenauhauthaunenau? Gauhanane hedāchaunau hejajehaunenau hedāchaunau? Naune, nethāeneenuthēe, nau neneenaedethee thanāsee ne-nauhuwunethe hedauuunenenau. <sup>26</sup> Hau hayew hāewaunenauhauthaunenau? Gauhaeyāhe? Haa, hadāedauwunathava nananena, nau javaāsee haeyāhehau. <sup>27</sup> Naa nananene, wauthaunee, Naune, hadjejenanaunau Naudauthēu hathaaguna, hadnesedaunāna hauvaunenau sayānee Nananena. <sup>28</sup> Hanau nāedauwunathana, hadedanenau nethāenesavāna hesānauu hehauwu-javaāse haeyāhe hathāde Jaun Dusaayāhe: hau hena haugajehede hanedauhuk haunanedanene Hejavaneauthu javaāhehuk. <sup>29</sup> Nau vahee henanedanede hathāenedaunāde, nau hauyāhehauu,

hanaāechuwauthethajaudaunauthee Hejavaneauthu, haenethedusaanā dusaayāhew Jauneau. <sup>30</sup> Hau Nesethajauhuhauau nau nanavaavehchau yesee nehayau haeausagudenaau hevathehādaunene Hejavaneauthu, haejenethedusaanā (Jauneau). <sup>31</sup> Nau Vahadāde hahagu, Hayew naudneedajenehethau henanedanede nuu henaedede? nau haethahenauthe? <sup>32</sup> Waude dāeyaunauauau hathahethee theaugunauthe haudaunanauuwuu, nau danadethedethee, nau nanāhethee, Nevadahana, hau nananena nejevadana; naudauwuthajaudauwunana nananena, hau nejevewauhuna. <sup>33</sup> Hanau denausade Jaun Dusaayāhe dejevethee jauaujaunau nau dejevanaa vasevenenaje; nau nananena nanethenaude haujaun, nethauna. <sup>34</sup> Heau henane daunausade dauvethede nau dauvanaa; Nauhauvaa naa henane naudaudāhe, nau vasevenenajevanehe, henedaehauhau hauyāyehau nau wauwauchudauhuhau, nethauna. <sup>35</sup> Hau haeyaude chaunuwuthajaudaunaude vahee hedāeyaunewau. <sup>36</sup> Nau hanesāde Nesethajuhu haedetha haudjewaunenethevethehevāde, nau haeyehau haejedā Nesethajuhu hedauuwunene, nau haejanaugu hadvethede. <sup>37</sup> Nau, naune, hesā hedan, haeauhaugane, hāaenaunaude Hejavaneauthusaun daujanaugunith hadvethenith Nesethajuhu hedauuwunene, haejāchaude jāavasaa chauayau, <sup>38</sup> Nau haetheaugu hegauwune heauthene haevewau, nau hanaāejasesahasadede heauthene heee hedejee nau haehaehenauwu heee henethaanene, nau haenedane heauthene, nau haechauname heee chauayau. <sup>39</sup> Wauhā Nesethajuhu hādethaude hāenauhauwau, haejaevenanadethade, Naa Henane, haeyāheyaugu, hanaenaunaude daunhadāhenith nau daunhathāhenith nuu hesāne hevasanādaune: hanau wauwauchuduhu, hahagu. <sup>40</sup> Nau Hejavaneauthusaun hanaāēdauwunaude, Simon, haudnēdauwunathane nananene. Nau hanaāēnehethaude, Hechauhauthethāhe, nanehe. <sup>41</sup> Hena jasia sayānedanauwuyau haenesenena hesayānedanauwunādaunau: hanesāhenith yauthaunevadadasauau vāejethā, nau jasia yauthauyau. <sup>42</sup> Nau hāeyahuunee haunaudauhudaunene, haenanethauaunegudanauwuna nesauuu Jeēdauwune, hanaene hevehauthādaune javaānee? <sup>43</sup> Simon hanaāējāēdauwunaude, Nauchāe nananenith heneehējaāgdanauwunaune. Nau hanaāēdauwunaude, Nananene neaenauwu. <sup>44</sup> Nau hanaāeyethaagude hesāne, nau hanaāēdauwunaude Simoneau, Gauhaunauhauwau nananene naa hesā? Nananenau nejedānau haudauuwuu, nananene hāehauwunene naje heee nauaudau: hau neheahasadede nauaudau heee hedejee, nau nehaehenauau henethaa. <sup>45</sup> Nananene hāehauwunedane hau naa hesā hāenausanaunauau hehauwuthauujenedane nauaudau. <sup>46</sup> Naudauguhua nauuu javeda nananene hajechauusanene hau naa hesā nechauanaau nauaudau heee chauayau. <sup>47</sup> Naa hāedauwunathane nananene hewauchudaunenu waunauthanee gaunudanauwunade; hanau dauvechauthāde javaānee hau daun vanehaa gaunudanauwunade vavade hasevechauthāde vanehaa. <sup>48</sup> Nau hanaāēdauwunaude hesāne, nananene hauwauchudaunenu jaegudanauwunane. <sup>49</sup> Nau hethāenedauguvādaunau dauvethethee hanaāejasesanadethee hegaugauuthajaudenenauau hanaa naa negudanaunau wauchudaunenu jea? <sup>50</sup> Nau hanaāēdauwunaude hesāne, Nananene hadethauwaudaude henayauhāne nananene; najesa hadnauwauthenesane.

## 8

<sup>1</sup> Nau hethauwu waunee haejathāau nanadee hadauchanene hedan nau hajasehedan, dauauthedade nau daunaunauhauthethāde neethajauwe waunauyaunee hasaunee henajanedanene Hejavaneauthu: nau vadadauchunesene haenethaunaa, <sup>2</sup> Nau jasia hesānauau, haenayauhau dewauchāhenethe haujaunau nau vavavāuhuhauau, Mare haseadagu Magdalene, naunudanavathe nesaudauchu wauchāhenethe haujaunau, <sup>3</sup> Nau Joanna henene Chuza Herod hadāhevāhe, nau Susanna, nau haewathanauau hauthauauau, hevenādaunau hethāenetheyaunenenu. <sup>4</sup> Nau hāeneenawauthaa henanedanede dauuāchudenene, nau haedasaa hehethene nanadee hedane, hanaāeanadede jegausauhānee: <sup>5</sup> Jenayāhe haewauneneāgude hejenayaunau: hauthauau haejajanesanau vaunaa; nau haeauguhudaunene, nau neaehauau hejavaa haeaudauvanauau. <sup>6</sup> Nau hauthauau haedasegaugausanau hauunagāe; nau chauchauu hāevesuu, haenadadanau, hanau daujenajene. <sup>7</sup> Nau hauthauau haejajanesanau hegauau dauhuuwusee; nau dauhuuwuse haenauguveseauu, nau haejedaunanā. <sup>8</sup> Nau hauthauau haegaugausanau dasee hadauthadee vedauuwuu, nau haeveseanau, nau haeneeanau vadadasauau jenayaude. Nau hāenehedauu nuu hayauhuhau, haevasenehe, Daun henaudaunenede, nanehanedauvade. <sup>9</sup> Nau hethauguhādaunau haenaudedau-naa, duthanau nuu jegausudede, hathāhuk? <sup>10</sup> Nau hahagu, Nananena vanenana haudnaenauwuna jaeyaunau henajane Hejavaneauthu: hau hauthauauau janegausauhuthee; hadnenuhauthāthee havajenauhauwuu, nedauvahaunau havajenauwu. <sup>11</sup> Wauhā, heyew hasauau jegausudede: Jenayaunau hedenehede Hejavaneauthu. <sup>12</sup> Henee vaunaa nanathee nenedauvathee; hanaāe-nausade haujuu, nau nedanaunūthee hanadede hedahenauau, naseduhuu hethauwuthajauau,

nau hadenanedanena. <sup>13</sup> Henee hauuunaugāe nanathee, nanedauvanauthe nesedanuu hanadedau-  
 nau nauguu haunauwuthajaude; nau nuu hehauwuthājenenauau, vanehaa nethauwauduu, nau  
 nauauchaundaunauthe vasehadede naneenaunegauhuthee. <sup>14</sup> Nau henee nejajanesāe thauhau-  
 thauchauiyauau dauchuuwusee nanathee, hanesenedauvanauthe, naneejathāuthee, nau neenade-  
 jethathee heee haunaunethaude nau nethauyādahede nau haunauwudaude, heee nuu henaedede,  
 nau hehauwunauuchaundenauau vevenaundenau hadauyauthaunee. <sup>15</sup> Hau henee hadauuthadenee  
 vedauauwu nanathee, hethauvahethee nau hethadenee hedahenau nenedauwauduu hanadedau-  
 nau, naunaunedethee, nau nenauchaudethee vevenaundenau heee jenauwauaunee. <sup>16</sup> Hegau henane,  
 hāesedeauchauuu nauauuthayau, hehauwaugau heee vasenau, nau wauāthe hehauwujenane thānee  
 hauvaa; nau nethānauau nauauuthayau neetheaugunee daun janedāde hadenauhauaudau nauau-  
 uthayāgu. <sup>17</sup> Hayewhu hehauwuyauthesa, haudjauthaseneseehee; wauāthe hayewhu hehauwuyau  
 hadjaenane nau hadnejaunauau hauthasauau. <sup>18</sup> Haunauyauhauaudauwu hanathadauvanā: daun  
 nanethenaude, nananede haudnevenade; nau daunjanenethenaude, nananede haudnedanauwunade  
 daun henethayaunau. <sup>19</sup> Hanaāedasāde henaune nau henethesaunau, nau haejenedasaa heee  
 dauneethenedaunenee. <sup>20</sup> Nau haeāedauwunaa jachau hathāhuk, Hānau nau hāthesaunauau  
 theauguthee jathee, vanadaunauhauvānaune. <sup>21</sup> Nau hanaāauchuhananade nau hanaāedauwu-  
 naude, Nānau nau nāthesaunauau nuu nanathee nenedauwauduu hedanadedauene Hejavaneauthu,  
 nau naasedauthee. <sup>22</sup> Wauhā hethauwu jasaa hese, haejedā thewaunaa nauguu hethauguhā-  
 daunau: nau hanaāedauwunaude, hadeyehaunau hauchaunau neajee: nau hanaāejathethuathee.  
<sup>23</sup> Hau hajechuauthee haenaugau: nau hanaāenausaa neajee haenaudasa; nau haechauchaunane  
 naje, nau haeanedaudauwugaujauadahede. <sup>24</sup> Nau hanaāedauchauthee, nau haeauwaudananauau,  
 Hechauhauthethāhe, Hechauhauthethāe,\* gaujauaudāhenauau, hathauhaugunee Hanaāethauwau-  
 thede, nau hanaāeneudauau hasāe nau dasenaunane naje: nau hanaāedauunauuu, nau  
 hanaāedādayauau. <sup>25</sup> Nau hanaāenehethaude, daude hadethauwaudadenau? Nau haenāthajau-  
 nauau haejenaunethajauunauau, Dauhuthenane naa, hanathadagaunee; haauchuwudede hasāe nau  
 naje, nau hanaāethauwadaunāde. <sup>26</sup> Nau hanaāenusathee vedauauwu Gadarenes, hauchaunau  
 Gananee. <sup>27</sup> Nau hāeyehaude vedauauwu, hena haenuchaunaa jathee hedan jachau henanene,  
 haenethena haujaun dajechauau, nau haevedauauchauna, haejenaede hauauwu, nau nedauthāna-  
 vathe gaujauaudahehehau. <sup>28</sup> Hāenauhauwaude Hejavaneauthusaun haevasanade, nau haechaagu-  
 janaugudauna, nau hanaāevasanadethaude, Hauddusehathe, Hejavaneauthusau, Nananene Heau  
 Hejavaneauthau javaājauuthee? Nenedauwunathane Hananene jevanaunauchauthehe. <sup>29</sup> (Hanau  
 haenesedauwauna wauchāhenith haujaun hadjenauahenith hehethee henanene. Hanau nauaunee  
 dauhusedanāde: nau naunaunehade neduguhude heee vāejethāduguthaunau nau nesaunajethaunau;  
 nau haegaugauchauagude heeduguhudaunau, nau haejathethasauaunaa haujaun hese nauaunee.)  
<sup>30</sup> Nau Hejavaneauthusaun haenaudedanaa, Haudusee? hathāhuk, Nau hanaāedauwunaude,  
 Waunauthade: hanau dewauthanethe haujaunau hethāchadaunādaunau. <sup>31</sup> Nau haenedauwu-  
 nanauau hadjenesedauwaunathee hadjeyehuthee hethauvaa. <sup>32</sup> Nau hena haewauthanauau neau-  
 thuwauchu nevethehethee hauanee: nau haenedauwunanaunau hadjenanāthee wauhaunee. Nau  
 haejenana. <sup>33</sup> Hanaāenuahethee haujaunau hehethee henanene, nau haewauhaunesanaunau  
 neauthuwauchuu: nau vahee neauthuwauchu haejathegauhunauau neenane janahuu yese ne-  
 jee, nau haevanadeavenauau. <sup>34</sup> Hāene henee nauchauwuthee daunauhauuu hasedaunenee,  
 haedaugauhunauau, nau haejathāunauau nau haeanauthedanauau hedan nau vedauauwu.  
<sup>35</sup> Hanaāeyehaunee hadnauhauuu daun hasedaunene; nau haedauchau Hejavaneauthusaun,  
 nau haeveehau henane, heneenauthāde haujaunau, haetheaugu heauthene Hejavaneauthusaun,  
 haedāchaunene, nau haechuwuthajaune: nau haenāthajaudene. <sup>36</sup> Henee nenauhauwuthee haeau-  
 thedanauau neesenayauhade nenethenaude haujaunau. <sup>37</sup> Hadauchaa hathāauuvaa Gadarenes  
 gauānee haejathethajenāhenauau; hanau dauusāhede: nau hanaāeyehaude nauauhuu jethee thewau-  
 naa, nau hanaāejaesade. <sup>38</sup> Wauhā henane nauthāde haujaunau haenetheta hadnenethanāde:  
 hau Hejavaneauthusaun haejathethajenāhe, hathauhuk, <sup>39</sup> Jaeyehau haudaunuu, nau hadnauhau-  
 thethā hathāenavasauau hayewhu Hejavaneauthau hasehāne nananene. Nau hanaāejathāde, nau  
 haeautheda nanadee hathāaunee hedan hathāenavasauunee hayewhu Hejavaneauthusaun hasehāde.  
<sup>40</sup> Nau hethauwu hāejaenauusade Hejavaneauthusau, hananedanede haeneethajaudanaa: hanau  
 haevadauyauhauwau. <sup>41</sup> Nau, naune, haejenauusa henane Jairus haseagu, nau hadāhevāhe vevetha-  
 henauauwu: nau haeuāneseve Hejavaneauthusaun heauthene, nau haeadetha hadjewaunjedānith  
 hedauauwu. <sup>42</sup> Hanau haenesāhene hedaunau wauau hanesenee jajenevāhe, nau haeyānājane. Hau

\* 8:24 Possible missing "h" in "Hechauhauthethā(h)e" ("Master").

hajesade henanedane haevauhauna. <sup>43</sup> Nau hesā haevathau de nesenee jajene heee, haevathede haunau de hevāejethāwau heee naudaunehāhehau, hau haerienayauhau, <sup>44</sup> Haedasa hegauwune, nau haevasane nauaichuu heduwune: nau chauchaunu haejenevathau de. <sup>45</sup> Nau Hejavaneauthusau hanaa navasanāde hahagu? Hāevahethedauwaudenee, Peda, nau hathāenethaunāde, Hechauhauthethāhe, henanedane vauhaunane nau naneethenane, nau hanaa navasanāde, nesehene? hathauhaugaunee. <sup>46</sup> Nau Hejavaneauthusau, hanaadee vasanānu, hahagu: haenauwau daujasese-nauau vadaude hehethēe nananenau, hahagu. <sup>47</sup> Nau hāenauhaudauau naa hesā daujeyauthesee haiejehau haehenauau, nau hanaāechauāgujanau gudaunaude, haeauthedauna hauthasee vahee henanedane hithavasanau de, nau hasenayauhāde chauchaunu. <sup>48</sup> Nau hanaāēdauwunaude, Nauddau, nanehāuwaunae dene: nanane hadethauwuthajau de henayauhāne nanane; nā-jesa haunauwuthajau. <sup>49</sup> Hajesanadede, hena haejau hanesāde hehethēe hadāhevahew vevetha-henauauwuu, haēāedauwuna, Haudauna najaa; jevajenaunevene Hechauhauthethāhe. <sup>50</sup> Hau hāenedaunāde Hejavaneauthusaun, haenaāēdauwunāde, jevanāthajau: hethauwuthajau vavade, nau haudnenayauhade, hathāhuk. <sup>51</sup> Nau hāejedāde hauauwuu, henanedane haiejevadaujedāne, vavade Peda, nau James, nau Jaun, nau henesaunaune nau henaune hesāhedēyaune. <sup>52</sup> Nau vahee haevewauhadaune, nau haecaudauwuthajauhā: hau hanaāenehede, Jevavewauhuu; hehauwunaja, nau the nau gauhude. <sup>53</sup> Nau haechauthanauau haevachunaunauau, dauaenauauthēe dauna-janethe. <sup>54</sup> Nau haevanudana, nau hanaāēdanaude hejadenene, nau hanaāanadethau de, Hesāhee, thauwauthe, hathauhuk. <sup>55</sup> Nau hevadauthuwu haējaedasa, nau haethauwauthe chauchaunu nau hanaāenehede hadnauchauvathē. <sup>56</sup> Nau henehā haegaudauwuthajaunenau: hau haēāedauwuna hadjāedauvanethe henanedaa hasadaude.

## 9

<sup>1</sup> Hanaāadethau de vadadaichu nesenee hethauguhādaunau hauānee, nau haējaanauwuna nauda-hede nau hadvahenedauthēe nanadee vahee haujaunaa, nau hadnenayaudethee haugauwude. <sup>2</sup> Nau haerienana hadnauthedaunauwunethe henajanedane Hejavaneauthu, nau hadnenayauhau the hasauwauvahehau. <sup>3</sup> Nau hanaāēdauwunaude, Jevadanauwuu hayewhu heee hajavechaude-nenau, daudause haugaudahunau, daudause newaugusajaānauthau, daudause jauaujau, daudause vāejethā; daudause jevanesauguvechudaunaa. <sup>4</sup> Nau daun hauauwuu hadaujedānā jenaadauna, nau jenaathejathāauna. <sup>5</sup> Nau daun hajethauhauvādaunenau, hāenauahenā hena hedane, hadegauyāēja-heva nau dauuyāgu hadneaenau thee. <sup>6</sup> Nau hanaāejathāauthēe, nau haeehedesanauau hauauwud-an, haeauthedaunauwuu hethadenee waunauyaunee, nau haevahenayauthānauau nanadee. <sup>7</sup> Wauhā Herod naja haenedauva vahee hanasedaunenēe heee: nau haējaene, hanau haenaasenehedaunee gauuu, henee Jaun jaegauhāde hehethēe denajaa; <sup>8</sup> Nau gauuu, henee Elias nau nauhauthethāde hedanayau: nau hauthauauau, hanesāde dajechauau haeyāhehauau jaegauhāde. <sup>9</sup> Nau Herod haenehe, Jaun nedavaāsauu: hau hanaa naa, nanedaunauthau? Nau haevadaunauhauva. <sup>10</sup> Nau vadahanauau, hāējaenuusathēe, haevahauthedaunaa hanasedaunethe. Nau hanaāēdanaude, nau hanaāejathāauthēe hevenanee hese hadaunechaudane hauthauau hedan Bethsaidā haseāgu. <sup>11</sup> Nau henanedane hāenau, hanaāethauguhauthēe: nau haesedana, nau haeauthedauna hasaunee henajanedane Hejavaneauthu, nau haeenayauha hathāevadaunayauhathēe. <sup>12</sup> Nau hāayānae-sade, hanaāejenuusathēe nesenee, nau hanaāenehethāde, Nanehāejathāaudenee henanedane, hadehau denee hauauwudan nau vedauwuu nauane, nau hadenethee, nau hadejasedauthēe vethewau: daunechadaa hadaunauau. <sup>13</sup> Hau, Venaa nananana hadevethēhedaunee, hathauhuk. Nau hanaāēdauwunauthēe, Hau nanethenauwunauau hehauwujavānee hayauthaunāe jauaujau-nau nau hanesethe nauwu; hanāyehaunee nau haunaudaunauhu vethewau heee vahee nuu henanedane. <sup>14</sup> Hanau wauau haeyauthaune vasevadadausauau henanenauau hanaadauchuthe. Nau hanaāēdauwunaude hethauguhādaunau, Janauguhaa yayauthauyauaugunauha. <sup>15</sup> Nau hanaasedauthēe, nau haevajanaughanauau. <sup>16</sup> Hanaāēdanaunau hayauthaunanenee jauaujaunau nau hanesenethe nauwu, nau hanaāējenāauguau de hejavaa, haevethasa, nau haenaāējaunauau, nau hanaāenevathēe thauguthāhehau hadjenanauwunethe hathaājedaunenee henanedane. <sup>17</sup> Nau haevethēhedaune, nau haevahegaudaunee; nau haeauānenau jeyauwaunau hathāenathaudāe nese-nee hanaadauchāe hanechauchaunāe nenethaudanee. <sup>18</sup> Nau hethauwuu, haenesenane, dauvevetha-hede, Hethauguhādaunau haenethaunaa: nau hanaāenedaunau de, Hanaa nenehede henaneda daunanenau? hathauhuk; <sup>19</sup> Hanaāauchuhanadethauthēe, Dusaayā Jaun; hauhauthauauau nethe Elias; nau jasee nethe hanesāde dajechauau haeyāhehauau jaegauhāde. <sup>20</sup> Hanaāenehethau de, nau hanaa nenehede nananena daunenau? Peda hanaāeuchuhanāēdauwunaude, Chris Hejavaneauthau. <sup>21</sup> Nau haenenadaudivā, nau haenesedaunānā hadjāedauwunauthēe henanedanau

henee; <sup>22</sup> Heau henane hadnasenede wauthanee hee hayewhu, nau hadnausāguthāde vachaugānanenau nau naja vevethahevahehauau nau wauthaunauhāhehauau, nau hadnaade, nau hadjae-gauhāsanade nasese, hanathauhuk. <sup>23</sup> Nau hanaāevahēdauwunaude, Hith henaneda jethauguhānaugu nanehanaunauchauthehadede, nau jeedane henaugachu hayauwusenene, nau najethauguhā. <sup>24</sup> Daun haunaugaunayade hedenadede hadnadede: hau daun hanade hedenadede hee nadanayau, nananede hadnenayauhadede. <sup>25</sup> Hauddusedau henane, vahesedanauaugu hathāauavadenee, nau hanahadagu, nauwauāthe hausāguthadagu? <sup>26</sup> Daun naudauthedaunāde nau nadanadedauau, nananenith Heau Henane haudnaudauthedaunaunith, hāenausathe nehayau hadauvasāthanith, nau Henesaunaune hadauvasāthanith, nau vadanee hautheanaunau hadauvasāthanethe. <sup>27</sup> Hau hadethauwauthedaunathava hauthauauau theauguthee hede, haudnehauwu-vajadawu gaujauaudahede, haunaude haudnauhauuu henajanedauene Hejavaneauthu. <sup>28</sup> Nau hethauwuu wauau hanasaudauchuse hāesenehede, Hanaāedanaude Peda nau Jauneau nau Jame-seau, nau hanaēnauauhusathee hauanee hadnevevethahethee. <sup>29</sup> Nau hajesevevethahede haenausaāune hedauchaveau haenathadene, nau hedāchaunau haenaujaunenau nau haenaunauaugausaunau. <sup>30</sup> Nau naune haenadethaa hanesenethe henanenau, haenanenenau Mosaseau nau Eliaseau; <sup>31</sup> Daunauhauthēde hedanayau haenausaāune, nau haeauthedaude haudgaujauaudāde hadvathechauchaunadede hehethee Dādaunedan. <sup>32</sup> Hau Peda nau hethāenethaunādaunau haenauwaunanenau: nau hāauwaudauunethe, haenauhauwunenenau henausaāude, nau hanesenethe henanenau haenethauguua. <sup>33</sup> Nau hethauwuu, hāenauthāde, Peda hanaāanadethaude Hejavaneauthusaun, Hechauhauthethāhe, hethadee hasanedaunee hede: nau hadenesedauna hanasāe nenaunau; hanesade Nananene, nau hanesadenee Mose, nau hanesadenee Elias; haejaene daunhasenehede. <sup>34</sup> Hajesanadede, haejenausanaun henaunauade, nau haeduguauunā: nau haenāthajaunaunauau daujedāthee henaunauadee. <sup>35</sup> Nau haejanadedauene hehethee henaunauadee, Naa nananede Navechauthau Nāa: nedaunaa, hāheagu. <sup>36</sup> Nau hāesanadedauene, Hejavaneauthusau haenesenane. Nau haeyaudenauau, nau haejēdauwunanaunau henanedane hena hesee neanāthauhauuu. <sup>37</sup> Nau hethauwuu, dauauthesenenee, hāejejanauhusathee hehethee jauadane, haegaūhenenau henanedanau hejajedauunādaunenau. <sup>38</sup> Nau, naune, henane hehethee henanedaa haevasanade, Hechauhauthethāhe, nenedauwunathane Nananene, daugauhuwune nāa: vavadenaanesāde nadāeyauneve, hathauhuk. <sup>39</sup> Nau, naune, haujaun hedanāde, nau chauchaunu haedauyānade; nau haethauwuguthaa haevevechauchaunade jeda, nau haeasenehaa haejehuwauthenauthaa. <sup>40</sup> Nau nananenau neauthewu hāthauguhādaunauau hadnausāguthauthethe; nau nejeneedauthethe. <sup>41</sup> Nau Hejavaneauthusau hanaāauchuhananadethaude, Hau hāhauwuthauwuthajau nau daujehuwauthenaedene, haudedauhujesenedauguvathe, nau haddauhujesenthauguvathe? Jāsene nananene hāa hede. <sup>42</sup> Nau hajesejaude, haujaun haeuneguthaa, nau hethauwuguthaa. Nau Hejavaneauthusau haeneneuva wauchāhenith haujaun, nau haenenayauha dāeyaunauau, nau haejaevana henesaunauene. <sup>43</sup> Nau haevagaugauanadauwu hasevasenauadāhenith Hejavaneauthu, Hau hajeseagaugauanaduu haunauade vahee hayauhuhau Hejavaneauthusaun hanasedaunith, Haeāedauwuna hethauguhādaunau, <sup>44</sup> Chuwauthethe nuu hanadedauunau jedānauha haunaudaunnenau; hanau heau henane hadvenavathe hejadenene henanenau. <sup>45</sup> Hau haejaenauwuu nuu hasenehenith, nau haeyaudaunauau, haejaenauwuu: nau haeedaunadedauanau hasehenith. <sup>46</sup> Hanaāegaugauadedauene, hanaadee haudvasāthaa. <sup>47</sup> Nau Hejavaneauthusaun, haeenauwuu hanasethajauthee hedahenauau, haedana dāeyaunauau, nau haeauyējanauguna, <sup>48</sup> Nau hanaāedauwunaude daun hanesedanaude nuu dāeyaunauau naneseedaunaa hadnesedanānau: nau daun nāsedanāde haudnesedanaude nājejenanādaune; daun janaānadaunehadede haunauade nananene vahee nananede hadnaasevasāthaa. <sup>49</sup> Nau Jaun hanaāauchuhanādaunauade, Hechauhauthethāhe, neenauhauwaunauau hanesāde nenuguthaude haujaunau hee haneseede; nau needauduwaunauau, hanau dauhujenethaunānauau. <sup>50</sup> Nau Hejavaneauthusaun hanaāēdauwunāde, Jevadauduvaa hāhauwasānavāne nanesevānauau. <sup>51</sup> Nau hethauwuu, hāenauauchaunee hadneejejanauhudanāde, haechuwuyethāne hadnehaude Dādaunedan, <sup>52</sup> Nau haeauthewa sayānee: nau hanaāejathāaunethe, nau hāejedāthee hajasee hauauwudan Samaritans, hadnesaanudaunāde. <sup>53</sup> Nau haejesedanaa, hanau dauyethāāsade Dādaunedan. <sup>54</sup> Nau hāene hethauguhādaunau James nau Jaun daunauhauwunethe nuu, hanaāenenehethethe, Vahadāhene, gaujevadaunedaunau heseada hadjejanauhusanauau hehethee hejavaa, nau hadnevadauchauthethe, neesedaude Elias? <sup>55</sup> Hau hanaāeyethāādauusade, nau haeneneuva, Nananena hāhauwaenava daun vadathau nananena hadahena, hathauhuk. <sup>56</sup> Hanau Heau henane hehauwuujuu hadnenauadede henanedanau hedenadedauenenenau, hau hadnenayauhaude. Nau hanaāeyehauthethe jasaa hajasee hauauwudan. <sup>57</sup> Nau hethauwuu, hajesethaugudethee vau, jachau henanene hathāhuk, Vahadāhene, nanane-



nau hadnethauguhathane nananene daun nananene hanasesanaune. <sup>58</sup> Nau Hejavaneauthusau hathauhuk, Gauauwuauau neyæthee, nau neaheauau hejavaa nenauhuchauethee; hau Heau henane heyauhuunee nedausevaänede. <sup>59</sup> Nau hanaäenehethaude jachau, Jethauguhu, hau hathähuk, Vahadähene, nedauau nawaunenjanau nāsanau. <sup>60</sup> Hejavaneauthusau hanaäedauwunāde, Nanehajenauthee gaujauadahehehauau negaujauadāhenethee: hau jathāu nananene nau haddauthedaude henjanede Hejavaneauthau. <sup>61</sup> Nau jachau jee, hathähuk, Vahadähene, hadnethauguhathane nananene; hau jechuwathehe nedauau nawaunenaunenechauthaunauau, hanedauthee nayāenau naudauuwuu. <sup>62</sup> Nau Hejavaneauthusau hanaäedauwunāde, Hegau henane, dunauaugu thauauuwujethau, nau jaaäyau, hehauwunaathā henajanedaunene Hejavaneauthu.

## 10

<sup>1</sup> Nuu hee Vahadāde haeautheava hauthauau nesaudausauau jee, nau haeyeyethautheava hanenesenethe sayānee haunauude hedan nau vedauuwuu, haudnanādaunauusade. <sup>2</sup> Henaheee hanaäenehethaude, Jenayaunau hethauwuwauthāe haneseuu, hau nesethāhehauau hajewauthathee: vevethahee nananena hee Vahadāde deseujenayaunau, hadejejenanaude nesethāhehau hejenayaunaa. <sup>3</sup> Jathāuau nananena hathaāsana; naune nananenau janenanathana neānee waude haudāsanauau hejee hauchāhee. <sup>4</sup> Jevanewuunauwuu nesevæjethāwauau, newaugusajaānauthau, nau wauauau: nau jevanaunenāthedaunaa henane hauvaunenau. <sup>5</sup> Nau daun hauauwuu nananena hadaujedānā, Dādayauha nuu hauauwuu, nedauau hadeva. <sup>6</sup> Nau hith heau dādaunee hanedauyugaunee, nananena hadādaunahedaunenau hadnaadaudayūnsaa: hau jene hadjaegauusedaunāna. <sup>7</sup> Nau vavade hauauwuu hadanedauva, hadevetheva nau hadevanava daun hayauhuhau hauchauvadenenau: hanau nesethāhe naunadaunade. Jevaenejedāe hauauwuu. <sup>8</sup> Nau daun hedan nananena hadaujedānā, nau hesedanānagu, hadevetheva daun hayauhuhau hajenanauwunādaunenau: <sup>9</sup> Nau hadenayauhauva hasauwauvahehe daun hanedaude, nau hesau jeenanethāedauwunāna, Henajanede Hejavaneauthau hayāedasāna. <sup>10</sup> Nau daun hedan nananena hadaujedānā, nau jesedanānagu hadjajathāuau hasesana hehethee hadaugauchadāe hauauwudan, nau hesau jeenanesehethauna, <sup>11</sup> Daudause nauthejahathaugu nananena hadedanaunenau, heejahadāheagu, neyeseгаunuhudee nananena: hau nananena hadethauwaenava nuu, henajanede Hejavaneauthau hayāedasāna. <sup>12</sup> Hau hadāedauwunathava, hadjavaānathauauyauau hena hesee hee Sodom, javaānee hee hena hedan. <sup>13</sup> Naunauthauau hadnauauchaudauna, Chorazin; naunauthauau hadnauauchaudauna, Bethsaida; hanau havathenayauthau heheenesedaudeneagu jedauwuu Tyre nau Sidon, nuu hasehana nananena, dajechauu neaunauevethajauduuhewachudadenenau, needanaugudaunee neachuwaudenee naujuwau nau jaetha. <sup>14</sup> Hau hadjavaānathauauyauau hee Tyre nau Sidon hānaudedauwunādaunee, javaānee nananena. <sup>15</sup> Nau nananena, Capernaum, hanejanana yesee hejavaa, hadjaejanauhane yesee hadauveeyauau. <sup>16</sup> Daun hajaathehādaunenau nananena hadjaatthānau; nau daun hauwauchānavādaunenau nananena haudwauchānavānau; nau daun nauwauchānavāde hadwauchānauwaude najejenanādaune. <sup>17</sup> Nau nesaudausauau haejaenusanauau nauguu neethajaude, hanaäedauwunauthee, Vahadähene, daudause haujaunauau hanechauwauaunauau hee nananene haneseede. <sup>18</sup> Nau hanaäedauwunāthee, Nenauhauwauau Haujuu waude jahagude hasejanesa hehethee hejavaa. <sup>19</sup> Naune, Nananenau vanenathana nananena naudahede hadnauguhudaunauna sesityānauau nau hauwauhaudathee, nau nanadee vahee henaudahede haujuu: nau hegau hadneaseveva. <sup>20</sup> Hau vahee nuu jevaneethajaudauwuu, haujaunauau dauuchauwauaunaua; hau henuauthaneethajauau hanau nananena haneseedaunenau dauwauthaunuhuu hejavaa. <sup>21</sup> Hena hāuchauau Hejavaneauthusau haeneethajauve hevadathuwu, nau hanaäenehede, Nananenau vaveenethedaunathane Nananene, Hau Nāchau, Vahadähene hejavaa nau vedauuwuu, hanau Nananene dauyadaunau nuu hayauhuhau hehethee nadaunahehehauau nau hathauwunānauau, nau hadnauhauthehauva dāeyaunauau: hethauwuu, Nāsanau; waude hetheede nananena hasēsānenau. <sup>22</sup> Vahee hayauhuhau vanenānau Nāsanau: nau hegau henane haenauna hanaadāne Heāhene, vavade Vāsanau; nau hanaadāne Vāsanau, vavade Vā, nau nananede hanaadāne Heāwane hadnenuhauthehāde. <sup>23</sup> Nau hanaäedauwunāthee hethauguhādaunau, nau hanaānadethaude hevenanee, Haunauwuthajauauha hasēsānenau dauhunauhauwunā hayauhuhau hānauhauthaunenau: <sup>24</sup> Hanau nananenau hāedauwunathana, waunauthathee haeyāhehauau nau nenuchuwuthee nevadaunauhauduu hena hayauhuhau hānauhauthaunenau, hau hehauwuthauunauhauwuu; nau devadaunedaunauwuu hena hayauhuhau hānedauwuthaunenau, hau hehauwunedaunauwuu. <sup>25</sup> Nau, naune, jassaa nanavaavehe haetheagu, nau haenaudayādauna, Hechauhauthethāhe, nauddusesedene jethaujuenee haenedede? hathauhuk, <sup>26</sup> Hanaäedauwunāde, Hayew wauthaunesaa nanavaavedaunaa? Hādusasuhaude nananene? <sup>27</sup> Nau

hanaāēdauwunaude, Nananene hadvechauthau Vahadāde nananene Hejavaneauthau nauguu vahee nananene hadahaa, nau nauguu vahee nananene hadathuvaa, nau nauguu vahee nananene hadāhedaunaa, nau nauguu vahee nananene haugaugauthajaudenaa; nau nananene hanedaudewau waude nehayau nananene. <sup>28</sup> Nau hanaāēdauwunaude, Nananene hethauvāne: nanehasedaune, nau nananene hadnenaedene. <sup>29</sup> Hau nananede, vanadauchuvanadede, hanaāenehethaude Hejavaneauthausau, Nau hanaa nanaudewau? hathauhuk, <sup>30</sup> Nau Hejavaneauthausau hanaāauchuhanāedauwunaude, Jasaa henane haejathāu hehethēe Dādaunedan heseē Jericho, nau haeesedanaa havedehēhau, haethauwujedaunaa hedāchaunau, nau haeesenehaa, nau haejathāunenau, haenauthaa dauhayānjaa. <sup>31</sup> Nau haejathedasa jachau vevethahevahew hehethēe: nau hāenauhauvāde, haejavechauthaa gauchuhuneē. <sup>32</sup> Nau vavade Levite, hāedadauau hadaunith, haeda sa\* nau haenāuhauva, nau haejavechautha gauchuhuneē. <sup>33</sup> Nau jasaa Samaritan, daujādāde, haedasa hadaunith: nau hāenauhauwaude haeauwunauna, <sup>34</sup> Nau haeyehau, nau haedugudana hadaunese-nenith, haedaunauwuna javeda nau vasevenaje, nau haedasana nehayau hedauneau, nau haenau-uchauha vethehedaunauwuu, nau haeaunauneha. <sup>35</sup> Nau daunauganeneē hāejathāu, haedane hanesaneneē hevāejethāu, nau haevēna hadāhevahew, nau hadaunaunehau, hathauhuk; nau daun hasegaujauauthedanānaune jee, hāejaenausanaune nananenau hadaunaudaunathane nananene. <sup>36</sup> Hayewnau nuu hanasāe, hadeanathaunau, henedaudevādaune heneē neesedanāde havedehēhau? <sup>37</sup> Nau hanaāēdauwunaude heneē heauwunaunādaune. Hanaāenehethaude Hejavaneauthausau, nau jenaenesedaune nananene. <sup>38</sup> Wauhā hethauwuu, daunsausjavesathēe, haenausanauau jasaa hajaseehauuwudan: nau jasaa hesā haseagu Martha haejedana hedauuwunin. <sup>39</sup> Nau haena-havāe Mare haseeyaugaune, jee haejanaugude Hejavaneauthausau heauthene, nau haenedauwaude hadanadedanene. <sup>40</sup> Hau Martha haedauwauchune dauwauthaneē hasedaude, nau haeeedasa, nau hanaāenehethaude, Vahadāhene, gauhājegaudauvanade daujenauthānu nahavaa daunesene-setsānu? hāedauwunene hadenedavevānu. <sup>41</sup> Nau Hejavaneauthausau hanaāauchuhanehethaude, Martha, Martha, nananene haunaunāhene nau dejanethajaudauwuu waunauthāe hayauhuhau: <sup>42</sup> Hau hanesadeē hayewhu chaunauwuu: nau Mare hayāchauhau heneē hethadeneē hadāde, hehauwuneejathechauhau nauthēe.

## 11

<sup>1</sup> Nau hethauwuu, heneē, daunsausvethahede haedaunaneneē, hāejenedaude, hanesāhenith hethauguhādaune hathāhuk, Vahadāhene, jeechauhauthēhā hadnesevethahee, waude Jaun jee neesechauhauthēhaude hethauguhādaunau. <sup>2</sup> Nau hanaāēdauwunaude, hāene nananena van-evethahenā jeenanesehena, Hāsaunaunene Nananede hanedaude hejavaa, Vadanauha Nananene haneseede. Nananene hananede hanājaunau. Nananene hathanavāne hadnaasedaunee hasauau hejavaa, nau jee nuu vedauwuu. <sup>3</sup> Hejevenā hadaachuseneē hayauwuseneē vethe-wau. <sup>4</sup> Nau jejaegudanaunwūnā hewauchudaunedaunau hanau nechau nejaegudanaunwunade haunauude hanesāde nethāesayānedanaunwūnāde. Nau jevaechauhāa nedauvasehadee; hau haugaunayauhāa hehethēe hadau wausauau. <sup>5</sup> Nau hanaāēdauwunaude, hanaa nananena hadnenedaehahede, nau hadneyehaude thaudajaa, nau hadethaude, Va, jeehe hanasāe jauaujau-nau; <sup>6</sup> Hanau nāde daunaujūdaunānu, nau nananenau haeyauhuunee nauchauwaude? <sup>7</sup> Nau hehethēe jedauwuu hadnauchuhanehede nau hadnenehede, Jevajanethajuhu: dajanau wauwu haugauhude, nau nanesanauau nanejauwu naudavāa;\* nananenau nāhauwuneeauthē nau hajeneevenathane. <sup>8</sup> Nananenau hāedauwunathana, hadnehauwuthauwauthene nau had-venāde hanau dauhunedaehāwaude, auhanau daunenāhede hadthauwauthenith nau hadvenāde daun hadauchuvatēhāthe. <sup>9</sup> Nau nananenau hāedauwunathana, Henedauwauau, nau hadn-evenana; henaudethāe, nau hadnevedena; hewaūdāheē (dajanau), nau hadnegaunedanaunwunana. <sup>10</sup> Hanau haunauude hanesāde nethāenedauwaude neneaudauwaude; nau heneē ne-naudethāde nevenauau; nau heneē newaudāhaude (dajanaune) hadgaunauwunade. <sup>11</sup> Hith hāahenu nedauwunānagu jauaujauau jasaa nananena henesaunaune, gauhadvena hauunau-gane? wauāthe nedauwunāhuk nauwu, gauhadvena hauchuhaneē gauhadnanene nauwunenith seseyāne? <sup>12</sup> Wauāthe nedauwunāhuk nauwu, gauhadvena hauwauhadanethe? <sup>13</sup> Hith nananena, hauhauganenagu, hadanava hadnesevenauna hethadeneē venadedauwunau nananena hadāyaunevenau: duthāeē nananena hejavaa Hāsaunaunenau hadvenāva Vadanauwauthauwu nethāenedauwu-

\* 10:32 Two words across a page (“haeda” and “sa”) perhaps should have been hyphenated, giving “haedasa” which, together with “haedasa”, occurs eleven times elsewhere in the text. There are no other occurrences of “sa” standing alone. \* 11:7 Mid-verse punctuation could be either a colon or semicolon as the lower part of the punctuation is malformed. It was decided to use the semicolon, in line with the KJV, as the punctuation of the two texts often coincides.

nauna? <sup>14</sup> Nau neausāguthaude haujaun, nau heehauwanadene. Nau hethauwuu hāejathāaude haujau, hanaāejaanadede; nau henanedanede haegaugauuthajaudene. <sup>15</sup> Hau jasaa hahagu, Nausāguthaude haujaunau heee Beelzehub najane haujaunaa. <sup>16</sup> Nau hauthauau, haenaudayā-daunaa, haenehethaa hadnauthauthaudenene hehethēe hejavaa. <sup>17</sup> Hau haeaene hedenetha-jaudenene, haeāedauwuna, Hadauchaa najanede nanayāsenauaugu nehayau hadneyauhuu; nau hauauwuu hasānavadenaugu hauauwuu hadjanesaa. <sup>18</sup> Hith, Haujau jea hasānavadagu, had-dusetheaugune henajanede? hanau nananena denehena nananenau deausāguthaugaunee hau-jaunauau hehethēe Beelzebub. <sup>19</sup> Nau hith nananenau hausāguthaugaunee hehethēe Beelze-bub haujaunauau, hanaa hāahenau hadnausāguthaude? hadedauchuwuwuna. <sup>20</sup> Hau hith nananenau hejadenethedaunau Hejavaneauthau hausāguthaugaunee haujaunauau, hethauwuu henajanede Hejavaneauthau hedaasāna. <sup>21</sup> Henane danāahethe hedauchuaunau haunaunede huk hedaauwuu, hevathēyauunau nedādayaunee: <sup>22</sup> Hau hāejavaādāahenethe javaāhehuk hedaasāhuk, nau veavehāhaugu, hadnedanauwunāde vahee hedauchuaunau heaanadauwardenau, nau had-jaanenee hesehauwenau. <sup>23</sup> Daun najenethaunāde hasānavānau: nau daun najenethauāyāvāde naneāsauauwaude. <sup>24</sup> Hāenauthauthēe wauchāde haujau henanene, nehedesade hadaujenajene-nee, denadedede dauyānusenade; nau janeveedethe, naneenehede, nananenau hadjaesanau nau-dauauwuu needaujenauhenu. <sup>25</sup> Nau jaenauasathe, nevedede nesewaudeauhunee nau neyau-dauthaunenēe. <sup>26</sup> Naeneejathāaude, nau naneedanauwaude hanesaudauchenethe hauthauau hau-jaunau javaānauhauganenethe javaāhede; nau naneejedāthee, nau nanejanauguthee: nau waunee henee henane naeneejavaānauhauganede nedauaunejeethāde. <sup>27</sup> Nau hethauwuu, hajeseanade nuu hayauhuu, jasaa hesā hehethēe henaneda haevasanade, nau hathauhuk, Hauwu-naunade henesaunehēe hājanesauthāde Nananene, nau hethanau nedaunenane. <sup>28</sup> Hau hahagu, Haa, nausunee, nauwunauathee nethāejathēdeduu hedanadedanene Hejavaneauthau, nau nau-naunedethe. <sup>29</sup> Nau henanedanede hāneenanauthanadedauhuu, hanaāejasesenehede, Nuu nanaa wausauau henaedede: nevadaunauthāthee; nau hegau nauhauthaude hadvenaunauau, hau vavade nauhauthau nananede Jonas haeyāhe. <sup>30</sup> Hanau Jonas neesenauhauthēaude Ninevites, nechau jea Heau henane hadnaathāde nuu henaedede. <sup>31</sup> Nenauchuwusā janauhuu hadjaegaughāde naudedanadenesee nauuu henanenau nuu henaedede, nau hadnauthauwuvāna: hanau dejewa-unejaathēaude hehethēe hāauauvadenee naunaudāhenith Solomon; nau naune, hejavaāhedaune Solomon hanedaunith. <sup>32</sup> Henanenauau hehethēe Nineveh hadjaegaughāthee naudedanadenesee nauuu nuu henaedede, nau hadnauthauwuvāna: hanau dauaugauthethajauduu hedauthedaunene Jonas; nau, naune, hejavaāhedaune Jonas hanedaunith. <sup>33</sup> Hegau henane, hāesedeachauuu nauauuthayau, hehauwujenane yauthēe, daudause hehauwugaudauyauvasanaunaa, hau dasee nauauuthayaunetheaugunee, nethāejedāthee hadnenauhauuu naunauasādanee. <sup>34</sup> Hanesenee vadanayannaa nanaa nevasēsānee: nanaa hāenesadee hasēsānenau nananena, nananene had-naunauudayauau hadanayau jea hanechauchanaa hesee; hau hāene nananene hasēsā wausuu, hadanayau jea hadnechauchanaade vaneeyauau. <sup>35</sup> Haunauyauhauwauau hanau henee hesee hathāsadaude nananene jeva veeyauha. <sup>36</sup> Hith nananene haunauudayauugu hadanayau hanau had-nechauchanaudene hesee, hadnehauwugauveeyau haunauude hadnechauchanaa hesee, waude naunauasādāe nauauuthayau nevenāna hesee. <sup>37</sup> Nau hajesanadede, jachau Nesethajauhu haeadethaa hadnethevethehewaude: nau haewaunejedā, nau haejanaugu dauvethede. <sup>38</sup> Nau hāene Nesetha-jauhu nauhaudauau, haegaudauvanava daujahesehunith nedauau hajesejevethēhenith. <sup>39</sup> Nau Vahadāhenith hathāhuk, Hewaunehana nananena Nesethajauhuuauau neyauthahenaunawa jathee vāenaunau nau saenaunau; hau nananena hethauvaa hanechauchanaudena vahedayāde nau hauhauganede. <sup>40</sup> Nananena janethauvahena, gaujenane Hejavaneauthau nenesedede jathee gaujee henesede jedauwuu? <sup>41</sup> Hau hevāe hauwuyau daun hanetheyaunenau; nau, naune, vahee hayauhuuau hadnesewaudeanaunauwana? <sup>42</sup> Hau nauauthauau hadnedasāna nananena Nesethajauhuuauau, hanau nananena hadvāna vadadauchu wauhaunauau nau naneujaudevejechau nau vahee hathāe-jajāesuu vejechau, nau hadjavechadauwuna vavesachuwude nau devechauthāde Hejavaneauthau; nuu hāvachunaasadauna, nau hānanejenaudauwuna hauthauau nejesehee. <sup>43</sup> Nauauthauau hadnedasāna nananena Nesethajauhuuauau, hanau nananena devechadauwuna najatheaugudau-nau jedauwuu vevethahenauauwuu, nau dejachauthana nedauadaunauvadee. <sup>44</sup> Nauauthauau hadnedasāna nananena, wauthaunauhāhehauau nau Nesethajauhuuauau, nanadaunahena, hanau nananena waude nedaugaudayauhudaunee dejenauhauwuu, nau henanenauau nedasejavasathee hehauwaenaunā. <sup>45</sup> Hanaāauchuhananadede hanesāde nanavaavehe, nau hathauhuk, Hechauhauthēthāhe, nuu dauhanadene nananene naunaunauthēvāna jea. <sup>46</sup> Nau hathāhuk nauauthauau hadnedasāna nananena jea, nananena nanavaavehehauau, hanau nananena henenauchuna henane-

nauau nauuu henenauchude hehayaudee javechauhunee, nau nananena nehayau jevavasanauuuu henenauchudaunau heee hanesadee nananena hajadenenau. <sup>47</sup> Naunauthauau hadnedasāna nananena, hanau nananena denesedaunauna gaujauaudahenauauuu haeyāhehauau, nau hāsaunaunenau denauauthee. <sup>48</sup> Hethauuuu nananena haeyāna henee nananena wauhaunee nanāsedauthee hāsaunaunenau: hanau denauauthee, nau nananena nenesedena hegaujauaudahenauuunenu, <sup>49</sup> Naasauau jea hahagu hedaeyaude Hejavaneauthau, Hadjenanu haeyāhehauau nau vadauhanauuu, nau hauthauau hadnenaathee nau hadnenaunaunauchauthehathee: <sup>50</sup> Henee hevaevenau vahee haeyāhehauau, hanedaunee hehethee davadeesehee vedauuuuu, hadneenaudedauwuhuu nuu henaedede; <sup>51</sup> Hehethee hevaevaa Abel nauuu hevaevaa Zacharias henee nenajaa nahethāe jaanaa nau vadanauuuu: hethauuuu nananenu nehethathana nananena, hadneenaudedauwuhuu nuu heee henaedede. <sup>52</sup> Naunauthauau hadnedasāna nananena nanavaavehehauau, hanau nananena dauhudanauwuna gaunaudauuha haeyaude: nananena hadnehauwujedāva nehayau, nau henee hathāejedāthee nananena najauaunauna. <sup>53</sup> Nau daunenehedauu nuu hayauhuhau yesee, wauthau-nauhāhehau nau Nesethajauhuhauau hanaāejaseseneenaunaudedauuāde, nau haeneenadanaunauau hadnauthedaudauwunith hauwuhuu hayauhuhau; <sup>54</sup> Haeaudenauthaa, nau hadnesedanauwunethe hayewhu hehethee hedenene, hadnāedauwauthathee.

## 12

<sup>1</sup> Gaunauuuu, hāene hena hauāchandenēe hauānee haejedaguu hadaucha henenanedede, dauwauthaa haeauauguhudaunadenauau, hanaāejasesāedauwunaude hethauguhādaunau nedauuu vahee, Hauuayauhau dauwauuu nananena gauhauuu Nesethajauhuhauuu, nenadaunathethee. <sup>2</sup> Hanau hehauwuyauthesa, hathāeyauthesaa, daudause hehauwuyauthesa, nethāejanaunee. <sup>3</sup> Hanau daun nananena hasanadenā veeyaugu hadnedauwuhuu hesenee; nau henee nananena hasenehenā waunaudaunuu jedauuu hadnauchunana dasee hauuuuu. <sup>4</sup> Nau nananena hāedauwunathana Nādaehauhauuu, Jevaesaa henee nenadethee henenedayāhau, nau heee hehauwauthesedaunauuu. <sup>5</sup> Hau nananena hāedauwunathana daun nananena hāchaunenau: Hesaa Naa, heee hesenaānagu naunaudāde hadgauusevāna hadaugauhauchanee; haa, Nananenau hāedauwunathana nananena, Hesaa. <sup>6</sup> Hayauthaunethee hajaseaheuuuu gujeaudaunaune heee hanesāenee nevaāhenee, nau hanesāde hehauwunaunethedaunā Hejavaneauthu? <sup>7</sup> Hau daudausee hadauchaē hāthaanenau hadauguhuanenau vahenayāee. Jevanāthajauuu henaheee: nananena javaānuwauhuana hadauchuthee hajaseaheuuuu. <sup>8</sup> Jea Nananenau hāedauwunathana, Daun naujauauthethāde hesee henenedaa, nananede Heāhene henenene jea hadnehauwaudauthehaa hesee hautheaunau Hejavaneauthuu. <sup>9</sup> Hau henee nauyauhāde hesee henenedaa hadneyauhade hathāāhenethee hautheaunau Hejavaneauthuu. <sup>10</sup> Nau daun hayādaunaude Heāhene henenene, hadjaegudanauwunade: hau nananede henee hauhauganedauuu Vadanauwauthauuu hadnehauwujagudanauwunau. <sup>11</sup> Nau hāejedanānā vevethahenauuuuu, nau hauchuwunanenauuu, nau najanauuu, jevagau-gaunadauuuu wauāthe daunhayewhu nananena hadnesauchuhanehena, wauāthe daun nananena hadnesenehena: <sup>12</sup> Hanau Vadanauwauthauuu hadnāedauwunāna nauauchaugu daun nananena hadnesenehena. <sup>13</sup> Nau hanesāde hehethee hananedaa hathauhuk, Hechauthethāhe, hanadesene nasaa, hadegaugauanauwauuuuu vatheyaunau. <sup>14</sup> Nau hathāhuk, Henane, hanaa nanesehāde hadnauchuwuhathane nau hadjaanauwunathane nananene? <sup>15</sup> Nau hasenehethauhuk, Hau-nauyauhau dauwauuu, nau naseduhuu jevavathēhāe: hanau henane henedaede hehauwunedahevaa wauthayāgaune hevatheyaunau henetheyaunau. <sup>16</sup> Nau haeanadetha haejegausudenanadetha, Vedauuuuuu jasaa nethauyāsenane haenauthauthā: <sup>17</sup> Nau hasethajauhuk nehayau, hewauuu hauaudnesedaunaune, hanau hājenethenauwau jedauuu hadnauthānauwau navethenau, hahagu? <sup>18</sup> Nau hanaāenehede, nuu hadnaasedaunau: hadthauwunauwau nathāyānauuuuu, nau hadnesedenau hadjavaāvasauuu; nau hadnaauthānauwau vahee navethenau nau navatheyaunau. <sup>19</sup> Nau hadnaāenehethauuu navadathuuuu, Vadathau, nananene nanethenauuu waunauthāe hanetheyaunau janenane hadwauthāe jajene; hedanaunauthauuanaedede, hevethēhe, hevaveyā, nau haunauwunaede. <sup>20</sup> Hau Hejavaneauthu hathāhuk, Nananene Hauhauga, nuu dauveeyauuu nananene havadathuuuu hadnedauwunane: heee hanaa hadnethenauuu hājenayauuu? <sup>21</sup> Nananede haenathauuu heveaunauaudenau, nau hehauuwuueaunauuu hesee Hejavaneauthu. <sup>22</sup> Nau hathauhuk hethauguhādaunau, Naa nehethathana, Jevaegaugauanadauuuu hadnaededaunenau, daun hadnevethedaunenau; daudause heee hadanayaunenau, daun hadnāsaunenau. <sup>23</sup> Henaedede javaāsaa vethevaa, nau vadanayauuu javaāsaa hāchaunaa. <sup>24</sup> Gaugauanavaa huunauuu: hanau dejejeyāthee nau dejegauausauhāthee; hehauwunethenauuu thāyānauuuuu nau vetewau nedauthāsanenee; nau Hejavaneauthu nauhaawaude: gauhajāyāneenaedeve henenaa? <sup>25</sup> Nau hanaa nananena vanadaunāde heee neejahehe? <sup>26</sup> Hith nananena wauhā jenee-

nesedaunagu henee haugajuhuu, naudu hajanethajaudauwuna hauthauau? <sup>27</sup> Gauguanadauwuu nenaugaānuu nejajaesaānuu neseveseu: hehauwunesethānaunau, hehauwunethaudayānaunau; nau nausunee nāedauwunathana, henee Solomon vahee hevasāthade heehauwunaasenu hasaunee nuu. <sup>28</sup> Hith wauhā Hejavaneauthau heneenudehuk wauchuuau, nuu desene nauau, nau nauagaagu hadneewaudeadaunee; hāduthāejavaāvenāva hāchaunau, Hau nananena vanehaa hethauwuthajauna? <sup>29</sup> Nau jevanaudedee nananena daun nananena hadnevethedaunenau, wauāthe daun hadnevaveyādaunenau, jevaauwaugaugauuthajauau. <sup>30</sup> Hanau vahee nuu neauthudan hathāauavua nenaudethāthee: nau nananena Hāsaunaunenau haenauau henee nananena hāvathēhādaunenau nuu hayauhuhau. <sup>31</sup> Hau henaudedee nananena henajanede Hejavaneauthau; nau vahee nuu hayauhuhau hadnethedaunauwunana nananena. <sup>32</sup> Jevanāthajauau, hāhauwuwauthaheva; hanau nananena Hāsaunaunenau hayethanadauwunādaunenau hadvenāna henajanede. <sup>33</sup> Heaunaana henee hanetheyaunenau, nau hauwunaana hadavenuhuhauau; jasedauu nesevāejethāwaunau henee nejethauuthauachusāe, haenathau heneduu hejavaa henee nejethauyuhuu, nedaujavedadenee, hehauwujuudenauau nuvanauauau. <sup>34</sup> Hanau haduu hadaenathauunenau, hena hadahenu jea hadnaaduu. <sup>35</sup> Duujehee, nau haunauauuthayaunenau gauhauchanauha; <sup>36</sup> Nau nanehathahena henanaunau henee nedauyuhauwuthee hanau Hadahethedaunādaunenau, hāejējasathe hehethee gauwuhaude; henee hāejenauwuthee nau hadwauādaude, hadgaunauwunade nauhaunee. <sup>37</sup> Hauwunaana henee nesethāhehauau nananenethe, Vahadāde hāejenauwuthee hadveenaude hadnaunauyauhauthāthe: hethauwāedauwunathana, hadduujede nehayau, nau hadjanauguhau hadvethēhenethe, nau hadjeedauchaude nau hadnaunauwuthee. <sup>38</sup> Nau hith jenuusahek naneseauwude haunauyauhauthāhe, wauāthe jenuusahek naneseauwude haunauyauhauthāhe, nau hadveenaude hadnesaanunethe, hauwunaana henee nesethāhehauau. <sup>39</sup> Nau nuu hāenauwuu, henee hith henane hedauauwuu haenauaugu daun hāauchaunee havedehew neeenauusanith, haunauyauhauwude, nau hanājechuwauthedaunenauhunee hedauauwuu. <sup>40</sup> Nananena hadnaesaanuna jea, hanau Heau henane hadnauusade daun hāauchaunee hāejenauwunā. <sup>41</sup> Peda hanaānadethau, Vahadāhene, gauhanadethāa Nananene nuu heee jegausude wauāthe vahee? <sup>42</sup> Nau Vahadāde hahagu, Hanaa henee chuvahagu nau hesenaedehuk hadāhevāhe, nananede hadāhewaunādaune, hadnevenaude gauuu vethewau nauauchaunee? <sup>43</sup> Hauwunaana henee nesethāhe, nananenith hadāhewaunādaune hāedasāthe hadveehāde hadnaesehāde. <sup>44</sup> Hethauvaa hathāedauwunathana, henee hadnesehāde hadāhewaude vahee hethāenetheyaunau. <sup>45</sup> Hau nau hith henee nesethāhe hesethajauhuk, Nadāhewaunāde jeguthenauusahek; nau henenesegauhahēk henanenau nesethāhehau nau hesānau, nau hevethēhagaunee nau hevaveyāhaugaunee, nau henaunesevagaunee; <sup>46</sup> Hadāhevāhe henee nesethāhe hadnausanith hajesenunee hāejējauwuwuhauthe, nau, neejaenauau, nau hadgudanāde nau hadjenanaude jethauwauadahe. <sup>47</sup> Nau henee nesethāhe haenauaugu hadāhewaunādaune hathanavāde, nau jesaanuhuk, daudaus dejesedaude hathanavāthe hadnenenesegauhude dejauaunee. <sup>48</sup> Hau henee jaenauau, nau hesedauhauk neseneneseguhededaunenēe hanājauwauneneseгахude, hanau daun hauwuhavenāde nananede hadnauwamedauwunade; nau nananede henane hauwuhauthade, nananede hadnauwunedauwunade. <sup>49</sup> Hadjenanauwau hesedaase vedauwuu; nau hayew navathehāde wauwu gauhauchagu? <sup>50</sup> Hau nanethenauwau dusaahede hadneedusaahedaunee; nau hanauwauadaunānuu haunaude hesedaudeyāgu. <sup>51</sup> Haneējaude hadjenanauau dādaunee vedauwuu hāāthanaveva? hadāedauwunathava, Hegau; hau wauāthe hanāgauanauwau: <sup>52</sup> Hanau hehethee heee yauthaunenandaunee hanesadee hauwuu hadgaunee, hadnasauwuthee hanesenethe, nau hadnesauwuthee hanāenethe. <sup>53</sup> Henesaunau hadgaunathee hadnasānuwade heau, nau heau hadnasānāvāde; hesā hadnasānuwade hedaunau, nau hedaunau hadnasānāvāde, hesā hesave hadnasānuwade, nau hesave hadnasānāvāde. <sup>54</sup> Nau hanaānadedaau jea henanedanede, hāenauhauwunā henaunauade jevehauwuhau hehethee nesenaesade, chauchauu nananena, Hadnauchuhajauwauau; nau naenesauau. <sup>55</sup> Nau hāenauhauwunā jenuhau hanehedasāe, nananena, hadnasedaa; nau naenesauau. <sup>56</sup> Nananena nanadaunahena, nananena naenauwuna hedauchaveau haunauau vedauwuu; hau dusaudee haejaenauwuna nuu hewaunee? <sup>57</sup> Haa, nau naudu daudause nananena haejaenauwuna hasethadee? <sup>58</sup> Hāeyehauthānā hasānāvādaunenau hauchuwunanenau, nausujavesanagu, nayātheneneevaa hadeenayauhāna; havaehauthāva najanauchuwunane, nau najanauchuwunane havavēna duguthāhew, nau duguthāhe havathānāva duguthānuwuu. <sup>59</sup> Hāedauwunathana havajeneenauthauva, haunaude vathauwuhauwunagu havāejethāvenau.

nau nedauausāyāthee. <sup>2</sup> Nau Hejavaneauthusaun haeachuhananadethā, Nauchāe nananena henee nuu Gananeans heauhaugayaugaunee javaanee vahee Gananeans, hanau daujeneethajauduu hayauhuhau? <sup>3</sup> Nananenau nāedauwunathana, Hegau: hau, vavade nananena jaugauthethajau-nagu, nananena hadnavahethahena gaujauaudahede. <sup>4</sup> Wauāthe hena nasaudaichunee, dasee hayauauwuu jedauwuu Siloam dethauwunauauau, nau haenanaā, gaugauanadauwuu henee gauhu-javaānauhauganenauau vahee henanedanede henee theaugude jedawuu Dādaunedan? <sup>5</sup> Nananenau nāedauwunathana, Hegau, hau vavade nananena jeneethajauhadede, nananena hadnavahethahena gaujauaudahede. <sup>6</sup> Haeheanade jea nuu dajenehede; Jasaa henane haenethena hauuyauchunauhau-dene haejenana jedauwuu dadajevenevese nethauchayaunaa; nau haejenauusa nau haenaunaude vevenauchenau hanāvenee, hau haejeveede. <sup>7</sup> Hanaāenehethaude nesethāhew hedadajevenevese nethauchayaunaa, Naune, nuu hanasāa jajene nananenau hanejanau daujenaudentau vevenaudentau nuu hauuyauchunauhaudee, hau hajeveedenau: dauwauhune; hadevachunauthauyauau vedauauwuu? <sup>8</sup> Nau hanaāachuhanadethāde, Vahadāhene, hauwaa nanehasene nuu heee jaje jea, nadeesenenesede, nau vehethe hadjenanauwau. <sup>9</sup> Nau hith hāvāgaune vevenaudentau nee: nauhith jene, hadnaēdauwuhade. <sup>10</sup> Nau haechauhauthethā jasaa vevethahenauauwuu vadanesee. <sup>11</sup> Nau, haune hena hesā haujaunehaeheaugauwu nasaudaichunee jajenee, nau haevajanā hauānee, nau haejenechuwuwathe nehayau. <sup>12</sup> Nau hāene Hajavaneauthusau nauhuauwade, Haedetha, nau hanaāēdauwunaude, Hesā, nananene haunaugunane hehethēe hadaugauwudaunaa. <sup>13</sup> Nau hanaāēvasanaude: nau chauchaunu hanaāechuvāde, nau haevaveenethedauna Hejavaneauthu. <sup>14</sup> Nau hauchuwunane vevethahenauauwuu haeachuhananade nauguu hasenaunaude, hanau henee Hejavaneauthusaun denayauthānith vadanesee, nau haeautheda henanedaa, Hena nanedaudaichāe hese henane heenesethādaunau hanānaneajauna nau hanānaneenayauhana, hau hegau vadanesee. <sup>15</sup> Vahadāde hanaāachuhanadethaude, nau hathauhuk, Nananene nanadaunāhene, gauhājene dajee hanesahena vadanesee haugunauva hauwaujajevenu wauāthe naugauchaudaheauau hehethēe hewauchuhachauwauwuu, nau gāyethaājethauva devanauhauna? <sup>16</sup> Nau gaujenaasaunee naa hesā, hedaunau Abraham,\* henee Haujau heduguthaune, naune, nuu nasaudaichunee jajene, hāaugunade hehethēe nuu deduguhude vadanesee? <sup>17</sup> Nau hānehedauau nuu hayauhuhau, vahee hejau-thauwau haeaudaudāhenenau: nau vahee henanedanede haeneethajaudene heee vahee havathee hayauhuhau henee hesethaunau. <sup>18</sup> Hanaāenehede, dusaune henajanede Hejavaneauthau? nau hayew naudnenehethau? <sup>19</sup> Waude nejenanenee mausdaude, henane nedanauau, nau neneāgudede hejenayaunaa; nau neveseaudede, nau hāhe haeavadauhauadene; nau neahehauau hejavaa negauusee hedānaa. <sup>20</sup> Nau jea hanaāenehede, Hayew naudneedajenehethau henajanede Hejavaneauthau? <sup>21</sup> Waude nesaunauchaa henee hesā nedanauau nau nejenanauau nasau dejenauhunee thauauhanau haunaude devahenesaunadāe. <sup>22</sup> Nau haeehedesa hauwauhauauwudane nau hajasedan, dechauhauthethāde, nau haejāda hesee Dādaunedan. <sup>23</sup> Hanaāanadethāde hanesāhenith, Vahadāhene, gaujewaunathanau henee henayauhathee? Nau hanaāēdauwunaude, <sup>24</sup> Neaunedauwauau hadejedāna hadaugaugunesāde dajanau: newauthana, Nananenau dāedauwunathana, hadnenaudentana hadnedaujedāna, hau hadnehaunweedauva. <sup>25</sup> Hāene hechauhauthethāhe hauauwuu thauwau-thehuk, nau haugauhahagu dajanaune, nau nananena hanānaāetheauguna jathee, nau hanānaāewaudāhauna dajanau, hanānaāenehethauna, Vahadāhene, Vahadāhene, jegaunanauwunāa, nau hanānaāachuhanehethāna nuu hanānaasenehethāna, Hāhauwaenaunathe daun hadesane: <sup>26</sup> Hanānaāenehethauna, Nevethenenauau nau nevaveyānauau hathaāhene, hau nananene dau-thedaunānehadaugauchadee. <sup>27</sup> Hau hadnaasenehede, Hāedauwunathane, Hāhauwaenaunathe daun hadesane; nayāsesave vahee nananena nesethāhehauau wauwauchudaude. <sup>28</sup> Hena hadn-ewewauhudaunee nau hadnegaugauchaugudasenana, hāenauhauwaunā Abraham, nau Isaac, nau Jacob, nau vahee haeyāhehauau, Jedauwuu henajanede Hejavaneauthau, hau nananena nehayau nenuguthadena. <sup>29</sup> Nau hadjenauuchaudenee hehethēe nejeethevesesanith, nau hehethēe nesenaesanith, nau hehethēe nanavee, nau hehethēe janauhuu, nau hadjanauguduu henajanedauene Hejavaneauthu. <sup>30</sup> Nau, naune, hena hedauade hadnedauvade, nau hena nanedauvade hadnedauchude. <sup>31</sup> Hajesesenee hena haejenauusa jasaa Nesethajauhuhauau, hasenehethāhuk, Nauahe, nau jathāau, hanau Herod hadnaāne. <sup>32</sup> Nau hanaāēdauwunāthee, Najesaa, nau hadāedauwunauva hena vachuhuu, Naune, nenuguthu haujaunauau, nau nenayauthānau nuu desenee nau naugaagu, nau nanaseauwauau hesee hadnaāesedaunau. <sup>33</sup> Hau hadnenedanau nuu desenee, nau naugaagu, nau jea hathavenaugaagu: hanau hehauwunaasau henee haeyāhe denaade Dādaunedan. <sup>34</sup> Hau Dādaunedan, Dādaunedan, nanathee nenauathee haeyāhehau, nau nenauchauwathathee haunaugāe henee

\* 13:16 "Abraham" is spelt thus once in this verse and spelt "Abraham" thirteen times elsewhere in the text. It is not known whether the spelling differences have any grammatical significance.

hejejenanauwunaudenenu; dauhudauchu naudnauāchauhaunauau nananena hadāeyaunewauau hauānee waude neauthuneahēe dauānaude henesaunau hethauvaa hethaenaa, hau hāhauwuvathehāva. <sup>35</sup> Naune haudauuwunenau, nauaudauwunana hadnadauyewu: nau hethauwuu nāedauwunathana, Nananena hadnehauwunauhawuwa haunaude nauauchaugu hadneenehena, Hauwunau-naa henee jaunau de hee henesedaunene Vahadāhenith.

## 14

<sup>1</sup> Nau hethauwuu, daujedāde hedauauwunene hanesāhenith najane Nesethajauhuhau hadvethee jauaujau vadanesee, henee haeauauyauhauvaa. <sup>2</sup> Nau, naune, hena jasaa henane hathaāhede haenenesaunenauau. <sup>3</sup> Nau Hejavaneauthusau haeauchuhananadetha nanavaavehēhau nau Nesethajauhuhau, gaujenanavanau henayauthau de vadanesee? hāthauhuk. <sup>4</sup> Nau haedādaunaugunauau. Nau hanaāedanaunith nau haeenayauha, nau haejenana; <sup>5</sup> Nau haeauchuhananadetha, Hanaa hedauneau nauauchaudahehau wauāth waugaje janesenayaugaune hadaunaugenee, nau gauchauchau nauhadnauuguthauva vadanesee? hāthauhuk. <sup>6</sup> Nau haeyauhuune nesenehethauthee jea nuu hayauhuhau. <sup>7</sup> Nau haedadajenehetha henee hathāadethavathēe, hānauhauwau de hasayāchauhauwunethe najatheaugudaunau; hanaāēdauwunaude, <sup>8</sup> Hāene nananena hadethaunā henanenauau gauwuhaudeneagu, jevajanauguu najatheaugudaunaa; havajavaānethā henane havajavaāheva henee hadethade; <sup>9</sup> Nau henee hadethāde nau nananede hadjaude nau hadnethāne, Venene naa henane hadehedagu; nau nananene haddayāhene janaugunenagu hesaudavaa. <sup>10</sup> Hau hāene nananene hadethanenagu, haddeyehau nau hadjanaugu hesaudavaa henee hāene hadethāde hadjaude, hadethāne, Va javesa; hadnaāene nananene vechau-thānaune henee hanethevethevēdaunauau. <sup>11</sup> Hanau daun nanajathajau de nehayau hadnausādauau; nau henee nausādauauade de nehayau hadnajanede. <sup>12</sup> Hanaāenehethau de jea henee hadethādaune, Hāene nananene gauusevanenagu wauāthe hethunevethehevanenagu, jevaadesene hādaehauhau, wauāthe hāthesaunauau, daudause hādauānauau, wauāthe nethauyādahagu hanedaudewau; havaadethaa jea, nau havaaunadaunā. <sup>13</sup> Hau hāene nananene vethehevanenagu, hadadethaunauau hadavenuhuhauau, henesenehehauau, jeneejavesahehauau, nanenau-guhuhauau; <sup>14</sup> Nau nananene hadnauwunaunane; hanau daujeneaunadaunānaune: hanau nananene hadnaunadaunane jaegauhadeneagu hathāethadee. <sup>15</sup> Hāene hanesāde henee henethevethehevēdaune daunedauwauwunith nuu hayauhuhau, Hauwunaunade henee hadvethee jauaujau henajanedane Hejavaneauthu, hathāhuk. <sup>16</sup> Hanaāēdauwunaude, jasaa henane haeavathethunevetheheva, nau haeauwauhathethānanena; <sup>17</sup> Nau haejenana hewauwaune dauethunevethehedaunee hadnāedauwunaunith henee hadethavathe, Jenajesaa; vahee hayauhuhau wauwu hanesesejenanee. <sup>18</sup> Nau vahee haenesadene hathauchuwuhadethee hadnudanathēe. Nanedauwauau de hasenehethauhuk, Neaudaunadauwau vedauauwuu, nau hadneyehaunau nau hadnauhauwau: Nehethathane hadnudanene. <sup>19</sup> Nau jasaa ahagu, Neaudaunauthu yauthauyana hedauhuwau-gaje, nau hadneyehaunau hadnāyāduuhuu: nenehethathane hadnudanene. <sup>20</sup> Nau jasaa hahagu, hedauwunenau, nau naajeneejauau. <sup>21</sup> Hanaāejenausade henee wauwau, nau hanaāenauhauthe hede hadāhewaunādaune nuu hayauhuhau. Wauhā hechauhauthethāhe hauauwuu hanaāasenaunade hanaāēdauwunaude hewauwaune, Yegauhu nauhauhaunee hadaugauchaudāe nau hadaugauchaunee hedane, nau hadjāthaunauau hede hathāadavenuhunethee, nau henesenehehauau, nau jeneejavesahehauau, nau nanenauguhuhauau. <sup>22</sup> Nau wauwau hasenehethauhuk, Vahadāhene, maasedaunau hasenehesene nau nausunauthauyauau, hathāhuk. <sup>23</sup> Nau Vahadāhede haeāedauwuna wauwaune, Yehau hathenavaunaa nau nethauchayaunaa nau hadjādasauaunauau hadejejedāthee, henee nauwauwuu hadechauchanaa. <sup>24</sup> Hanau nāedauwunathane, henee hegau hena henanenauau neadethathēe hadnehauwuvajadauwu nadethunevethehewau. <sup>25</sup> Nau hena haenethaunau havathenedanede: nau hanaāejaaagude, nau hanaāēdauwunaude, <sup>26</sup> Hith daun henane hedaunāngu, hau jasānauwauhuk henesaunaune, nau henaune, nau henene, nau dāeyaunauau, nau henethesaunau, nau hedašawau, haa nau nehayau hedenaede jea, nāhauwuneethauguhāa. <sup>27</sup> Nau daun janenevaa henaugauchu, nau thaughānangu, nāhauwuneethauguhāa. <sup>28</sup> Hanaa nananena vanadaunesedede hayauwun gauhadjejanaugu nedauau hadnāyādede hadaachuunee, wauwau hanaadauchanene hesehenee? <sup>29</sup> Havaene hesejenanauhuk hauunauganau, nau hanājeneesedede, vahee henee hathāenauhauwau hadneevavavayaudenenee. <sup>30</sup> Naa henane nenesedede, hau hajeneesedede, hanāthāde. <sup>31</sup> Wauāthe daun naja, vadauvauthauhuk jachau najane, hanājanaugude nedauau, nau hanāgauguanadauwau wauwau haneene nauuu vadadauchu vasevadadausauau hadnenuchaunade henee hejevenhedaunau nauuu nesauu vasevadadausauau? <sup>32</sup> Wauāthe, hajesenasujechaugunethe, hanāyethautheave, nau hanāyāthenedauwunaude.

<sup>33</sup> Nau naasauau, daun nananena henee janenaunaudauau vahee henetheyaunau, nāhauwuneethauguhāa. <sup>34</sup> Nejaauuwuu hethadee: hau hith nejauuwuu jevanujaudāgu, hayew hadneenejaauuwujauau? <sup>35</sup> Daudause hehauwuuthade vedauuwuu, wauāthe heee vehethe; hau henanenuau hanāneāgudede. Daun henaudaununedē heenedauvahek jaathedeha.

## 15

<sup>1</sup> Hanaāeauchauṅāde vahee hauāyāhehau nau wauwauuchudauhuhau heee hadjaathehāde. <sup>2</sup> Nau Nesethajauhuhau nau Wauthaunauhāhehau haeneneedenenau, Naa henane hanesedanaude wauwauuchudauhuhau, nau nanethevethewaude, hathāhuk. <sup>3</sup> Nau haeauthaunanadetha, hasenehethauhuk, <sup>4</sup> Hanaa henane nananena hedaunede vadadausauau jauaunawaudā, hith hanauhuhuk hanesahenith, gauhadnautha theaudausauau nau theaudaachunee nauaunee, nau gauhadnaudeha henee naunethauaunith gauhaunaude hadveeha? <sup>5</sup> Nau hāveehauthe hadthāegauhaude hejaanaunaa, hadneneethajaude. <sup>6</sup> Nau hāenauajegauhuthe, hadnadethaude hauānee henedaehauhau nau henedaudevādaunau, netheneethajaudawunee hanau daujaveehauau nauāve nenaunethauaude, hathauhuk. <sup>7</sup> Nananenuau hāedaunwathana, nuu hadnaasauu neethajaude hayāene hāene hanesāde wauwauuchuduhu haunaunevethajauhuk javaānee theaudausauau nau theaudaachunee hathauwunane janenethenauau haunevethajaude. <sup>8</sup> Daudause daun hesā nethenauaugu vadadauchu gauneevāejethā, hith hanadehuk hanesadenee gaunee, gauhadjedauchauau nauauuthayau, nau gauhadwaudeau hauauuwuu, nau gauhadvavesenaudene haunaude gauhadveede. <sup>9</sup> Nau daun hāveenuu hanadethaude henedaehauhau, nau henedaudevādaunau hauānee netheneethajauuwuu, hanau daujaeveenauwau hanesadee nāanathau, hanāthau. <sup>10</sup> Naasauau, Nananenuau nāedaunwathana, haneduu neethajaude hathaāhethee hautheanuauau Hejavaneauthuu hanesāde wauwauuchuduhu haunaunevethajauhuk. <sup>11</sup> Nau hasenehuk, jasaa henane neseyaugaune heuhau: <sup>12</sup> Nau hajauchaugade haenehetha henesaunaune, Nāchau jevene gauuu vatheyauunau henee nāudnedadahedaunau. Nau hanaāgauvenaude hethāenetheyaunau. <sup>13</sup> Nau haunauauhajewauthanenau hese hajauchaugade hāesauānauau vahee hauānee, nauhanaāejathāude hese vavāune vedauuwuu, nau hena hanaāevadauthedede hethāenetheyaunau heee hauhaugānenaedede. <sup>14</sup> Nau hāevathedede vahee, hena haanaāenauauchauau nauauthauau hasenaude hena vedauuwuu; nau hanaāadavenuhunedē. <sup>15</sup> Nau hanaāeyehaude nau hanaāewauhaunesade nehayau hauwauhaunauwunanenau henee vedauuwuu; nau haejenanaa hethauuwuu hadnauchauwaude neauthuwauchu. <sup>16</sup> Nau hanāneadanauau hanāchaunaude henaude hee jeyauwanau henee neauthuwauchu hevethedanenenau: hau hegau henanene hevenaa. <sup>17</sup> Nau hāenaude hēnaāenehede, Waunauthanethe hedauthaunau nāsaunau nenethenauau jauaujanau naenedauchanenee nau nejeesanenee, hau hadnenadaugauyānu? <sup>18</sup> Hadgauhānu nau hadeyhaunau nāsaunau, nau hadnaasenehethauau, Nāchau, nananenuau nanethenauwau wauchudaude hese hayāene, nau yesee nananene, <sup>19</sup> Nau nananenuau hegau heee hāhauwautheāve: jenesēhe waude haudauthaunauau. <sup>20</sup> Nau hanaāegauhāde, nau hanaāedauhaude henesaunaune. Hau hajesejedauchaude, henesaunaune haenauhauvaa, nau haeauwunaunaa, nau haeyeseneegau, nau haeanathesaunaunagutha, nau haenedana. <sup>21</sup> Nau heau hathāhuk, Nāchau, nananenuau nanethenauwau wauchudaude yesee hayāene, nau nananene, nau nananenuau hegau hāhauwautheneēave. <sup>22</sup> Hau henesaunaune hathauyangaune hedautheaunene, jādee chaunaguuthadee hu, nau hauyauunaa; nau thānauwunaa nechaunathathau hejadenaa, nau jedauaunena: <sup>23</sup> Nau hadjāthauva hede daun gauhujāde nauu hadnauauva; nau hadvethenauau, nau hadeaunauwuthajauunau: <sup>24</sup> Hanau naa nāa nenajaa, nau jaenede; nenaunethaude, nau jaeveenade; nau hanaāejasesaunauwuthajauthee: <sup>25</sup> Wauhā vanachauganith heau haenedaune nauau: nau daunaujuade nau hāyānauusade hedauuwunenau, haenedauwaude haenevaudenene nau haevadaudenene. <sup>26</sup> Nau haeadetha hanesānith haunauaheau, nau haenaudeana dusedaudene hathauhuk. <sup>27</sup> Nau haeāedaunwana, Nananene hahavaa nauusade; nau nananene hāsaunau nauauaude gauhujānith wauuu, hanau daujaesedanaude nanethaunee. <sup>28</sup> Nau haesenauna, nau haejejedā: hanaāejenuaahenith henesaunaune, nau haedadadasevaa. <sup>29</sup> Nau haeauhuananadetha henesaunaune, Naune, nuu hawauthāe jajenee hāenesedaunathadenau, daudause hāhauwujethauwaudaunathe hanāene hanathauchuwuhunaune: hau haunauau nananene hāhauwuthauuvene haudāsau, henee hanānesedenau haunauwuthajaude nauuu nādaehauhauau: <sup>30</sup> Hau chauchaunu hasenauusade naa hāa, hāgaujauauthedaunādaunau hāhenaededaunau heee henesahehau hesānu, nananene hanadaunaude gauhujānith wauuu: <sup>31</sup> Nau hanaāēdaunwana, nā, nananene nanethenaedevene, nau vahee henee nāthāenetheyaunau



nanehanähene. <sup>32</sup> Dauudasadee henee haneenesehēe haunauwuthajaude, nau hadneethajaunee: hee naa hahavaa denajaa, nau jaenaedede; nau denaunethauaude, nau jaeveenade.

## 16

<sup>1</sup> Nau hanaāēdauwunaude jea hethauguhādaunau, hena jasaa haenethauyādā henane, haenethena hadāhevahew; nau haenanene haeauthauwuvaa henee daunethauyādauchudee hevatheyaunau. <sup>2</sup> Nau haeadetha, nau hanaāenedaunaude, Duthanee henee daunedanathane nananene? nayāde hādāhevadenau hanau nananene hadnehauwuguthadāheva. <sup>3</sup> Hadāhevāhe, Hewauau hauaudnesedaunaune? hasethaujauhuk, hanau navahadāhewaunāde haedanauwunānau nadadāhewau: hajeneenauchauhānau; thaununedauwuhunenau. <sup>4</sup> Haenauwau hadnesedaunau, henee haenudanānaune hadāhewaude hadjedanethee hedauauwunenau. <sup>5</sup> Hanaāadethaude haunauude hadāhewaunādaune hethāesayānedanauwunādaunene, nau hanaāēdauwunaude nandedauwau-nith, Dauhudauchanau hasayānedanauwunaudenau nananene nadāhewaunāde? <sup>6</sup> Nau hāheyau-gaune vadadausauau dejenauhuu javeda. Nau hanaāēdauwunaude Hedanau hauwauthaunauha, nau janaugu nauhauhaunee, nau hadwauthanau yauthauyauau. <sup>7</sup> Hanaāēdauwunaude jachau, nau dauhudauchanau hasayānedayaunau nananene? Nau hanaāēdauwunāde, Vadadausauau dejenauhunee thauauhanewauchunau. Nau hanaāēdauwunaude, Hedanau hauwauthaunauha, nau hadwauthanau nasaudausauau. <sup>8</sup> Nau vahadāde haevaveenethedauna janechuvāhenith hadāhevahew, hanau dauhaenauau haseadaude: hanau dāeyaunauauau nuu hathāauauvaa hede-naededaunenau hāenuu javāānee hesenedāeyaunauauau. <sup>9</sup> Nau nananenu hāedauwunathana nesedee nehayau henedaehāvadede heee nethauyādahede hehauwuthade; henee hāejenenaedenā hadeesedanāna nedaujethauujenenaededaunene. <sup>10</sup> Henane henee chaunuvāde heee hauga-juhuyāgu haneechuvāde jea vasee: nau henane henee janechuvāde vanehaa hehauwuuchuvā jea vanasaunee. <sup>11</sup> Hith naaheene nananena jechuvahena hāhauwuuthaheva nethauyādahede hanaa hadvenāde nananene hadanethaude hethauwu veaunauaude? <sup>12</sup> Nau hith nananena hejechu-vahenagu heee henehanahede jasaa henane hanaa hadvenāde nananena henee hanehanahede. <sup>13</sup> Hegau nesethāhe hehauwuneenesedauna hanesenethe hechauhauthethāhehau: jachau hanāāsā-nauwaude hanesāhenith, nau hanāvechauthaude jachau; wauāthe hanādudevede hanesānith, nau hanāthauchaunauhauwaude jachau. Nananena hāhauwuneenesedaunauva Hejavaneauthau nau nethauyādahēhehauau. <sup>14</sup> Nau Nesethajauhuhauau jea, haevēenauwu vāejethā, haenedauwaudauwu vahee nuu hayauhuhau: nau haechaudanavanauau. <sup>15</sup> Nau hanaāēdauwunaude nananena nethadee hasehadē hathaāhethēe henanenau; hau Hejavaneauthau naenauau hadahenau: hanau henee nechauganavadethee henanedaa newauchanavathee hathaāhenethe Hejavaneauthau. <sup>16</sup> Nanavaavedaunau nau haeyāhehauau haunau nauuu Jaun: heee hena henajanede Hejavaneauthau deheauthedaunee, nau haunauude henanenauau neheeneethenadethee. <sup>17</sup> Nau hehauwu-nauthau hejavaa nau vedauauwu heyauhuāgaune javāānee hanesadee haugajuhuu nanavaavede hadneeyauhū. <sup>18</sup> Daun hausānaude henene, nau heneyaugu gauchuhunee, wauchudaudehau-gauthenenede: nau daun hausāyauone nēnawaude wauchudaude. <sup>19</sup> Hena jasaa nethauyāsenane, haeneenu haevejayaunenau nau haegaugunesaunenau, nau haeneechauna hadauchenenee: <sup>20</sup> Nau hena jasaa nedauwuhu Lazarus haseagu, haesaese hedajanaunaa haevahaseva, <sup>21</sup> Haevadaugaudaude heee jeyauwau nau nejanenanene hehethēe nethauyāsenanene hevethedeaunene: jea hathave haedasaa nau haenenesaudauwu hēdasewauau. <sup>22</sup> Nau hethauwu, henee nedauwuhu haenaja, nau haenauaunechauhaa hauthaunau yesee Abraham haenedauguva: nethauyāsenane jea haenaje, nau haegenanau; <sup>23</sup> Nau hadauveeyaunee haejenāaugau, haeaudauwuthajau, nau haenauhauva Abraham vavāaune, nau Lazarus haenedauguvane. <sup>24</sup> Nau haeneduva nau hathauhuk, Nāchau Abraham, jeauwunaune, nau jeautheavene Lazarus, henee hadejegunauhade naunauchuu hejadenaa najee, nau hadedauyauvanauau nāthaune; hanau nananenau hanavachuunau nuu hesedaa. <sup>25</sup> Hau Abraham hahagu, Nā, hāenau henee nananene deenaedene neesedanauwu neethadee hayauhuhau, nau neesaunee Lazarus neewausaunee hayauhuhau, hau hēwanaheaa hauwauthenaedede, hau nananene naunauchauthenaedene. <sup>26</sup> Nau jea vahee nuu, nahehāde nananee nau nananene haneduu vanasauau vanethaunauau janenane: hadnejenēhedechaunenee hehethēe hede hese nananene hehauwunee; daudause hehauwuneejeauchusanauau hadaunee, henee nevadaujauthee hehethēe hethaa. <sup>27</sup> Hanaāenehethaude, Vanevethedaunathane hena heee, Nāchau, henee nananene hadejejenanaude nāsauau hedauauwu: <sup>28</sup> Hanau yaunauthaunethee nauhauwauau henee hadeēdauwunaude, jea havajauenau nuu haduu naunauchauthauau. <sup>29</sup> Abraham hanaāēdauwunaude nanethenauthēe Mosaseau nau haeyāhehau; jaathēhauauau. <sup>30</sup> Nau, hegaau, nāchau Abraham: nau hith hanesāde jaevehauhuk hehethēe degaujauauadāde, haunaunaunevethajauthee,

hathāhuk. <sup>31</sup> Nau hanaāēdauwunāde, Hith jenedaunauhaugaunee Mosaseau nau haeyāhehau, daudause hāhauwuneenadauwaunauau, daudause hanesāhenethe jaegauhāyangaune hehethēe degaujauudāhenith.

## 17

<sup>1</sup> Hanaāēdauwunaude hethauguhādaunau, Hāhauwuneene hau henee dauusenadenau hadnauaichuu: hau naunauthauau hadnauauchaudaude daunjaunade. <sup>2</sup> Hanāneene henee thauayānauunaugane henuānauyaugu, nau seāguthadagu hadaje, hauhanāheejegaudauvāhenethe henee haneedaunenethe jachau nuu hajasedāeyauunauau. <sup>3</sup> Haunauyauhaudauwauau nehayau nananena: Hith hahavaenau havawauchuhāva, hadanadethauva; nau hith haunaunavethajauhuk, hadjaegudanauwunauva. <sup>4</sup> Nau hith wauwauchuhānagu nesaudauchu hajeseseneene, nau nesaudauchu hajeseseneene naujaeyethaagudaunānagu, haunaunaunavethajaunau, hethānagu: nananena hadjaegudanauwunauva. <sup>5</sup> Nau vadauhanauau, Vahadāhene, hethedaunauwunāa hede-thauwaudaudenede, hathauhaugaunee. <sup>6</sup> Nau Vahadāhenith hathāhaugaunee, Hith nananena hethauwaudauwunagu hethāee hethāuu mausdaude jenayaunau, nananena hanāna nuu segaumau hunauhaudene, Hanāgauchauhana hethājee, nau hanājenanauna hadajee; nau hanāthauwaudaunāna. <sup>7</sup> Hau hanaa nananena, hanāwauwauwavede hanāthauwauwujethānith wauāthe hanana-jauānith, hanāthauma waunee hāenausathe hehethēe nauau, Najese nau hadjanaugu nau hadvethe? <sup>8</sup> Hau hanājenaasenehethauna, Heseheva nayaudenee hadnevethēhenau, nau duujehe nehayau, nau hadjeenechaudaune haunaude hesevethēhenau nau hesaveyānau; nau heauhauwune jenaevethēene nau hadevayē? <sup>9</sup> Gauhadvaveene henee wauwau hanau dauhunaasedaude henee hanasenehethāthe? Haunauchāe hegau. <sup>10</sup> Naathahena, hāene nananena vahesedaunagu hena hayauhuhau hathauchuwuhana, Hāhauwuneejawaājasethānau wauwaunauau; vavade nanesedaunauau hadnesedaunuu, hadeva. <sup>11</sup> Nau hethauwuu, daunsausuyehaude Dādaunedan, haeehedesa nahethāe Samaria nau Gananee. <sup>12</sup> Nau hāewaudasade jāsaa hauauwudan, haenuchaunaa vadadauchu henanenau haenujaune hedaugauwudaunenau, haetheaugunenau vavāaune: <sup>13</sup> Nau haeneduwanauau, nau hanaāenehethauthēe, Hejavaneauthsau, Hecauhauthethāhe,\* jEAUWUNAUĀ. <sup>14</sup> Nau hāenauhauwaude hanaāēdauwunaude, Waunenauhauthēhaa hadanayaunenau vevethaheva-hehauu. Nau hethauwuu, henee daunsausuyehauthēe, haejegaudauvāhenauau. <sup>15</sup> Nau hanasāde, hāenauhauwau henee daunayauhade, haejaaugu, nau haevasenehe dauvaveenethedaunaude Hejavaneauthu, <sup>16</sup> Nau haeuāneseve heauthene, haevaveenethedauna: nau haenaadāde Samaritan. <sup>17</sup> Nau Hejavaneauthsau haeauchuhanadethā, gaujenayauhaunauau vadadauchu? hau daude theaudauchu? <sup>18</sup> Hajenauhauvathee hajejaeyehauthēe hadvaveenethedaunauthēe Hejavaneauthu, vavade naa henewauhu. <sup>19</sup> Nau haeēdauwuna, Gauhā, najesa: nananene hadethauwaudaude henayauhāne. <sup>20</sup> Nau hāenedaunāde Nesethajauhuhau, daun henajanedaunee Hejavaneauthu hadneenauauchaunee, Haeēdauwuna, Henajanede Hejavaneauthau hadnehauwunauauchaunee nausujauwuwuhadagu: <sup>21</sup> Daudause hehedauneagu, Nauhauwuu hede, wauāthe, nauhauwuu hena, hanau, naune, henajanede Hejavaneauthau thanāsadena, <sup>22</sup> Nau hanaāēdauwunaude hethauguhādaunau, Hese hadnauaichuu, hāene nananena vadaunauhauwunā jāsae hese Heau henane, nau hadnehauwunauhauwau. <sup>23</sup> Nau hadnanethāna, Nauhauwuu hede; wauāthe nauhauwuu hena; jevayehauu, wauāthe jevathauguhā, <sup>24</sup> Waude hasauau jahagade, henee naunauasānauu hehethēe nauauthaneē nauwauwuu hejavāa neenauasādaa jāsaa nauauthaneē nauwauwuu hejavāa; hadnaasauu jea Heau henane hadnaasaneē heseve. <sup>25</sup> Hau nedauu hadnana-enedauu wauthaneē, nau hadnausāguthade nuu henaedede. <sup>26</sup> Nau waudeneesaunee deenaedede Noe, hadnaasaneē jea heseve Heau henane. <sup>27</sup> Neauwauthevethēhedaune, neauwauthevaveyadeneē, neauwauthenedaunee, neenenehathee, haunaude nauu heneē Noe dejedāde havathēe thewānaa, nau haenaēenanadauwauu, nau haenauuhā vahee. <sup>28</sup> Waudenasauu jea deenaedede Lot; neauwauthevethēhedaunee, neauwauthevaveyadeneē, neauwauthadaunadeneē, neheaudaunadeneē hayauhuhau, neauwauthējenayadeneē, neauwauvadeneē; <sup>29</sup> Hau hajeseneene heneē Lot haenaude Sodom haeesedanausaude nau haegauhauachanauhauunauganauu hehethēe hejavāa, nau haenauuhā vahee. <sup>30</sup> Hadnaasauu heseē hāene Heau henane hāenauhauthethāthe. <sup>31</sup> Heneē heseē, hāenedauthēe daseē hauauwuu, nau hevathēyauunau jedauwuu hauauwuu, nanehajejauwusade hadejedanauu: nau heneē hanaedade nauu, nanehajejējaejaude. <sup>32</sup> Dauyuwuu Lot henene. <sup>33</sup> Daun vanadaunayaudede hēdenaedede hadnanadede; nau daun hadnanadede hēdenaedede hadnenayaudede. <sup>34</sup> Nananenau nāedauwunathana, heneē veeyaugu hadnesetheē henanenauu hanesadeneē hauu; hanesāde hadnedanade, nau jāsaa hadnathauaude,

\* 17:13 Missing "h" in "Hec(h)auhauthethāhe" ("Master").

<sup>35</sup> Hanesethee hesānauau hadthauayāthee wauhaunee; hanesāde hadnedanade, nau jasaa hadnathauauade. <sup>36</sup> Hanesethee henanenauau hadnedanade thee nauau; hanesāde hadnedanade nau jasaa hadnathauauade. <sup>37</sup> Nau haeauchuhananadethanauau, Daude, Vahadāhene? Nau haeāedauwunā haduu vadanayau, hanaadauhauāneauhuthee neahehauau hauānee.

## 18

<sup>1</sup> Nau haeanadetha hauthaunauhānee nuu heee, hena henane hāvachudajauaunevevetha, nau hājethauujesevenauau; <sup>2</sup> Hahagu haenedau hedan hauchuwunane, haejesa Hejavaneauthu, dau-dause hathauwunanenau: <sup>3</sup> Nau haenedau henevesā hena hedan; nau haejeedasa, Jeaugau-nayewhu naujauthavaa, hathauhuk. <sup>4</sup> Nau haejevadaunaasedau: hau waunee hasethajauhuk, hewauāthe nejechauau Hejavaneauthau, nau hathauwunanenau; <sup>5</sup> Hau nausunee hanau naa henevesā hajanauchuhānau, hadenayauhauau havaedajauaunejau navanadauchuhāa. <sup>6</sup> Nau Vahadāde hasenehehuk, Jaathehāa hasenehede janechuvāhede hauchuwunane. <sup>7</sup> Nau gauhujavaneauthau gauhadnenayauha nehayau hanayāsanaunau, hauwauaudanādaunau hesee nau dajāee, hau negu-dauchuhāde? <sup>8</sup> Nananenau nananena nāedauwunathana henee hadnauchuhanenayauhāde, Hau hāejauthe Heau henane, gauhadveede hethauwaudaude nuu hathāuauvāa. <sup>9</sup> Nau haeauthaunanadetha jachau nethauwaudaunadenethe nehayau henee dauchuvahethee, nau newauchānauwauthee hauthauau: <sup>10</sup> Hanesethee henanenauau haeye haunauau vevethahenauauwu hadvevethahethee; hanesāde Nesethajuhu, nau jasaa hauāyāhe. <sup>11</sup> Nesethajuhu haetheaugu nau haevevetha waude heee nehayau, Hejavaneauthau, nananenau vaveenethedaunathane, henee nāhauwunaathā hauthauau henanenauau hathahethee, hedanauwuyāhehauau, janechuvahethee, jathea dauwuyāhehauau, dau-dause naa hathāde hauāyāhe. <sup>12</sup> Nananenau nenaugauyānau nese hanesadee hauchavadede, Nevānau vadadauchu vahee henee nāthāenetheyaunau. <sup>13</sup> Nau hauāyāhe haetheaugu vavāaune, dau-dause haejejenāauguau hejavāa, hau haeanadesejāhede, Hejavaneauthau jeauwunaune wauchudaunau, hathauhuk. <sup>14</sup> Nananenau nāedauwunathana, naa henane haejaeyehau hedauauwu haeauwunaunau haejavaāhe jachau: hanau dathājee hanesāde henee nevadaujavaānajanethee nehayau hadnauwujenanade; nau henee nenethanadenede hadnejanade. <sup>15</sup> Nau haejādaunanauau jea hajasedāeyau-nauau, hadnevasanaude; hau hāenauhaudauwunethe hethauguhādaunau, haeneneuvanauau. <sup>16</sup> Hau Hejavaneauthusau haeadetha, nau hahagu, Nanehajauthee hajasedāeyauauauau, nau jevadauduvāa: naathāhenethe henehanahedaunau henajanede Hejavaneauthau. <sup>17</sup> Hethauwu nāedauwunathana, Daun hadjesedanauau henajanaunene Hejavaneauthu hasenaedenethe hajasedāeyauauau hadne-hauwuneejedā. <sup>18</sup> Nau jachau hauchuwunanene haenaudedanaa, Hethāhene Hechauhauthethāhe, nauddusedau hadnedanauwau jethauujenenaedede? hathauhuk. <sup>19</sup> Nau Hejavaneauthsaun\* haeāedauwunāa, Naudu hethāde haesene? henaneda hehauwuthā, vavade hanesāde, nananede, Hejavaneauthau. <sup>20</sup> Nananene haenauwu nanavaavedaunau, Jevawauchudauau heee haugauthenenede, Jevanaa, Jevaaveda, Jevajayaudauwāedauwauthadee, Vechauchune nananene hāsaunau nau hānau. <sup>21</sup> Nau hanaānehede, Vahee nuu haunaunedenau heee daujeesaunau. <sup>22</sup> Wauhā Hejavaneauthusau hāenedauwaudauau nuu, Hanaāēdauwunauade, Hanesadee hāhauwusenethene: Vaheaudauna henee hāthāenetheyaunau, nau hadjaanauwunaunauau hadavenuhuhauau, nau nananene hadnethenauwu haenathau hejavāa, nau hadejau hadjethaugu. <sup>23</sup> Nau hāenedauwaudauau nuu, haeaudauwuthajau: hanau deethauwunethauyā dāde. <sup>24</sup> Nau Hejavaneauthausaun hāenauhau-dauwunith henee dauaudauwuthajau, Duthāenanauthaune henee nanethenuu veaunauade had-nesejedāthee henajanaunene Hejavaneauthu, hathauhuk. <sup>25</sup> Hanau hehauwujajathaune heee camel hehedesahagaunee hajasesvāhau nedaudaunaunenee, javaāneenauthaunee nethauyāsenane hadnesejedāde henajanaunene Hejavaneauthu. <sup>26</sup> Nau hathāenedauwunāu, Hanaa hadne-nanedanede? hahagaunee. <sup>27</sup> Nau hanaānehenith, hayauhuhau hejethaunee thaunenau henane-nauau nenedede Hejavaneauthau. <sup>28</sup> Hanaānehede Peda, Naune, naunaudauwunauau vahee, nau thaunauguhane. <sup>29</sup> Nau haeāedauwuna, Hethauwu nāedauwunathana, hena haunauade henane henee hehauwunauade hedauauwu, wauāthe henehā, wauāthe henauhauwauau, wauāthe henene wauāthe henesaunau, heee henajanaunene Hejavaneauthu hedenaededaunene, <sup>30</sup> Nananede had-javānesedanauau nuu hewaunehāa, nau hathāuauvāa hadnausanauau henaedede hadnejethau-uvadauauau. <sup>31</sup> Hanaāedanauade nesenee, nau hanaāēdauwunauade, Naune, hadneyhaunauau Dādaunedan, nau vahee hayauhuhau hathāewauthaunauhuu haeyāhehauau heee Heau henane hethauwunauauchauau. <sup>32</sup> Hanau hadvenavathe Neauthu, nau hadvavavanauchuhāde, nau had-naunaunauchaudauchuhāde, nau hadneguthahayauthāde. <sup>33</sup> Nau hadnenesegauhude, nau had-naāde: nau nasese hadnaāejaegauhāde. <sup>34</sup> Nau haejaenauwu nuu: nau nuu hauthedau haeyau-

\* 18:19 Missing letter "u" in "Hejavaneauth(u)saun", which often appears (as does "Hejavaneauthusau") where we would find the name "Jesus" in the KJV.

daunaunauu, daudause haejaenauwu hathauthedaunāthee. <sup>35</sup> Nau hethauwu, hāyāēdadauau Jericho, jasa haenanenaugu henane haetheaugu nedechaudenenee dauhunedauwaude: <sup>36</sup> Nau haenedauwaude henanedanede dadavechaudenenee, haenaudedauva haesedaunenenee. <sup>37</sup> Nau haeāēdauwunau, henee Jesus Nazareth hanehedesade. <sup>38</sup> Nau hanaāēvasanade, Hejavaneauthusau, nananene Heau David, jeauwunaune, hathauhuk. <sup>39</sup> Nau henee nanedauvathee haeneneuvanauu haddādaunaugunith: hau haevasanade haugauthe, Nananene Heau David, jeauwunaune. <sup>40</sup> Nau Hejavaneauthusau haedauusa, nau haeautheave hadjādaunade: nau hāyājenauusanith, haenaudedau, <sup>41</sup> Hauddusehathe henee hadenaasehathane? hathauhuk. Nau hanaāēdauwunaude, Vahadāhene, nanaa hadeesedanauwau nauhaudaugaude. <sup>42</sup> Nau Hejavaneauthusau haenehetha, hanesedanauwu nananene nauhaudaugaude: hadethauwaudaude henayauhāne. <sup>43</sup> Nau chauchaunu haeesedane henauhaudaugaude, nau haethauguha, haevaveenethedauna Hejavaneauthu: nau vahee henanedanede, hāenauhaudu, haevaveenethedaunanauu Hejavaneauthu.

## 19

<sup>1</sup> Nau Hejavaneauthusau haewaodasa nau haechaugusa Jericho. <sup>2</sup> Nau, naune, haenedau henane Zacchaeus haseagu, haenajawauna hauyāyēhau, nau haeveaunauu. <sup>3</sup> Nau haenenavadaunauhauva Hejavaneauthusaun haedāhenethe; nau haējeneene daunauthethenadedauenenee, heee daujaahede. <sup>4</sup> Nau haesayāgau, nau haenauahu sycomore hunauhaudee hadnauhaugaude: hanau hadnehedanith. <sup>5</sup> Nau Hejavaneauthusau hāējeedadauau, haejāne, nau haenauhau, nau hathauhuk, Zacchaeus, nauhauhu, nau jeauwusa, hanau nuu desenee hadnanedanau haudaugaude. <sup>6</sup> Nau haenauhauhu, nau haejeauwusa, nau haedasa nauuu neethajau. <sup>7</sup> Nau hāenauhauvāhede, vahee haeneānaune, Henee hadneejādavenethe henanene henee wauwauchudauhu, hathāhuk. <sup>8</sup> Nau Zacchaeus haetheaugu, nau haeēdauwuna Vahadāhenith; Naune, Vahadāhene, vauaugauuu nau daunau nauvanu hadavenuhuanau; nau hiith hadanavanaugu hayewhu hehethee daun henane hanājayaudaouvēdauwauthau, hanājāvaāvenauu yāyāne. <sup>9</sup> Nau Hejavaneauthusau haeēdauwunā, Nuu desenee henayauthāhe hedadauau nuu hauauwu, hanau nechau haneēvāde Abrahamvene. <sup>10</sup> Hanau Heau henane nauusade hadnauvethāde nau hadnenayauhaude daun nauvethauvanith. <sup>11</sup> Nau hajesenedauwau nuu hayauhuhau, haethedaunane nau haeauthau nauhānanadetha, hanau dauhuauchauu wauwu Dādaunedan, nau hanau daunauvanadu henee henajanedanene Hejavaneauthu chauchaunu wauhaadenauhau. <sup>12</sup> Hanaāenehede henaheee, Jasa naja haehau vavāaune vedauauwu hadnesedanauu heee nehayau najanede, nau hadjējau. <sup>13</sup> Nau haedetha vadadauchu hewauwunauwau, nau haejaenauwuna vadadausauna vāējethā, nau haeēdauwuna, Hadaudaunava haunaude jaenauusanau. <sup>14</sup> Hau hauauwunanenu haeasānavaa, nau haeyethautheavedaunene thaugu, Nāhauwuvadaunethenauva naa henane nāhauwuvadaunajawaunava, hathāhuk. <sup>15</sup> Nau hethauwu, henee hāējaenauusade, haeesedane najanede, hanaāauchuwuhaude nuu wauwunau hadnadethaude, hevenauau vāējethā, henee hadnaenauu haedauchu dathājee henane haedauchujavājasedethe hee hedadaunau. <sup>16</sup> Hanaāējenauusade nanedavade, Vahadāhene, havāējethāwau javājasedede vadadausauna vāējethā, hathāhuk. <sup>17</sup> Nau hanaāēdauwunaude, Hethadee, nananene hethāhene wauwau; hanau nananene nethauwaudauwu hee naujajuhuu hadnauwaudauwau vadadausauna hedan. <sup>18</sup> Nau naneseauwaude haejenauusa, Vahadāhene, havāējethāwau javājasedethee yauthauyauna vāējethā, hathāhuk. <sup>19</sup> Nau vavade hanaasenehethaude, Hadnehanāhene yauthauyauna hedan jea. <sup>20</sup> Nau jasa haejenauusa, Vahadāhene, Naune, heyewnuu havāējethāwau, neaunau nedanau nejenanauwau hāheāhau-naa, hathāhuk: <sup>21</sup> Hee dauhusathane, hanau nananene daugaunauwunananene: nananene hedanau henee hāējenayaunau, nau hadegauchu henee hāējenayaunau. <sup>22</sup> Nau haeēdauwuna, hehethee nehayau hadenaa hadauchuwuhathane, nananene hauhauganene wauwau. Haenauwu henee daugaunauwunananenau, hedanauwau henee nāējenayaunau, nau hadgauchauwau henee nāējenayaunau: <sup>23</sup> Naudu gauhājevā navāējethāwau nedauhaenaevāējethā, henee hāējaenauusane hadeesedanauwau nehayau javānee? <sup>24</sup> Nau haeēdauwuna henee daunauthetheaugunethe, Hedanauwunaa vāējethā, nau hadenau henee vadadauchuvāējethāvade. <sup>25</sup> (Nau hathāhuk, Vahadāhene, nanethenauu vadadauchuvāējethā.) <sup>26</sup> Hanau hāedauwunathane, Henee dathājee hanesāde nanethenauu hadnevenade; nau henee janejasedede, daudause henee henethayaunau hadnedanauwunade. <sup>27</sup> Hau hena naujauthauwau, henee najevadaunajawaunau, hadjāthauva hede, nau hadnaunauva hathājenau. <sup>28</sup> Nau hāesanāsenehede nuu, haenedauva, haenauhuyehaunau Dādaunedan. <sup>29</sup> Nau hethauwu, hāyānauusade Bethphage nau Bethany, hāu Olives haeāgu, Haesayānauthava hanesenethe hethaughādaude. <sup>30</sup> Najesaa nananene hese hajasee hāuwudan hathāšana, hathauhuk; nanaa waudasanagu hadvehauna

dätheveehauchavesau hadduguhude, hehauwuthauune henane dachaugu: hadaugunauva, nau hadjāchadauneva hede, hathauhuk. <sup>31</sup> Nau hith daun henane naudeddaunānagu, Naudu hauaugunauna hethānagu? hesau jenaasenehethauna, hanau Vahadāde haddaununaude. <sup>32</sup> Nau henee hautheavathee hanaējathāuthee, nau haeveehanauu neesenehethaude. <sup>33</sup> Nau daunaunaugunauthēe dätheveehauchavesaune, hedaunenith, Naudu haaugunauna dätheveehauchavesau? hathāhau-gaunee, <sup>34</sup> Nau hanaāēdauwunauthēe, Vahadāde haddaununaude. <sup>35</sup> Nau haenauuchaudaunanaui Hejavaneauthusaun: nau haedadasanauwunanaui hedāchaunenau dasee dätheveehauchavesaun, nau haegaugunaunanaui Hejavaneauthusaun dasee. <sup>36</sup> Nau daunausuyehaude, haesasaanauwu hedāchaunenau vaunaa. <sup>37</sup> Nau hāyānausade, wauwu haeauwusa hauanee Olives, haunau-ude hadaichude hethauguhādaunau hanaāanauwuthajauthee nau haeveenethedaunanaui Hejavaneauthu nauu haevasānadedaune heee vahee hathāenauthaunee henesethaunee henee henauhauthaunenau; <sup>38</sup> Haunauwuthajauu Naja henee jaunau haneeseede Vahadāhenith: danā-dauyauu hejavaa, nau vaveenethedauwu javaājauudaa, hāheagu. <sup>39</sup> Nau hauthauu Nesethajauhau hehethēe henenedaa, Hechauhauthethāhe, neuwune hāthauguhādaunauu, hathāhuk. <sup>40</sup> Nau haechaunanāedauwuna nau hasenehethauhuk, Nananenu nāedauwunathana henee, hith nuu dādaunagaunee, hauunauganaui chauchanu hadneduhuthee. <sup>41</sup> Hau hāyānausade, hāenauhadaui hedaun, nau haewewau, <sup>42</sup> Hanaēnehede, hith haenauwunagu, ha nanane, ha nuu hadeseve, hayauhau naathuu hadādaunahedaunaa, hau hewaunehaa yaunadaunane hasesāe. <sup>43</sup> Hanau hese hadnedasāna henee haujauthauwauu hadnesedethee havat hegauha heee nananene, nau hadnechachuānāna nauanee, nau hadnaunaunehāna daudauna hehethēe, <sup>44</sup> Nau hadnanaunauvaenāna, nau hadēyaunewauu hanedauchaunawauu; nau hadnehauwu-naudanauwunā hanesāhenith hauunaugane hanathaugunethe; hanau nanane daujaenauwū hāenaujādaunathana. <sup>45</sup> Nau hanaāeyehaude vadanaunauwuu, nau hanaēnudaunade henee neaudaunanethe jedauwuu, nau henee naudaunanethe; <sup>46</sup> Hanaāēdauwunaude, Wauthaunauhuu, Naudauwuu haneauwunee hadnevevethahedaunee: hau nananena haesedena nedaunadee heyāenu havedehauu. <sup>47</sup> Nau haeautheda hayauwusenenee vadanaunauwuu. Hau najanaui vevethahevahehauu nau wauthaunauhāhehauu nau najavahehauu henanedanede haenenau hedaunade hadnaāde, <sup>48</sup> Hau haeyauhuune nesenehāde hanau vahee henanedanede haenāde-venenu dauhujaathehāde.

## 20

<sup>1</sup> Nau hethauwuu, henee jasia hena hese, denaunauthedade henanedanede vadanaunauwuu, nau haeauthedaude waunauyane hethadene, najanaui vevethahevahehauu nau wauthaunauhāhehau haedasaa nauuu vachaugananenu, <sup>2</sup> Nau hanaānadethauthee, Jeauthedaunā, hayew hāenaudahede hāenesedaude nuu hayauhau? wauāthe hanaa henee havenāde nuu hāenaudahede? <sup>3</sup> Nau hanaāchuhananāedauwunaude, Nechau hadnaudedaunathana hanesade hayewhu; nau hadjēdauwuneeva: <sup>4</sup> Heedusaayāde Jaun, gauhuthaune hejavaa, wauāthe hehethēe henenedaa? hathauhuk. <sup>5</sup> Nau haeeegaugauudenauu, hith hesauhesenehethaunauu, hehethēe hejavaa; hahagaunee, Naudu haejethauwadaunau? hanāthānuu. <sup>6</sup> Hau hethaunauu, hehethēe henenedaa; Vahee henanedanede hanāedaunauvānuu hauunaugāe, hanau hethauwaenauthēe henee Jaunau dauhaeyānith. <sup>7</sup> Nau haēdauwunanaui, daujeneauthedaunauthēe daunathane. <sup>8</sup> Nau Hejavaneauthusaui hanaāēdauwunaude, Dause gauhadnauthedaunathava daun nāenaudahede nāenesedaude nuu hayauhau. <sup>9</sup> Hanaējasesanadedauu henanedanede hee daujene; Jasia henane haehenane dadajevenevenethachayau, nau haeehathauuauwujethāhehau, nau haejathāu henee vavāune vedauwuu haegudaunā. <sup>10</sup> Hāenauauchaunee haeyethautheava wauwaune hese thauuauwujethāhehau, henee hadjevenāde vevenaunenau hehethēe dadajevenevenethachayaunaa: hau haeneneseguhuu, nau haejathethajenāhee jessaa. <sup>11</sup> Nau jea haeyethautheava jachau wauwaune; nau haeneneseguhunauu jea, haedadayānachuhanauu, nau haejathethajenāhee jessaa. <sup>12</sup> Nau jea haeyethautheave nanaseauwane: nau haenasenēhanauu jea, nau haenuguthanaui. <sup>13</sup> Hanaēnehede hadāhevāhe dadajevenevesaa, Hewauujeesedaunau? Hadauthewauu navechauthau nā: Nauchāe hadenehauthēe hāenauhauwunauthē. <sup>14</sup> Hau thauuauwujethāhehauu hāenauhauwuthēe, haegaugauudenauu, Naa nananede hadvanēhanāde: nahājuu hadenauaune, henee headvanēhanahedaunau hadenēhanēnaui. <sup>15</sup> Hanaēnuguthauthee dadajevenevenethachayaunaa, nau haenanaui. Haudneduseha hadāhevāhe dadajevenevenethachayaunaa? <sup>16</sup> Hadejade nau hadnauihaude nuu thauuauwujethāhehau, nau hadgauchuhvāde dadajevenevenethachayau, hathauhuk, Nau hāenedauwuu,

hadnehauwunaasau, hahagaunee. <sup>17</sup> Nau haenāuhauva, nau hanaāēdauwunaude, Dusau nuu henee wauthaunauhuu, Hauunauganau hauauvāhehauau hausāguthaunenau, hanānenenith hāhe hanādāche nedautheaunee? <sup>18</sup> Daun janesee dasee nuu hauunaugane hadthauusee, hau dasejaneseagu hanānāchauhauthāhāunaude. <sup>19</sup> Nau najanauau vevethahehauau nau wauthaunauhāhehauau chauhauu haegaugauanavanauau hadnesedanauthee; nau haedaumu henanedanee hee dauhāenuu henee dauhuanadede nuu dajenehede hee. <sup>20</sup> Nau haeauuayauhauvanauau, nau haeauthavanauau haunauyauhauthāhehau, hadnanadaunethānethe hadchuvāhevathe henanenau, henee hadnesedanauwunethe hedanadedaanau, henee hadenauuchaudaunauthee hejadenenau nau naunaudāhenethe hauchuwunanene. <sup>21</sup> Nau haenaunaudedaanauau, Hechauhauthethāhe, haenaunee henee hasenenaunee nau nethauwuchauhauthethāhe, daudause hāhauwujāvedaugauhauwaunauau henanedanauu hegau, hau hanechauhauthethāhe hese Hejavaneauthu hethauwu: <sup>22</sup> Gaunasauau hee nananee hadnevenade hauāyauu Caesar, gauwauāthe hegau? <sup>23</sup> Hau haeauuauu henadaunedaunenau, nau hanaāēdauwunaude, Naudu haevadauvasehena? <sup>24</sup> Jenauhauthehee vāejethāe. Hanaa hewauthaunenauudene, nau hanaa hewauthaunauhanede? Haeauchuhanāedauwunauau, Caesar. <sup>25</sup> Nau hanaāēdauwunaude, Jauaunaudaunaa hee Caesar hayauhuhau henethayaunau Caesar, nau Hejavaneauthu hayauhuhau henethayaunau Hejavaneauthu. <sup>26</sup> Nau haejenesedanauwu hedanadedaanene hathājedaunenee henanedanede: nau haegaugauanadauwu hedauchuhanehedaanene, nau hanaāedadaunauthee. <sup>27</sup> Hanaājeedauchauthee jasae Sadducees, hayāthajauhuhau henee hadjejaegauhadenene: nau haenaudedaanauau, <sup>28</sup> Hechauhauthethāhe, Moses hathauthaunauwunānauu, Hith daun henane henuhauwauu gaujauaudāheyaugaune, heneyaugaune, nau gaujauaudāheyaugaune jedāeyauneveyaugaune, henee henuhauwauu hanādanaude henenene, nau hanānesaunede hee henuhauwauu, hathauhauugaunee. <sup>29</sup> Hena hee haenesaudaunauu henahavaevadehehauu: nau jasaa nedauu haeenene, nau haenaja haējedāeyauneve. <sup>30</sup> Nau naneseauwaude haeneva, nau haenaja haējedāeyauneve. <sup>31</sup> Nau naneseauwaude haeneva; nau vavade hanaasene naneseaudaunauuau, nau haejenauthanauu dāyaunauu, nau haegaugauaudāhenauu. <sup>32</sup> Waunee vahee hesā haegaugauaudā jea. <sup>33</sup> Henaheee jaegauhadeneyāgu hanaane hadnevādaune? hee haneseaudaunethethe daunevāde. <sup>34</sup> Nau Hejavaneauthu haeauchuhanāedauwuna, dāyaunauu nuu hathāuauvua nenevadedaanee, nau nenenehadenee: <sup>35</sup> Hau daun naunauguathee hadnenaededuu hena henaedede, nau jaegauhadeneyāgu hehethē gaujauaudahede, hadnehauwunevadedaanee, hegau hadnenenehadedaune: <sup>36</sup> Daudause hadnehauwauthenajadene: hadnaathahedaunee hauthaunauu; nau hadnenaunevāthee Hejavaneauthu, naathedāyaunenedaanee jaegauhade. <sup>37</sup> Wauhā henee gaujauaudahehehauu hadjaegauhāthee, Moses denauhauthehade jauuadee, deadethāde Vahadāhenith Hejavaneauthu Abraham, nau Hejavaneauthu Isaac, nau Hejavaneauthu Jacob. <sup>38</sup> Hehauwujavaneauthu heyauhauade, hau henaedede: hanau vahee haneenaededaunenee. <sup>39</sup> Hanaāene jasaa wauthaunauhāhe haeauchuhanadetha, Hechauhauthethāhe. Nananene hethade hasenehene. <sup>40</sup> Nau hee haejauthenaudedaanauu. <sup>41</sup> Nau hanaāēdauwunaude, Naudu haena hane Chris Dāvid\* dauhuāwaude? <sup>42</sup> Nau Dāvid nehayau hasenehede wauthaunauhanaa Psalms,† Vahadāde hasenehethaude Navahadāhewauādaune, Hadjejanaugudaune hejavesanee, <sup>43</sup> Haunaude nadeesehauuau haujauthauwauu hadnedaugāugunene. <sup>44</sup> Dāvid henaheee haehenesea Vahadāhenith, dusee heau? <sup>45</sup> Nau vahee henanedanede haenedaanau hanaāēdauwunaude hethauguhādaunau, <sup>46</sup> Waudauu wauthaunauhāhehauu, neneanadu javesanee sauaunusāchaude, nau vechauduu jauthahadede nedauadaunauvadedaanenee, nau najatheaugudaunau vevethahenuu, nau najanau nedaugunethe vanethedeaunenee; <sup>47</sup> Naudauvāe henevesānuu hedauuunene, nau hanau denauhauthethāthee deguthevevethahethee: hadnathee hanesedanuu vanasaunee gudanadede.

## 21

<sup>1</sup> Nau haejāne, nau haenuhauvā nethauyāsenanene haejenanauu hevaudenenu haenathau-  
naa. <sup>2</sup> Nau haenuhauva jea jachau hadavenuh henevesāne haethāgudene hanesāne nevaāhenee  
vāejethāu. <sup>3</sup> Nau hanaāenehede, hethauwu nananenau nēdaunuwunathana henee naa hadav-  
enuhenede henevesā javaājenanauu vahee; <sup>4</sup> Hanau vahee nuu nanethauyādahethee dejenanu  
dejenanauwunauthee Hejavaneauthu: hau hadavenuhenede hagenanauu vahee heenaededaunau

\* 20:41 "Dāvid" is spelt thus here and in two other places nearby, 20:42 and 20:44. The name is spelt "David" in its other ten appearances in the text. (See note for 13:16.) † 20:42 "Psalms" is capitalized here but not in 24:44, but both are almost certainly deliberate. As per the KJV, "Psalms" in 20:42 is the name of a book in the Bible, but in 24:44 the common noun "psalms" is meant.

hathāenethenauau. <sup>5</sup> Nau haehēgaugaugaudenauau vadannauauwu, haseneehenee nauguu hethāhenethe hauunanganau nau hausāyanau, hanaāenehede, <sup>6</sup> Nuu hayauhuhau hānauhau-  
 thaunenau, heseē hadnauaichuu, hadnehauwunathauau hanesāde hauunauga hanathaugude had-  
 vajanesee. <sup>7</sup> Nau hanaāenedaudeamuthee, Hechauhauthethāde, hau hadduunaasau nuu? nau  
 hayew hadnauhauwu hadnesauau hāene nuu hayauhuhau hadneenauaichuu? hathauhauganee.  
<sup>8</sup> Nau hanaāenehede, haunauyauhaudauwauau henee nananena hadejenanedaunehana: hanau  
 hadnewauthathee hadjauthee Naneseedanaa, Hanejavaneauthusaunenenu, hadnethee; nau hayā-  
 nauaichauau: jevathauguhaa. <sup>9</sup> Hau hāenedauwaudauwunā vauthadede nau jajayauthadede, jeva  
 nathajauau, hanau nuu hayauhuhau hadnedauunauaichuu; hau hadneevadauauau hadguthauau.  
<sup>10</sup> Hanaāēdauwunaude, jajaesenanedede hadnevauthadee jajaesenanedaa, nau najanede had-  
 nevaudauau najanede: <sup>11</sup> Nau hadnavathethauthauwunauauau vedauauwu, nau hasenaude,  
 nau havathaugawude, nau naunaunauchaudauhauthaude nau hadvasauau naunauhauwu had-  
 nauaichauau hehethē hejavaa. <sup>12</sup> Hau hadnejesejenauaichuu vahee nuu, hadnedanāna, nau  
 hadnaunaunauchauthehāna, nau hadnevaudenee nananena hauāchaude, nau duguhunauauwu, nau  
 hadnenauuchauhana hathāajethee nenauchuwuthee nau hauchuwunanenu nau hanau Naneseede  
 heee. <sup>13</sup> Nau hadnaasejenauunana heee haenathau. <sup>14</sup> Hāenauwu heehēna nananena hada-  
 hēnauau, jevagaugauthajauau nedauau daun hadnesenehaja: <sup>15</sup> Hanau hadvenathana vade nau  
 haeyauade, vahee hasānavādaunenau hadnehauwuneyādaunāva hegau hayethaugudaunādaunenau.  
<sup>16</sup> Nau nananena hadnavethēvāthee nesauuu hanehānenau, nau hāthesaunenau, nau hādaūne-  
 nau, nau hādaehānenau; nau jasae nanaena hadneenaana. <sup>17</sup> Nau hadneevahasānavāhena vahee  
 henanedaa hanau naneseede heee. <sup>18</sup> Hau hegau hāthaanenau haudauguhuanenuau hadne-  
 hauwugaujauaudāhēnauau. <sup>19</sup> Hanāēdevedaunenau hadnaunaunehaudde havadathuwunau. <sup>20</sup> Nau  
 hāenauhauwunā Dādaunedan hadnechauchuaunāna vanenanenuau, nanehāenauwuna he-  
 nee nauauhadede wauwu hadneadaa, <sup>21</sup> Nanehadaugauhuthee heseē hauanee hathāanedauthee  
 Judaea; nau henee hathāanedauthee nahethāe nanēhanauhethē; nau jevajejedānuha henee  
 hathāanedauthee gauchuhunee vedauauwu. <sup>22</sup> Hanau nuu heseē hadneauthedaunee henee vahee  
 hayauhuhau hathāewauthaunauhu hadnethauwunaasauau. <sup>23</sup> Hau naunauthaunee hadnethauau-  
 vāhethēe hathāenesaunethee, nau hathāenaunauhuthee hēna heseē, hanau hēna hadnavathasēna-  
 deneē vedauauwu, nau hasēnaundaunāhēnauau nuu henanedane. <sup>24</sup> Nau hadneanathāhethēe  
 gaugauthau, nau hadnejathechauhāthee hadwauwaunenethee vahee jajaesenanedanede: nau Dā-  
 daunedan hadnauguhethee Neauthu, haunau Neauthu nauauchaudauhauganee. <sup>25</sup> Nau had-  
 nauhauthaunee heseē nau vegesee, nau hauthuu; nau nanadee hathāauauvaa hadna-  
 nauādaugauhudaunee jajaesenanedanede, hadnehauwaenauwu; hadaje nau hadnaunaudānauau;  
<sup>26</sup> Henanenauau hedahenu hadnadanāthajauunee, nau hanau naunauyauhaudu hēna hayauhuhau  
 hadnauauchaunee dasee hathāauauvaa, hanau hathāenauthauau hejavaa hadnauauwunauauau.  
<sup>27</sup> Nau hadnaāenauhauwauna Heau henane hadnenauusade hēnaunauade nauguu naunauthaunee  
 nau hadnavathēnausāauau. <sup>28</sup> Nau hāene nuu hayauhuhau hāenauaichuu, nauhadnaāenauauā-  
 nēna; nau hadnejenāauguana heee hadneejaenauthana hadnaēaudaa. <sup>29</sup> Nau hanaāēdadajene-  
 hethaude; Nauhauvaa hauyauachunauhaude, nau vahee hahaudenauau; <sup>30</sup> Hāeguugauāhenauthe,  
 hadnauhauwauna nau hadnaenauwuna nehayau henee veja dauhuaada. <sup>31</sup> Hadnaasauau nana-  
 nēna hāenauhauwunā nuu hayauhuhau hadnethauwunaasauau, hāenauwu henee henajanede  
 Hejavaneauthau hēnaudane. <sup>32</sup> Hethauwu nāedauwunathana, nuu hēnaedede hadnehauwu-  
 vadauau, haunau de vahee hadnethauvāe. <sup>33</sup> Hejavaa nau vedauauwu hadneyauhuu; hau  
 Nadanadedauau hadnehauwuthauyauhuunau. <sup>34</sup> Nau haunauyauhaudauwauau nehayau, nase-  
 duhuu daunēne hadahenu havaehayaundenau heee haudauhauganedaunenau, nau havandanenu,  
 nau haunamethaunenau nuu hēnaedede, nau henee heseē hadgaudauunāna nau hadnehauwaē-  
 nava. <sup>35</sup> Hanau waude nauyauudenau hadnauaichauau vahee hathāethēaugude dasee hathāauauvaa.  
<sup>36</sup> Haunauyauhaudauwauau hēnaheee, nau hevevethahee dajauaunee, henee nananena hadeheena-  
 guana hadegauchuhauwuna vahee nuu hayauhuhau henee hadnauaichuu, nau haddetheauguna  
 hathāāhede Heau henane. <sup>37</sup> Nau hesenee haechauhauthethā vadanauauwu; nau hāveeayaunee  
 haenauā, nau haeadāne hauanee henee neseeyāgu hauanee Olives. <sup>38</sup> Nau vahee henanedanede  
 haejevanauuchaudene naugusāje daunauaganee hadaude vadannauauwu, heee dauhujaathēhāde.

## 22

<sup>1</sup> Wauhā hadneevasevenee janenesaunauchauanauhuu jauaujaunau haeyānauaichau, Hadav-  
 echaude neseāgu. <sup>2</sup> Nau najanau vevethahevahehau nau wauthaunauhāhehauau haegaugaua-  
 nadauwunenau hadnesenaāde; hau haedauwu henanedanede. <sup>3</sup> Hanaāējedāde Haujau Judas

hejaveede Iscariot, haenethanedau vadadauchunesene. <sup>4</sup> Nau hanaējathāau, nau haenadetha najanau vevethahevahehau nau haunauyauhauthāhehau, hadneseavedaunaauwaude. <sup>5</sup> Nau haeneethajanaunau, nau dechachuwuhadethee hadvenāde vāejethā. <sup>6</sup> Nau haesayānehetha, nau haeaunauyauhauwunau hadneeneavedaunaunauwaude henanedane. <sup>7</sup> Hanaēnauauchaunau hese janenesaunauauchaunauhuu jauaujanau nanaa hadavechauthau hadnāede. <sup>8</sup> Nau hanaāedtheauwade Pedaheau nau Jauneau, Najesaa hadesaanudeva hadavechauthadede, hadevethenauau, hathāhau-gaunee. <sup>9</sup> Nau hanaāēdauwunauthee, Daudu hadauvathehāne hadnedauusaunuu? <sup>10</sup> Nau hanaāēdauwunaude, Naune, hāejedānā hedan, hena henane hadnuchauanāna, hadnewauwunauau hauānau hadjaāsanenee naje; hadethauguhauva hauauwuu hadnedaujedāde. <sup>11</sup> Nau hadethauva henane hedauauwunede, Hechauhauthethāhe nejeethāne, daudu jādanauwuu hadnedauvethenauau hadavechauthadede nauuu nāthauguhādaunauau? <sup>12</sup> Nau hadnauhauthethāna vanasaunee dachauuwwu hadnesewaudeanee: hadnesaanuhuu. <sup>13</sup> Nau hanaēyehauthee, nau haeevedenauau neethāedauwunaude: nau hanaāesaanudethee hadavechauthadede. <sup>14</sup> Nau hāenauauchaunee, hanaējajanaugude nauuu vadadauchunesenee hevadauhana. <sup>15</sup> Nau hanaāēdauwunaude, hethauwuvadavethenau nuu hadavechauthadede nauu nananena haje-sejasauwauwuthānau: <sup>16</sup> Hanau nāedauwunathana, Nadnehauwauthethee nuu, haunaude hadnauauchaunau henajanede Hejavaneauthau. <sup>17</sup> Nau hanaāedanauau vāenau, nau hanaāēvāde vaveenede, nau hanaāenehede, Hedanauwuu nuu, nau hadjaanauwauva nehayau: <sup>18</sup> Hanau nāedauwunathana, Naudnehauwuvanethede dadajevenenaje, hanaude henajanede Hejavaneauthau nauauchaunau. <sup>19</sup> Nau hanaāedanauau jauaujau, nau hanaāevāde vaveenede, nau hāejane, nau haevēna, Nuu nanaa nadanayau havenadenenau: nuu hadneejenauneethedaunena, hathauhuk. <sup>20</sup> Naasauau jea vāenau hāesethunevethehedaunee, Nuu vāenau waunauyauau hesānaveede Navae-vaa, hanedaunauwunana, hathauhuk. <sup>21</sup> Hau nauhauvaa, hejadena hanaeavedaunaude nananenauau nanedauguvānauau vethehedaunaa. <sup>22</sup> Nau hethauwuu Heau henane hadjathāau, neesedaunauwunade: hau naunauthaunee henee henane haneavedaunaunadenene. <sup>23</sup> Nau hanaāe-naunadedeaudadethee nehayau, hanaadee hadnesedaude nuu. <sup>24</sup> Nau hena jea haeneenayaundenauau, hanaadee hadjavaāvasāthaa. <sup>25</sup> Nau hanaāēdauwunaude, Nenauchuwuthee Neauthuu haevahad-hethedauu; nau henee nanethenuu naudahede nanadee hesenaedehehauau neseadagaunee. <sup>26</sup> Hau jevanaathāhee: hau henee havasāthawaunādaunenau, hadenahavaewauva; nau henee naja waude henee henechauthāhehau. <sup>27</sup> Hanaa vanasāthaa, henee vanethede, wauāthe henee henechauthāhe? gaujenane henee vanethede? hau hanedaunathana waude henee henechauthāhe. <sup>28</sup> Nananena daudajauaunenethaunena denaunaunauchauthehanau. <sup>29</sup> Nau janenanauwunathana najanede, waude Nāsaunau nejeesejenanauwunānu; <sup>30</sup> Hadevethethena nau hadevaveyāna navethehedaunaa Nanajanaunaa, nau hadetheaugudaunau najathaugudaunau hadnauchuwuhaua vadadauchunesenee jajesenanedanede Israel. <sup>31</sup> Nau Vahadāde hanaāenehede, Simon, Simon, nauhauwune, Haujau nevadaunethenāne, hadvachuuguthāne waude thauauhanewauchuu-nau: <sup>32</sup> Hau nevevethasathane, henee hadethauwuthajaude hadejenadegaunauau: nau hāe-jauaugauthethajauaunee hadedāewaunauau hahauwauauau. <sup>33</sup> Nau haenehetha, Vahadāhene, Nananenau hanesaanunau hadnenenethaunathane, nesauna duguhunauwuu, nau gaujauauda-hedaunaa. <sup>34</sup> Nau haeāedauwuna, hāedauwunathane, Peda, neautheneāhe hadnehaunuwunuu nuu desenenee, hajesenehenaunee nasau hadnethedaunau henee nananene daujaunene. <sup>35</sup> Nau hanaāēdauwunaude, Deathavejenanathana hāehauwunewauunava nesevāejethāwau, nau newaugusajaānau, nau wauaunau, gauhājevathēhāva hayewhu? Hegau, hathauhaugaunee. <sup>36</sup> Hanaāēdauwunaude, hau hewaunehaa henee nanethenauau nesevāejethāwau nanehaedanaunee, nau jea heneaugusajaānau; nau henee janenethenauau gaugauchu, nanehaedanaunee heddu, nau jeaudaunade gaugauchu. <sup>37</sup> Hanau nāedauwunathana, henee nuu wauthaunauhuu hethauwunauthaunauhuna, Nau haewauhauunau wauwauhauhuhau: hanau nethauthedauthanau hethauvaa. <sup>38</sup> Nau hathauhaugaunee, Vahadāhene, nauhaudau, heyewnu hanesāe gaugauthau. Nau haeāedauwuna, Naadauchāe. <sup>39</sup> Nau haejenaua, nau haejathāau, nesedaude, haua nee Olives; nau hethauguhādaunau jea haethauguhā. <sup>40</sup> Nau hānanuusade, haeāedauwuna hevevethahee henee hadejejedāna vasedade. <sup>41</sup> Nau haejāvesa hehejese nejechauthaunenee, nau haechagu-janau, nau haevetha, <sup>42</sup> Nāchau, hith Nananene vadausedaunenau, jegudanaunee nuu vāenau hehethēe Nananenau: hau nāhauwuvathēhaa, hau Nananene, hadnaasauau, hathauhuk. <sup>43</sup> Nau haenauhauva hauthaunee hehethēe hejavaa, haedadāevaa. <sup>44</sup> Nau haeneenajeneethajau haeneenavevetha: nau heguwauwaude waude davathejaneauthee vaewauau dejanese vedaunauwuu. <sup>45</sup> Nau hāegauhāde hehethēe devevethahede, nau haejeedasa hethauguhādaunau, Haeveena hae-seenaugauhunenau hee haudauwuthajaude, <sup>46</sup> Nau haeāedauwuna, Naudu haenauhauhuna? gauhāe



nau vevethahee, hadejejedāna vasehadede. <sup>47</sup> Nau hajesanadede, haenauhauwu havathenedanedede, nau henee Judas neseade, jasaa vadadauchunesenee, haenedauva, nau haeyāedasa Hejavaneauthusaun hadnedanaude. <sup>48</sup> Hau Hejavaneauthusaun hathāhuk, Judas, gauhāavedaadauna Heau henane gauhadneedanau? <sup>49</sup> Hāene henethauguvādaunau daunauhadauwunethe hadneshade, Vahadāhene, gauhadjedauwaunauau heee gaugaachu? hathauhauganee. <sup>50</sup> Nau hanesāde haedauva u hewauwaunavene vasnajane vevethavevahew, nau haegauadathāhe hejavese. <sup>51</sup> Nau Hejavaneauthusaun haeauchuhananadetha, Hauwaa nanesedau nuu. Nau haevasane henaudau-nunene, nau haenayauha. <sup>52</sup> Hejavaneauthusaun hanaāenehethaude najavevethavevahew, nau haunauyauhauthāhehau vadannauauwu, nau vachaugananenau, hejewaunedasādaunau, Gauhāe-jauva, waude heee havedehe, nauguu gaugauthau nau vachau? <sup>53</sup> Denethenaedevathana hayauwuse-nee vadannauauwu, nananena hāehauwudaneva: hau nuu nauauchadauna, nau naunauthauau vaneeyauau. <sup>54</sup> Hanaāedanauthee, nau haejatthechauhanaau, nau haejedananauau Vasenajane vevethavevahew hedauauwunene. Nau Peda haejesedauchu. <sup>55</sup> Nau hāesewaudeadaunathee na-hethāe hadauvasenejesauau, nau haeauājanaugunauau, Peda haejanaugudauna. <sup>56</sup> Hau jasae hes-āhedāeyaune haenauhauvaa daujanaugudaunaude hejava hesedaa, nau haenaunauchaudauhauvaa, nau hathāhuk, Naa henane jea nanethenaedewaude. <sup>57</sup> Nau haeethedauwautha, Hesā, nahauwaenaunau, hathauhuk. <sup>58</sup> Nau naunade jachau haenauhauvaa, nau hathāhuk, Nananene jea hanehedāhene. Nau Peda hahagu, Henane, nananenau hegau. <sup>59</sup> Nau heee jasaye denauachauau waunee jachau haeethauwunehene, hathāhuk, hethauwu naa jea nanethenaedewaude; hanau nananede Gananaean. <sup>60</sup> Nau Peda hahagu, Henane, Nāhauwaene daun nesenehene. Nau chauchaunu, daunausunanadede, neauthuneāhe haenedu. <sup>61</sup> Nau Vahadāde haejaaagu, nau haenāuhauva Pedaheau. Nau Peda haethauchtahajade hadanadaunene Vahadāhenith, neesenehethāde, Haje-sejeneduhede neauthuneāhe, nananene hadnethedauwauchune nasana. <sup>62</sup> Nau Peda haenauna, nau haeneenavewau. <sup>63</sup> Nau henanenauau henee daununauthee Hejavaneauthusaun haevava-vanauchuhanaauau, nau haedaudauauvaa. <sup>64</sup> Nau hāesajeājethauthee, haenadeāhenauau, nau haenaunaudeadaunauau, Haeyāhe, hanaa henee haudauauvāde? nethāhuk, <sup>65</sup> Nau wauthanee haewauwauchuvaa nanāsanadethāde. <sup>66</sup> Nau chauchaunu hasenaugusājenee, vachaugananenauau henanedanedede nau najanauau vevethahehehauau nau wauthaunauhāhehauau haeauāchadaunauau, nau haejedananauau hadauhanadethee, <sup>67</sup> Gauhanane Chris? jeāedauwunā, hathauhau-gaunee. Nau haeāedauwuna, Hith Nananenau hāedauwunathanagu, nananena hanājethauwau-daunena: <sup>68</sup> Nau hith nananenau jea naudedauathanagu, nananena hanājauchuhananadesena, wauāthe hanājejenanena. <sup>69</sup> Hewaunehaa heee Heau henane hadtheaugude hejavese naunaudāhenith Hejavaneauthu. <sup>70</sup> Hanaāenehethēe vahee, Gauhanane Heau Hejavaneauthau? Nau haeāedauwuna, Hasenehena Nananenau. <sup>71</sup> Nau hahagaunee, Hehauwauthevathēhānaauau naudedauyaunauau? hanau nehayau nanedaunaunauau Nehayau hedenaa.

## 23

<sup>1</sup> Nau haunauude henanedanedede haegauhādene, nau haeyehadaunanaunauau Pinade. <sup>2</sup> Nau hanaāevavasevāde, Vaneenaunauau naa gauchuhuchadede jajesenanedanedede, nau nedauduwaude hadjevenauthee hauāyaunau Caesar, daunahagu Chris Nenauchuwude, nethadede, hathauhau-gaunee. <sup>3</sup> Nau Pinade haenaudeadauna, Gauhanane Dauhunauchuwuhunene Jews? hathauhuk, Nau haeauchuhanāedauwunaa, Hethauvāne. <sup>4</sup> Hanaāēdauwunaude Pinade najanau vevethahehehau nau henanedanedede, Nāhauwuevedenaune wausaunee naa Henane. <sup>5</sup> Nau haenaunauchauthedauhadene, wauwauyachude henanedanedede, hanechauhauthethāde hehethēe vahee Jewsevedauwuu, jejas-esee hehethēe Gananane nauu nuu vedauwuu, hathauhauganee. <sup>6</sup> Hāene Pinade nedauwau-thaude Ganane, haenaudeadauna wauau haganananenene. <sup>7</sup> Nau chauchaunu hāesaenauau henee daunaadāde Herod hadaunajavanethe, haeathavenane Herod, jea haenedau Dādaunedan hena hese. <sup>8</sup> Nau hāene Herod nauhauwaude Hejavaneauthusaun haevaseneethajau: heee devadaunauhauwaude dajauaunee hanau dauhuwauthanedauwauthaude; nau haevadaunauhadauwu jasaa venauneguthau hadnesedaunith. <sup>9</sup> Haenaunaudeadauna hauwuhuu hanadedanaun; hau haejauchuhananadethaa. <sup>10</sup> Nau najanau vevethahehehau nau wauthaunauhāhehau haetheaugunenau nau haenauna-nauauthevaa. <sup>11</sup> Nau Herod nauguu vauānanenau haejenananauaugaugauyaune, nau haevava-vanauchuhanaunau, nau haeneenuhanaunau neudahenenee hu, nau haevenanaunau jea Pinade. <sup>12</sup> Nau hajesesenenee Pinade nau Herod haenedaehāvadenuau nesauuu: hanau nedauwuu haesasānavade-nauau nehayau. <sup>13</sup> Nau Pinade, hāesauānadethaude najanau vevethahehehau nau hauchuwuna-nenau nau henanedanedede, <sup>14</sup> Haeāedauwuna, Nananena nauuchadaunena naa Henane, nanahagu henee gauchuhuchadede henanedanedede: nau, naune, nananenau, haunauchuwuhauau hathāhena,

nāhauwuvedenaune wausaunee naa henane heee henee hayauhuhau nanāsevasewauna: <sup>15</sup> Hegau, hehauwune Herod: hanau neathavejenanauwunathane; nau naune, hehauwunee nauau hehauwugaudauwudau. <sup>16</sup> Hadnensesegauhaa, nau hadjenanauau. <sup>17</sup> (Hanau hadnaugauhuseaaseadaude hadjenanaude hanesāhenethe vasevethedauneagu.) <sup>18</sup> Nau haunauude haevasānadenauau jasānee, Hausāguthaa naa, nau jenenanauwunāaa Barabbas, hahagaune: <sup>19</sup> (Nananede hanau jasaa nejaveauāde hedan, nau hanau nenaade, nethānade duguhunauauwu.) <sup>20</sup> Pinade henaheee, haevadaujenana Hejavaneauthusaun, haeanadetha jea. <sup>21</sup> Hau haeneānaune, Saethechuhuu, Saethechuhuu, hahagaunee. <sup>22</sup> Nau haeāedauwuna nanaseauwaunee, Dusee, dusewauchudau? Nāhauwuvedenaune hadneegaujauauthehaude: Hadnaasedaunau hadnensesegauhaa, nau hadnaāejenanauau. <sup>23</sup> Nau haeneenavasānadenauau, haeneenavadausaethechuhunauau. Nau haeneānadenauau nau najanau vevethahehehauau haeechawauauwaunauau. <sup>24</sup> Nau Pinade haechuwardā henee hadnaasaunee hasevathehēthee. <sup>25</sup> Nau haejenanauwuna nananede henee hanau nejaveauāde nau nenaade haethānau duguhunauauwu; nananede heenedauwaudenenau; hau haevā Hejavaneauthusaun hathanauwauthee. <sup>26</sup> Nau hāejathechauhauthee, haedananaunau hanesāhenith Simoneau, hehethee Cyrenene, hananeedesade vedauauwu, nau hananene haenahanauwunanaunau naugauchu, henee hadnanewauunauwunith thauguu Hejavaneauthusaun. <sup>27</sup> Nau hena haethauguhaa havathenedanede, nau hesānau, haeadauwuthajauha nau haevewauhauau heee. <sup>28</sup> Hau Hejavaneauthusaun haejaaāne haeāedauwuna, Dādaunedan hedaunauhau, jevahevewauhuu heee Nananenau, hau heevewauhuu nehayau, nau heee hadāeyaunevenau. <sup>29</sup> Hanau, naune, hese janādauuu, hadneenedaunee, Haunauwuthajauau jenesaunehahauau, nau henaudaunenau henee nejethauujanesāthee, nau hethanenau hehauwunethuaunenau. <sup>30</sup> Heee hadnaāejaseseneheduu hauane, Gaudauanānauau; naa jauaudane, gaudauyauhunauau. <sup>31</sup> Hanau hith heenesedauhaugaunee nuu hayauhuhau janadane-gauaheyaugaune hauhadune, haudneedusedaune wautheyaugu? <sup>32</sup> Nau hena haenesenauau gauchuhene jea, wauwauchudauhuhau, haenethaunaa hadnaugumaade. <sup>33</sup> Nau hāene hāedadau, Calvary hanaaseenee, hena haesaethechuhunauau, nau wauwauchudauhuhau, hanesāhenith hejavese, nau jachau nauwauthee. <sup>34</sup> Haenaāenehede Hejavaneauthusaun, Nāchau jaegudanaunene; hanau daujāenuu hasedauthee. Nau haejanaunauwenau, hedāchaunene, nau haehēdaudauwusadaunenau. <sup>35</sup> Nau henanedanede haetheaugudaune dauhasauhauvade. Nau hauchuwunanenau jea nauuu haeauchadanaava, haseneheyaugaune, Nenayauhaude hauthauau; Nanehanehanenayauhade hethauwu Chrisdeyaugu, Neayāsānāde Hejavaneauthu. <sup>36</sup> Nau vanenanenau jea haenaunauauthedanaa, haeedasaa, nau haevenaa naneujaudenee dadajevenenaje, <sup>37</sup> Nau hathāhuk, Hethauwunajawaunaudagaunee Jews, henayauhade nehayau. <sup>38</sup> Nau haewauthaunau jea haewauthaunauhene hejavaa hedanadedauene Greek, nau Latin, nau Hebrew, Naa Nanajawaunaude Jews. <sup>39</sup> Nau jachau wauwauchudauhu chaunauunauwunith haewauwauchuvaa, Hethauwu Chrisdenagu, henayuhade Nehayau nananee, hathāhuk. <sup>40</sup> Hau jachau haeauchuhananadene haedauduva, Gauhajeadaunau Hejavaneauthau, hanau nananene nanesadee hauthauwuhane? hathāhuk, <sup>41</sup> Nau neehanauau; hanau hanesedanauwunauau nanāseadaunauau: hau Naa hehauwuwauchudau. <sup>42</sup> Nau hanaāenehethaude Hejaneauthusaun,\* Vahadāhene, dauyewuwuthedaune hāanauusanaune Hanajanede. <sup>43</sup> Nau Hejavaneauthusaun hathāhuk. Hethauwu hāedauwunathane, Nuu desenee hadnethenaedevene Paradise. <sup>44</sup> Nau hāethauthaunesade, nau hanaāeveeyauau nanadee vahee hathāauavaa haunauade nanasusee hāenauauchauau. <sup>45</sup> Nau hesese haeveenenauau, nau hauguthau Vadannauuwauu haethauwunauau nahethāe. <sup>46</sup> Nau Hejavaneauthusaun hāevasānadede, Nāchau, hajadanaa hadaunaunehau Navadathuu, hahagu: nau hāesenehede nuu, haevadauwauthauwu. <sup>47</sup> Wauhā vanenenaja hāenauhau dauau hasedaunenenee, Haeauwauadauna Hejavaneauthu, Hethauwu naa chaunuvāde Henane, hahagu. <sup>48</sup> Nau vahee henanedanede henee hathāejeauānusathee hadnauhauwauthee, haenauhau dauwu hanasedaudenenee, haenanadesejāhedanaunau, nau haejaajegauhadaune. <sup>49</sup> Nau vahee henedaehauhau, nau hesānau hethāethauguhādaunau hehethee Gananee, haetheaugunenau vavāaune, haenauhau dauwu nuu. <sup>50</sup> Nau, naune, henane Joseph haeseee, najananadehe; nau haethā, nau haechuvā: <sup>51</sup> (Naa haechuwardā hasenehedauenee nau hasedaunethe;) haenaadāde Arimathaea, hedan Jews: nananede jea nehayau haejeauwuwude henajanedaunene Hejavaneauthu. <sup>52</sup> Naa haeyehau Pinade, nau haenedauwaude hedanayaunene Hejavaneauthusaun. <sup>53</sup> Nau haejanana, nau haeauyauuna naunaujānaunee, nau haejenana nedauthānavathe gaujauaudahehehau hauunauāgāe, haunauau henane haejethauujenanau. <sup>54</sup> Nau hena hesee haeesaanudaune, nau vadanesee dayānauauchauau. <sup>55</sup> Nau hesānau jea, hejenauunethaunādaunau hehethee Gananee, haethauguhaa, nau haenauhau dauwu hadausaesenanethe, nau hedanayaunene

\* 23:42 "Hejaneauthusaun" possibly should be "Hejavaneauthusaun". (See note for 18:19.)

hathaudanee. <sup>56</sup> Nau haejaenauthau, nau haeesaanudenauau hathäeneevaudenee nau chauyauanau; nau haedauyanusenauau vadanesee hasauau nanavaavede.

## 24

<sup>1</sup> Wauhā nanedauwadaa hesee hauchauvadede, hajesejevesesanith haejeedadauwu hadausaesenanith, haenauuchaudenauau hathäeneevaudenee heesaanuthaunenau, nau jasae hauthauau nauuu. <sup>2</sup> Nau haenauhauvanauau hauunaugane haeausänene hehethee hadausaesee. <sup>3</sup> Nau haejedānauau, nau haejevedenauau hedanayaunene Vahadāhenith Hejavaneauthusaun. <sup>4</sup> Nau hethauwuau daugaudawuthajuthee heee, naune, hanesenethe henanenau haetheaugudunā haenausaāunenau hedāchaunene: <sup>5</sup> Nau daunāthajauthee, nau haenaunaugunauau vedauuwuu, haeāedauwunā, Naudu nananena haenaudehauna hanenaededaunaude nethee gaujauaudahehehau? <sup>6</sup> Hehauwanedau hede, hau jaegauhāde: dauyewuwuu neethāedauwunāna denausunanedaude Gananee, <sup>7</sup> Neesenehede, Heau henane hadvenavathe hejadenene wauwauchudaunenau, nau hadsaethechauhude, nau nasese hadjaegauhāde. <sup>8</sup> Nau haedauyewuwunauau hedanadedauene, <sup>9</sup> Nau haenaudawu hehethee needusaesenanith, nau haeauthedaunauau vahee nuu hayauhuhau jasānee, nau vahee hauthauau. <sup>10</sup> Haenane Mare Magdalene, nau Joanna, nau Mare henaune James, nau hauthauauau hesānauau henee henethaunādaunenau, neauthedaunauthee nuu hayauhuhau vadauhanau. <sup>11</sup> Nau hedanadedauenenau hathanadauwuyaugaune gaugauyaune, nau haejethauwaudaunauau. <sup>12</sup> Hanaāegauhāde Peda, nau haeyeseneegau hadausaesenanith, nau haewauguau, haenauhaude naunaujānaunee haeānauandenau jessaa, nau haenaude, haegauguanade hasaunee. <sup>13</sup> Nau, naune, hanesenethe haeyehaunenau henee hajesesenee hajasee hauauwudan Emmaus haseagu, hehethee Dādaunedan wauau nesaudauchu nau gauuu daugauha. <sup>14</sup> Nau haenadenauau wauhaunee vahee nuu hayauhuhau hasaunee. <sup>15</sup> Nau hethauwu, henee, dauanadethee wauhaunee nau haenaunaudedauandenauau, Hejavaneauthusau Nehayau haeeachauna, nau haenethauna. <sup>16</sup> Hau hesesānenau haedunenenu henee hadjaenaunauthee. <sup>17</sup> Nau haeāedauwuna, Hayewnau hadanadedauenenau nuu henee nananena hānegudaunenenu, daujajāwauaunadena, nau daudaneāna? <sup>18</sup> Nau jasaa hanaaseede Cleopas, haeachuhananadethaa, Gauhanane vavade dauhadavesane nuu Dādaunedan, nau gauhajaene hayauhuhau hasadaunee hena nuu hese? <sup>19</sup> Nau haeāedauwuna, Hayewnau? Nau haeāedauwuna, Heee Hejavaneauthusau Nazareth, nananede Haeyāhe naunaudāde hanasedaude nau hedanadede hathāāhenith Hejavaneauthu nau vahee hananedanede: <sup>20</sup> Nau najanauau vevethahevahehauau nau hadauchuwananevene neesevānethe gaujauaudahede hadneachuwhude, nau nesaethechauhude. <sup>21</sup> Hau nejauwuwuhau-nauau Nananede hadnenayaude Israel: nau nauuu vahee nuu, desenee nanasāe hesee häesenesedaudenee. <sup>22</sup> Haa, nau jasae hesānauau jea hadahenauau nenāvānauau, naugusāge neanedauthee hadausaesenanith; <sup>23</sup> Nau dejevedethee hedanayaunene, nejenuusathee, neauthedathee, henee jea haenauhauvanauau hauthaunau neethāhaugaunee henee daujaenaedeyaugaune. <sup>24</sup> Nau hauthauauau hānethaunādaunene deyehaunauau hadausaesee, nau haevedenauau vavade hesānauau neesenehenethe: hau haejenauhauvanauau. <sup>25</sup> Hanaāāedauwunaude, Hau hāhauwaenava nau gaunauanuu hadahenau hethauwadane vahee henee haeyāhehauau nethauthedathee: <sup>26</sup> Naasauau Chris hadnasenede nuu, nau hadjedāde hadnedauvasāthaa. <sup>27</sup> Nau jeejasee Mosee nau vahee haeyāhehauau, neevavesāedauwunaude heee vahee hanathauthaunauhunee hayauhuhau hadnesenaedede Nehayau. <sup>28</sup> Nau haeeachauwu hajasee hauauwudan hasesathee: nau nehayau haenenedauneha hadjavesade. <sup>29</sup> Hau haenenadaunauau, hathauhaugaunee, Hanedaunā: hayānaesade, nau hesee hayānauwusanauau. Nau haejedā hadnenedaudaunaude. <sup>30</sup> Nau hethauwu, daujanaugude haenethevetheheva, Haedane jauaujau, nau haevaveene, nau haeyeane, nau haevana. <sup>31</sup> Nau hesesānenau haegaunanenenau, nau hanaāaenaunauthee; nau haeyauhau-denauau. <sup>32</sup> Nau hadāhene gauhauchāe hethauvaa, hanathadagaunee jae, deanadethānauau jāthee, nau hāegaunauwunānauau wauthaunauhanau? <sup>33</sup> Nau haegauhānauau chauchauu nau haejaeyehaunauau Dādaunedan, nau haeveehanauau jasānee haeauaunaudanāhenenau, nau hauthauau henee hanedaunādaunenau, <sup>34</sup> Vahadāde gauhāde hethauwu, nau haenauhautheha Simon, hathahaugaunee.\* <sup>35</sup> Nau haeauthedanauau hayauhuhau hanasedaunith hadesathee, nau hasaenaunāde daujeanauu jauaujau. <sup>36</sup> Nau daunauusanadethee, Hejavaneauthusau Nehayau haetheaugu nahethāe hadauthee, nau hathāhaugaunee, Danādayauau vanenathana. <sup>37</sup> Hau haenānauaunau nau haenāthajauanau, nau hasethajauhaugaunee henee haenauhauvanauau vadathu. <sup>38</sup> Nau hathauhuk, Naudu nananena haenāthajaua, nau naidu haegaugauthajaua gauhānauha

\* 24:34 The last word of the verse is unclear and could be "hathahaugaunee" or "hathahaugaunee". The former was chosen as being closer to what is used in other instances of direct speech.

hadahenau? <sup>39</sup> Nauhaudauwuu Najadenau nau Nauaudau, henee Nananenau nehayau: Vasanee, nau nauhauwuu; hanau vadathau hehauwudausānune nau hehauwudechaunave, hathauhauwuna. <sup>40</sup> Nau dauhanadede, haenauhautheha hejadenau nau heaudau. <sup>41</sup> Nau haejethauwuthajaunauau hee haunauwuthajaude, nau haegaugauuthajaunauau, Haeāedauwuna, Gauhajeveheneva hede? <sup>42</sup> Nau haevenanauau hanesāhenith nauwu haeaujaunene, nau gauhauaugunaugauye. <sup>43</sup> Nau haeedane, nau haevethe hathaājenethe. <sup>44</sup> Nau haeāedauwuna, Nuu nanāe hanadedau nau hāauthedau-nathadenenau, denausunethenaedevathana, henee vahee hayauhuhau hadnethauwunauaachuu, hanathauthaunauhuu henanavaavede Mosese, nau haeyāhehauau, nau psalms hee Nananenau. <sup>45</sup> Hanaāegaunanauwunaude hadnaenauwunethe, henee hadnaenauwunethe wauthaunauhanau, <sup>46</sup> Nau haeāedauwuna, Hathauthaunauhuu, nau naasauau Chris hadnasenede, nau hadjaegauhāde hehethēe gaujauaudahede nasese: <sup>47</sup> Nau henee haugauthegaugauuthajaude nau hadjaegudanee wauchudaudenau hadnautheduhunee hee Heneseede nanadee jajaesenanedanede, hehethēe Dā-daunedan. <sup>48</sup> Nau nananena haenauwuna nuu hayauhuhau. <sup>49</sup> Nau, naune, Nananenau vanenathana sayānee Nāsaunau hau theaugu hedan Dādaunedan, haunaude nananena hāchauwunagu nauuu naudahede hehethēe hejavaa. <sup>50</sup> Nau haejasesenedauwauna hajechedanee Bethany, nau haeegauha, nau haevethasa. <sup>51</sup> Nau hethauwuu, daunauvevethauchaude, Haenautha, nau haejechauhau jethēe hejavaa. <sup>52</sup> Nau haevethedaunanauau, nau haejaeyehaunauau Dādaunedan nauuu vase-neethajaude: <sup>53</sup> Nau dajauaunee haenedaunauau jedauwuu Vadannauauwuu, hauwaunede nau haevethedaunanauau Hejavaneauthu. Hethauvaa.